



PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PL  
248  
K37A8

Karay, Refik Halid  
Ay pesinde

3834

18/403





3834

آی بر بنده

هر حق محفوظ در

رفیق خالد

# آی پزنده

Karay, Refik Halid

A y peşinde




استانبول  
صبح مطبعه سی

۱۳۳۸



PL  
248  
K 37 A 8





## آی پيشنده ...

— وطن ماصالی —

وقتيه ، آنادولیده حکم سورن پادشاهلردن برينك دنيا  
كوزه‌لی بر قیزی دوغمش ... ايپك صاچلری طوپوقلرینه قادار  
اوزون ايمش وکسدکجه اوزار، تللرندن اطلسلر طوقونور ،  
ديبالر ارورلور ، آزالوب اکسيلزمش . کولدکجه ياناقلرندن  
کلر بيمر ، انبيقلره قونور ، عطرياتي چيقار ، قوپاردجه  
نوره رمش . آغزی بر طاتلی ، باللی میوه ايمش ، انسانک  
ييدکجه جاننه جان قاتار والئی سوردیکی دال آصمه ودوداغی  
دوقونديغی صو شراب اولور ، کوزینی چهویردیکی طوپراقدن  
فیض وبرکت فیشقیرر وباشنک اوستندن کونش چکيلزمش ...  
پادشاه بومثلسر سلطانه ، آدالر ده کیزينک کوزل بر کورفرزنده  
صوما کی مرمردن بر قصر ياپديرمش وديمش که :

— قيزيمک صاچلرندن ايپك دوقونمق ايچون اطرافه  
دستگاهلر قورولسون ! ياناقلرنده بيتن کللری تقطير ايچون  
انبيقلر ديزلسين ! آغزينک میوه‌سی قوطيلره باصديريلسين  
وباقديغی یری قاپلايان ذخيره لر ايچون آنبارلر ياپيلسين ! ائنک  
سورولديکی داللر اوزوم ویره‌جکی ودوداغی دوقونديغی صولر  
شراب اوله‌جغی جهته‌ده کوپلر حاضر لانسین وپکمز اوجاقلری يانسین !  
ديديکی کبی ياپيلمش ، طلسملی ، سلطان سرائينه قورولش  
و آرزمانده شهر ، جهانک کوزديکديکی ، ايمره نوب قيصقاندیغی ،

قوشوب يرلشديكى بر بندر معمور اولمش . ليمانه كميلر طولار ،  
داغلرينه قصرلر قورولور ، آليش و يریش ، كليش كيديش ،  
ساز سوز ، اوراده هر فرد زنكين پر صحت و بختيار اولورمش .  
بازار يرلری شال ، خالی يوكلی قاطرلری ، اوزوم و انجير  
طاشيان ده وهرلری کوچ استيعاب ايدر ، اسكهله ييقيلان ذخيره يي  
كميلر کوچ کوتورورمش ... آلتون جيلردن طاشار ، صانكه  
ثروت كوكلردن سريليرمش !

ديركن ، كونك برنده ده كيزك او بر قيسنده كي بر سر كرده  
قولاقدن مدحنی ديكليه ديكليه بوسلطانہ عاشق اولمش وبوشهره  
صاحب اولمئي قورومش ... « عسكرلرم حاضر اولسون ، ديمش ،  
او قلريني زهرلی صولره باتيرسينلر ، قالقانلرينه بر قات داها  
چليك قاپلاسينلر وزرهرلرينه بورونوب ميدانه طويلانسينلر ، فيض  
وبركت ديارينه آقین وار ! »

بر صباح ، بوقافلهء حرب ، اطرافه اوق آتهرق ، ثولوم  
صالهرق ، خشين ويغما كر او بركت بلده سنه كيرمش واهالي يي  
اسير ايتمش .. عسكرلر آنبارلری يغما ، امتعه واشياني تالان  
ايدرلر كن سر كرده صوما كي سرايه قوشمش و طلسملي سلطانك  
حضورينه چيقمش :

— سن بنمسك ، ديمش ، آرتق اييك صاچلريكي  
بن طسارايه جغم ، كل يناقلريكي بن ثوپه جكم ، آغزيكك باللي  
ميوه سني بن ييه جكم وكوزيكك باقديني اراضينك فيضندن ،  
اوزوملر كدن و شرابلر كدن بن مستفيد اولاجغم !  
فقط باقش كه اوكل ياناقلر آرتق كوليسور و كل و ير ميور ،

اوطاتلی دوداقلرده میوه بیتیمور ، او ایپک صاحبلر اوزامیور ،  
او کوزلر بریره باقییور ، او طلسملی آلار بر داله سورونمیور  
و اوصولر شراب اولیور ... سلطان بر طاش کبی دوکمش ،  
آرتق حیات و فیض اثری کوسترمیور !

سرکرده درت طرفه آداملر صالمش ، سحر باز لر چاغیرمش ،  
عجوزه لر آراتمش ، کاهنلر بولدورمش ، بودرده بر چاره آرامش .  
اوزمان دیمش لره :

— آی سلاخلی ! بو سلطانه صاحب اولمق و بوبلدهده  
یرلشمک ، بر طلسم واردر ، انحق اونی اله کچیرمکله قابلدیر  
و بو بر امر مشکلدیر !  
سرکرده هایقیرمش :

— سویله ییک هر نه ایسه یاپیم ، هر طرفی قانه بولایم ،  
اوکه کلن یری آتشلره یاقایم ، ایجابنه باقایم !  
بو مجلس قورولی ایکن وقت کیجه ایمش . باش کاهن یرندن  
آغیر آغیر قالمش ، سرکرده نک آلدن طوته رق پنجره یه  
یا قلاشمش ویوکسک بر داغ تپه سنده ، تا کوکلرک ایچریسند  
ایشیل ایشیل پاریلدایان کسکین یوزلی بر کوموشدن اوراغی ،  
هلالی کوستر دک :

— بوکا وارمق ، بونی طوتمق ، بونی قیرمق لازمدر ؛  
تا که شهر سنک اولسون ، سلطان آرتق سکا کولسون . . .  
او یرنده دوردجه بو یرلرده اینجیر ، اوزوم دهره مزسک ، ایپک  
کسوب بیچه مزسک ، شراب ایچوب کزه مزسک ، راحت یوزی  
کوره مزسک !



سرگردنك میزراخی اوزون ، فقط عقلی قیصه ؛ زرهی  
آغیر ، فقط قافاسی خفیف ایمش ! باقش که آی پارچه سی پک  
اوزاقدہ دور میور ، اویوکسه جک داغک یاماچندہ ، بر باشنه ،  
قارانلقده محافظسز بکلیور :

— بومی ، دیمش ، زور دیدیکک هیچدن ایش ! شیمدی  
کیدر ، او داغه بن طیرمانیرم و او آیی یا قالا یوب دیزلریمه دایایه رق  
ایکی پارچه ایدر ، صورتکه فیرلاتیرم !  
کاهن دیمش :

— قولای کورمه ، زور ایشدر ، یاقین دورور ، اوزاقدہ ،  
کوچوک دورور ، بویو کدر ؛ تک صانیرسک ، چوق اولور ؛  
هلال دیرسک بدر اولور ؛ ییلدیزقادر بکجیسی وار ؛ ییلدیرمدن  
سلاحلیدر ، بلوط قابلی حصارلیدر ، آله کچمز بر طلسم او ...  
سرکرده دیکه مه مش ، همان قوشمش ، بوروچالمش ، عسکرلرینی  
طوپلامش و باشلامش یاماچلره طیرمانمغه ، آیه دوغرو اوزانمغه ...  
فقط نه ممکن ؟ داغ آردنده برداغ داها ، نه آشیلماز برزخلر ،  
نه قورقولی بوغازلر ، کوندوزلری صیجاقلر ، کیجه لری آيازلر ،  
چیققدجه چیقیورسک ، دوشه قالقه یورویورسک ، فقط صوکی  
کلیور ، « ها یا قلاشدم ! » دیدکجه ، انسان الی ایرمیور ؛  
« ایشته اوجی ! » دیدکجه کوموش اوراق یاقاسنی ویرمیور .  
سرکرده عنادجیمش ... یاماچلره بیک مشکلاتله طیرمانیر ،  
تکر مکر یووارلانیر ، یینه قالفار ، یینه چیقار ، یینه دوشر ، یینه  
فقط کوزی ییلماز قوشارمش ... طیرناقلری سوکولمش ، دیز  
قپاغی یارالی ، قارغیسنه دایانمش آیه باقار ، سالارمش !

نهایت برکون کلش ، نه کورسون ؟ دومه دوز بر اووا ،  
 صانکه کوکدن بر پارچه ، آی اوراده ، اوکنده یره یاتمش  
 دورویور ، حرکتیز اوویور ... فقط یوکسک یرلر فیرطینالی  
 اولور دیرلر ، بردن بره بر قاصیرغه قوپه رق بلوطلرمی یره  
 چارپمش ، قایلری طارطا قلامش ، ییلدیرملر ، شمشکلر ، بر  
 آقندر باشلامش ... کوک مالنی صاقلامش ، بوتون ییلدیزلر  
 صف صف اولمش ، حرب ایتمش ، آی پارچه سی قهرمانلر  
 سرکرده یی پوسکورتمش ! ثودی قوپمش ، عسکرلر ، میزارقلرینی  
 آتہرق چالاطابان یاماجلردن آتیلمشلر و بیگ زورلقه آشدقلری  
 داغلردن هایقیرہرق تکر مکر یووارلانونب ، حیق دقلری یره  
 ینہ تکرار دونوب کلشلر !

سرکرده ، قافاسندن یارالی ، بر قایانک اوستنده هونکور  
 هونکور آغلارمش :

— بواش بنم کارم دکل . قاصیرغلر یکدک بلوطلری  
 آشام ، کوکه چیقوب ییلدیزلری بربر روورامام قابل دکل آیی  
 طوتوب ایکی پارچه قیرامام ، بوتلمسی بوزامام ! بوراده آرتق دورامام !  
 ایشته بوتلمسلی وقعہ یی متعاقب اوسلطانک ایپک صاحبندن  
 بر قیرمیزی بایراق ثوروب اوستنه بر کوموش آی ایشله مشلر  
 و او شهره اشارت اولمق اوزرده او آیک قوجاغنه بر تک  
 پارلاق ییلدیز قویمشلر .

آی کوکده دوردقچه ، یعنی دنیا دوردقچه بو بایراقده او  
 فیض وبرکت بلده سنده دیکیلی دورمش !



## آنادولیده بهار

آنادولیدن کلنلر سویلیورلر : آنقرده کیلر استانبولک  
حسرتیه نالان ایملر ؛ استانبول کوزلرنده توتویور ، استانبولک  
حسرتی یوره کارینه ایشلیور ، استانبولک اسمی دیلرندن  
دوشمیورمش ! دوغرودر ، بیلیم ، بنده عینی هجران ایچنده  
بش سنه آنادولینک ایص سز بو جاقلرنده مسکن طوته رقا سحقی  
قوشی کبی بر تهویه ( استانبول ! استانبول ) دییه فغان ایتدم ،  
استانبولی صایقلادم ، استانبولک حسرتیه یاندم ، ایکلدم ،  
مجنونه دوندم . آنادولی قصبه لرنده انسانک عمری قوطراده  
روزکار بکلر کبی دائمی بر انتظار ، دورغونلق وصیقیتی ایچنده  
کچر ؛ بو حیاتندن شفا ، صحت و ذوق بکله مک عبشر ، کونلر  
آدامی ایچین ایچین ، سس سز صداسز ، یوموشا جق دیشلریله  
فرقنده اولیه رقا مئادیا کیریر ، اریتر وبر کون قوف ایدوب  
بیتیریر . آرتق ، ئوزینی قورت یمیش بر آغاچ کبی ، سزدن  
چیچک ، یاپراق ، میوه ، یعنی فکر ، ذوق ، نشئه بکله مک  
عبشر ؛ قبا ، خانطال ، لزومسز بر شکل ، بر اشیا حالنه کلیر ،  
کو تولا کبی حس سز دورور . خلاصه قورورسیکز . بو ئوزوجی  
واریتیجی حیات ایچنده استانبول کیتدجه سزه مکمل ، لطیف  
بی مثال کوروئمکه باشلار ؛ کیتدجه استانبولی خیالکزده  
شیرینه شمش ، شوقلنمش بولور ؛ استانبولک یاد خاطر اتیله بر  
باشیکزه وقت کچیرمکی کیتدجه هر مشغولیه مرجح کورورسیکز .



بر اوجی ده استانبوله باغلی اولان تلغراف تللرینه غبطه و تحسره  
 باقدیغ و تلغراف دیره کلرینه باشمی دایایوب یوره کمدن طوپلاناتان  
 فریادلری روز کارلرک تللرده کی پراعتراز ، مدید و ملول آهنکیاه  
 بسته له دیکم زمان بنده شیمدی آنقرده کیلر کی اضطراب  
 چکر استانبولی بویله درونی فغان ایله ، فریاد ایله یاد ایدرم  
 انسان ناصل چوقدن بری غائب ایتدیکی برسودیکنک چهره سنی  
 خاطر لامغه اوغراشیر و بعضاً ، بردن بره کوزینک اوکنه ککش قادار  
 جانلی کورورسه بنده منفار مده استانبولک سوقاقلرینی میدانلرینی  
 و بنالرینی تحطرله اوزون اوزون وقت کچیر و بعضاً بردن بره مثلاً کوپری  
 اوستنی ، بازید میدانی ، بیک قوینی ویا قالمش اسکله سنی صانکه  
 قارشیمده دور و یورمش کی اُک خرده کوشه لرینه قادار جانلار نمش  
 بولیور نجه نه اینجه بر کیف نه تمیز نه خوش بر ذوق دویاردم . قیش  
 آقشاملری کوچوجک قصبه لری قاراللق و سس سزلک ، برداها  
 صباح اولیه جق و حیات عودت ایتیه جک کی دهرین بر کثافت  
 و نفوذله ماتملر ایچنده ئورترکن کنیدی بر آن ایچون مثلاً  
 کوپرو باشنده کی ساعتک آلتنده ، دکانلردن طاشان و تراموایلردن  
 چاقان الکتریک ضیالریله آیدینلار نمش ، غلبه لکدن شاشقین ،  
 کورولتودن سرسام بر حالده ، بویله قاینایان و قارالقلری یاقان  
 ایشیقلی و سسلی بر حیات ایچنده بولمق اُک طاتلی امللرمدن ،  
 اُک ذوق بخش تحیللرمدن بری اولوردی . آنادولیده کی قصبه  
 حیاتی قادار مزعج ، پر قسوت و طاقتفرسا بر حیات تصور ایدیه مز ،  
 قیشی ، یازی ، صباحی ، اقشامی ، بهاری و خزانی خلاصه هر  
 موسمی و هر ساعتی بری برندن برباد ، بونالیتیجی و بوغو جیدر

واورلر ده ایچ صیقینتییسی مزمن بر علتدرکه دواسی ، شفاسی هان  
قصبه حدودندن چیقمق ، قیرلره ، طبیعته آتیلمقدر .

استانبولده کی شوشعشعلی بهارمناسبتیه آناطولیده کچیردیکم  
بهارلری خاطر لیورم . فی الواقع آناطولینک نیم کزدیکم اقسامنده  
بهارلر بر برلرینه بکزه مزلر و ذاتاً آنادولی بهارلری آرابه لرله  
کچرکن وقصبه لرده تونرکن کوزه کورونمز لر . اوپرلر ده بهاری  
ایرماق کنارلرنده ، داغلر آردنده ، قووقلر ده آرامق ایجاب  
ایدر . یول اوزرلرنده درت ، بش سوکودله اوجی بوجانگی  
بولونماز کنیش اکین تارلارلرنده باشقه بهاردن علامت یوقدر  
وحتی بعضاً ساعتلرجه کیدرسیکزده بر آغاج وبر اکیلی طوپراق  
دخی بولامازسیکز . انسانه ایشه بونک ایچوندرکه آنادولی  
هر موسمده ایص سر ، چوراق ، یکنسق وسویمسز کورونور؛  
فقط بر قصبه ده یرله شیر وبردرجه یرلیله شیرسه کز ایشده کیشیر .  
برکون سزی آلیرلر و شهرک یاریم ساعت اوته سنه ، ایکی هیتلی  
ومقسی داغک آراسندن اینن بر عارضه لی یوله صوقارلر ... دونه  
دونه، دوشه قالقه وصیجاقدن ترلییه بوناله قایالر اوزرندن اینر،  
اینرسیکز ... قابل دکل تخمین ایده مزسیکزکه بوجوراق ، یانیق  
وطاشلی یول سزی بر جنته کوتورسون .. فقط بر دونم  
کنارنده ، حیرتله بردن هایقیررسیکز :

— آه ، نه کوزل یر !

فی الحقیقه کوزیکزک اوکننده سریلن منظره امثالسزدر .  
صانکه یاریم ساعت یورومک صورتیه بر قطعه ده کیشدیرمش ،  
بر خط استوا کچمش ، بر باشقه دنیا یه وارمه شیسکزدر . آشاغیده کی  
اونه یشیلک ، اونه فیض ، اونه لطافتدر ! بروادی که چیچک

آچش میوه آغاجلریله دولو ... آراسنده دکرمنلر دونویور ،  
 صولر چاغلایور وانسانی مست ایدن ایللق بر هوا ایچنده  
 جکرلریکزه چیچک قوقوسی طقه یه حق قادار بر مبدولیتله  
 دولویور ... یولیکز هر آدیمده داها فضله کوزلله شیر وایکده لر ،  
 آنادولینک بورایحه سنده معنای هیچ بر قلمک آ کلاتامیه جنی  
 وتأثیرندن هیچ بر فردک قورتولامیه جنی صیجاق ، باغین ،  
 عشق مادی یی تحریک ایدن چیچکلی آغاجلری باشیکرک اوزرینی  
 تماماً ثورتر . آرتق کولسکده وسرینک ایچنده سیکز ، چیچکلر  
 ویشیلکلرله ثورتولدیکنر ، سومی قوشلر و سوسلی بوجکلر  
 آراسنده ترانه لر دیکلیه رک کیدیورسکنر . بر آراق یابانی کلر  
 یولیکزی قاپلار ، بر دهلیزه کیرمشیکز درکه دیوارلری غنجه لرله  
 قاپلیدر وطوانلرندن متادیا کچکین کل یاپراقلری دوکولور ، بر  
 آز اوتده دره ایله بولوشورسیکنر ، ایکی طرفکزی کورپه  
 سازلر ونازک داللری چهره کزه سورونن سوکودلر صارار ؛  
 بر یمیشیل ، قویتو ، رطوبتی ، سرین یولکه سزه تپه ده قاینایان  
 کونشی بر شروب کی طاتلیلاشدیروب و صوغوتوب او یله صونویور .  
 داها صوکر ا بردن بره بر آغاجسز ساحه ... کوزلری قاماشدیران  
 بر ایشیق آلتنده کولکرینی صو ثورتمش اولان یونجه لر دیز  
 بوی قبارمش و صاری چیچکلری برر سوسلو مخلوق کی دیپ دیری  
 باشلرینی قالدیرمش ، بر کله بک وقوش سوروسی کی همان  
 اوچغه حاضر ، خفیف بر روزکارله عادتا قانادلرینی صالایور ...  
 یانده بر صو ده کرمنی : لوش ، قویتو بردام آلتنده طاشلرک  
 اوغولتوسی کوپورن ، فیشقیران صویک سسیله قاریشمش ،



قاپښنده قومرولر دولاشيور واطرافنده مونس کوزلی، مطیع  
مرکبلر دوشونویور . دیرکن ایری ، بهمیاض چیچکلری کاله  
ایر مش بر آیوا ویا بر الما اورمانی ... یاریم ساعت بلا انقطاع  
دوام ایدیور ونا کهانی بیتوب اوککزه قوجامان بر که نیشلک  
چیقاریور . بر که نیش تار'لاماص ماوی برده کیز کیفیه منویشلر،  
ئور پر مه لر وخیشلیدی لر یاهرق دالغه لانونب کیدیور . آه بو  
چیچکدن عبارت مزروعات ، بوخشخاش تار'لاری !!

ایشته آنادولینک قیي وکوشه لر نده بویله بهارلر ، بویله  
جنتلر صاقلیدر . بهار زمانی آنادولیده سیاحتک نه غریب  
ده کیشکلکری ده واردر . مثلاً ده کیز کنارینی صیم صیجاق ،  
عادتاً یاز ایچنده بیر اقرسیکز ، کتن جا کت سزی صیقارو آرابه نك  
قیزان موشامباسی باشیکزی یاقار بویله ، حرارتدن مشکی یورور،  
بر طاقم یوقوشلر اینر ، اینیشلر چیقار ، کیدر ، کیدر سکز .  
نهایت بر داغه طیر مامق ایجاب ایدر ، بر داغ که هر قوسنده  
روزگارک داها سرتلشدیکنی وهوانک داها صوغودیغنی حس  
ایدرسیکز . صیرته چیقدیغکز زمان آرقه کزده پالطو سزه آز  
کلیر وصباحلین ، آشاغیده ، بر یمیشیل سوکود کولکه سنده  
صیجاقدن مشکی ، بول صو ایچهرک قهوه آلتی ایتمش وطوپراغه  
سه ریلوب یاتمشکن آقشامه خنده اوجاق یاقدریر وچای یاپدیرسیکز  
وکیجه یی دیشلریکز ووردرق تتریه تتریه کچیرسیکز . تموزده  
اکیئرک هنوز ، بر قاریش بویوب یشیلله ندیکی یوکسک داغ  
تپه لری ، ایلغاز اتکلری واردرکه باقارسه کز دوربینله ده کیزی  
کوره بیلیرسیکز ، اوپله برده کیزکه کنارنده کونش هر شیشی

قاوورمش ، آغاچلر بيله خزانه مقدمه اوله رق صارارمش ،  
 صولمشدر واو يازدن بوبهاره ايره بيلمك ايچون يوروك بر آتايه  
 دو قوز ساعت طيرمانق كافيدر . بردفعه ، يوز غاده بش ساعتك  
 بر مرحله ده باقدم كه مقصرف ده كرمن كنارينه خالى سرمش ،  
 يميشيل وچيچكللى دالار آلتنده سيران ياپيور ، ناركيله ايچيور...  
 بش ساعت صوكرا شهره چيقدم كه صوئوق انسانك يوزيني  
 قاوورويور ، خانلرده صاچ صوبالر ياپيور و آغاچلر هنوز  
 طمور جقسز ، كوس كوتوك دورويور . بش ساعتك بر مسافه  
 آراسنده قيش و بهار ! بعضا ده هيچ بهار يوزى كورمه مش  
 اراضيه يوليكنر دوشر : طوزلى ، قوراق ، قاووروق بر ساحه كه  
 درت كون سورويور ، نه بر طوتام يشيلك ، نه بر تك فيلر...  
 باشى بوش آج ده وهرلك بوكيشل كرده آغير آغير ، وحشى  
 مأيوس دولاشديغى كورور سيكنر ، بر ساحه كه انساني يازين  
 صيجاقدن ياقار ، قيشين صوئوقدن دوكدورر وايكىسى اورته سى  
 بر موسم ندر بيلمز ! اك غريبي مثلا بو اراضى آنقره دن ايكي  
 كون اوتده در ، ماوراي ارضه دكل !

آنادولى خلقى بهارى طيقي بوجكلر كي بكلر : سيندكلرى  
 ده ليكلردن تازه جان بوله رق چيقمق وحياته تكرر قاريشمق  
 ايچون... قيش صوكنه دوغرو او اريمز وتوكنمز قارطبقه لرى  
 آلتندن بر نوع صاريشين وبياض چيچكلر ، چيكدملر فيلار...  
 قوقوسز ، قانسز ، صوكي يوموشاق ، يارى چيچك ، يارى  
 قار ، زواللى چيكدملر... چوجوقلر بونلرى طوبلارلر ور  
 داله ديزوب مانيلر ، بيتلر اوقويه رق او او دولاشيرلر ، ذخيره

طوپلارلر . بو ، بهاری تبشیر ، تبریک و تنهیه دیمکدر چیکدملر  
هرکسک یوزیخی کولدورور و بو ایلیک بهار مژده سی هر طرفده  
بر بایرام تاثیر یاپار .

آنادولی خلقی بهار کلنجه ، بعضی یرلرده ، چولوق چوجوق  
قیرلره داغیلرلر و ( ماوی ماق ) اسمنی ویردکاری بر نوع یابانی  
سمیز اوتی طوپلارلر ، بوکا یوغورت دوکوب قاپیشه قاپیشه  
ییرلر . بو اوت لذتسزدر . ییمکی ده طاتسز اولور . فقط هرکس  
بر دفعه اولسون بهارده بونی یمک مجبوریتندهدر . کرامت او  
اوتده ، اوتک چاشنی ولذتنده دکل ، تام بهار زمانی ، صوئو قلرک  
ختمنده یردن فیشقیرمه سنده ، کونشی وصیجاغی مژده له مه سندهدر .  
آنادولینک بهارلری ، مدهش بر قیشک آردندن یتیشمک  
اعتباریله هر یردن فضله تهالک و صبر سزقله بکله نیر و اورالرده  
بهار ولوکه دوامسز ، شیشه سزدخی اولسه اکرام ایله ، اعزاز ایله  
پر مسرت قارشیلانیر .

بن آنادولیده استانبولک تحسیرینی آنجق بهارده ، ایرماق  
وداغ کنارلرنده کز رکن اونوتور ، آنجق بهار کلنجه کوزلریمی  
استانبول طرفه چه ویرر ، بولندیغ یرلره دیکردم . شیمدی  
آنقره نک اختیاری منفیلرینه ده بونی توصیه ایده رم : آنادولینک  
بهاری استانبولی آراتماز ؛ داغ ، تپه کز سینلر !



## نه ظن ایدردم ...

یولم نه زمان آنادولی ایچریلرینه دوشدیه داغلرینه، قیرلرینه،  
دره لرینه باقار :

— بش یوز سنه دن بری بو داغلرده دشمن بایراقلری  
داغالانمادی ، بو قیرلرده دشمن آياقلری کزیمه دی ، بودره لرده  
دشمن آتلی صولانمادی ، بویرلر دشمن استیلاسی کورمه دی ...  
دیر ، یوره کده برفر حلق دویار ، اطرافه سه وینجه ، غرورله  
کوز کزدیروب تسلی وسکون بولوردم . حرب عمومیدن اول  
طرابلسده عسکر مقاومت چابالارکن از میراچریلرینه صوقولشدم ؛  
تیره ده اوطورویور و آت صیرتنده داغ ، تپه مادیآ کزوب  
توزیوردم . بکا بویرلرالی الابد حرب ساحه سی اولاماز ، دشمنه  
کذرکاهلق ایده مز ، طوب و تفنک سسی دویاماز ، یابانچی استیلاسی  
کوره مز کی کلیدی :

— ایشته ، دیردم ، نه اولورایسه اولسون ، ایسترطرابلسی  
ویره لم ، ایستر کریدی بیراقلم ، بورالری هر حالده بزمدر ، بزده  
قاله جق ، تورکک الندن بوراسنی آلمغه کیمسه قالقه میه جقدر !  
بودوشونجه ایچیمه سرینلک و ذهنمه راحتلق ویرر ، آتمی  
نشئه ایله قامچیلار وجوشغون مندرسی آتلاز ، توتون اووالرینه ،  
پاموق تارلارلرینه ، ثروت و سامان طاشان تارلارده دالار ، قوشار ،  
کیفله نیردم . بو اراضی یه ملکمدر ، مملکتمدر دییه باقان بر آدام

ناصل كيفله نمزدی ؟ ... طوپراغی بر آز أشله مك واوستنه بر  
 آووج تخم سرپمك قوجه بر آنباری دولدورمغه کافی كلیردی ؛  
 فیض وبرکت اویرلرده عادتا شاخلانیر ، بقله ، بغدادی ویا آریه  
 عادتا آزار ، انسانه بویویه یوکسله کوکاره ایره جك ، ییلدیزلره  
 صاریله حق تأثیرینی یاپازردی .

— اوت ، دیردم ، طرابلسی غائب ایتدك ، فقط شوراسی ،  
 شوعمصولدار تورك الكاسی بزم یا !

دیركن زمان كچدی ، بالقان حربی باشلادی ، مغلوب اولدق ،  
 روم ایلی ویریلدی . قونیه یه کیدیوردیم . ایزمیتدن صوکرآ تره  
 بر میوه اورماننه دالدی ؛ دالار محموللری چکمیوردی ؛  
 استاسیونلر مالله دولاشدی ؛ لوقوموتیف بر یوقوشه کنیدیسی  
 ویرمش ، چیقیور ، چیقیور ، هر آیمنده اطرافده کی منظره داها  
 زیاده کوزلله شییور و طوپراق داها فضله برکتله شییوردی . او  
 قاراصو وادیسی نه ایدی؟ کوپوکلکی صولری ، یمیشیل طراحاری  
 ویوجه آغاچلریله برجنت ... صوکرآ قارا کوی ، بوز او یوک  
 و او اسکی شهر اووایی ، او اسکی شهر بلده سی ...

— یازیق اولدی ده روم ایلی المزدن کیتدی ، دیه دوشونویوردیم ،  
 فقط ایشته خالص بر تورك اقلیمی که کیمسه کوز دیکه مز و آیاق  
 سوره مز ... هنوز با کر و پاک ، بورالرینی عزم ایله ، انتباه ایله  
 اداره ایدرسهك بزه طالع تکراریوز کوستره بیلیر و تورك بیراغی  
 شرفنی قورتارابیلیر !

اسکی شهرك دلنشین قصه سنده او یقویه واردیغ زمان کنیدی  
 هریردن فضله امنیتده کورویور :

— ایشته تورک عالمنک جانکاهندهم ، مستریحم !  
 دیوردم . یاترم اسکی شهر دن قالقوبده قونیه اوواسنه  
 دالنجه باقدم که داها ألمزده دنیالر وار . . . ارواسی ، اسقاسی  
 یایلمق شرطیه محصولی چیت خطلی تره نلر طاشیوب بیتیره مزدی !  
 بوسیاحتمده بنی متسلی ایتدی . هیچ بردولت بویرلری استیلا  
 حقنی ، قوتی حائر دکلدی ، بورالری مؤبدأ ، دشمن آیاغی  
 کورمه دن بزمدی .

حرب عمومی سینوبده ایکن باشلادی ؛ ایکنجی سنه سی  
 اورادن قالدق ، قسطمونو اورمانلرینی کچهرک چورومی بویلاق .  
 کندی کندیمه :

— ایواه که بو حربه ده مغلوب اولاجغز ، سوریه لر ،  
 عراق لر آلدن حقیقه حق ، فقط شویرلر ، بلاشبهه ، بزم یا . . .  
 بوتورک ایللری اورته سنه کیم کیره بیلیر و کیم بورالرده ادعای ملکیت  
 ایدیه بیلیر ؟

کوکله باش دایامش توانا چاملر طیق اویله فصیلداشیورلر ،  
 بنم دوشونجه می بربرلینه تکرار ایدیورلردی . ده کیزدن بیك  
 مترو یوقاریده کی بوچاملقلر ایچنده نه تمیز ، نه نازنین برهوا واردی . . .  
 اوقادار فرحلق دویویور ، اویله بر فکر ووجود سختی حس  
 ایدیوردم که آرتق جسمده بر آغیرلق ، فکرده بر اندیشه  
 بولما یوردم . روحدن وقاناددن عبارت قالمشدم ؛ چام کوتوکلرندن  
 یایلمه قوقولی کونکلردن طاشان بوز کی قاینق صولری هر یودومده  
 جانم جان قاتیور ، بدنم توان ویریوردی . کندی کندیمه :  
 — وطن کزوب کورولدکجه داها چوق سهویلیور . . .

مع الاسف كوچولدىك ، لکن موجود قالان بواوز تورك بلده لرینی  
صلح و صلاح دائره سنده اداره ايده بيلمك شرطيله مسعود بر  
استقبالز اولابيلير !

بر مدت صوكر ا چورومدن آنقرديه كلدم . . . آنقره !  
بورايه ايريشمك قابليدي ؟ آرقه مه ، كلديكم يوللر دباقدم : دنيالر  
كچوب كلشدم ! اوكمه ، استانبوله دوغرو كوز آتدم : دنيالر كچوب  
كيتمك لازمدي ! بو ائشاده حرب عمومى اك آتшли مي عا دندم  
ايدى . روسلر سيواسه ياقلاشمش لردى ؛ فقط ، دييوردم كه ،  
سيواسدن بوراسى كلينير يول دكل . . . نه اولسه ايشته هيچ بر  
استيلايه صخه اولميه جق اولان بر بختيار شهر ! بو جاها لانه فكرله  
راحت ، آنقرده عا دتا متسلى ياشادم . طالع اورادن بنى بيله جكه  
كتيردى . . . تاريخمزك بوسه ويملى بشيكي قارشيسنده رقتله ،  
محبته ايكي سنه كچيردم . . . داغلر نده دولاشير و حربك صوكى  
نه اولسه بورالرى استيلا ، فلاكت و فجايعه ساحه اولاماز ديردم .  
خلاصه ايچ آنادولى بكام نيت ، راحت و فرح و يرردى . داغلرينه ،  
قيرلرينه ، دره لرينه باقار :

— بش يوز سنده دن برى بوداغلر ده دشمن باير اقلرى  
دالغا لاندادى ؛ بو قيرلر ده دشمن آياقلىرى كزينه دى ؛ بودره لر ده  
دشمن آتلى صولانمادى . بو يرلر دشمن استيلاسى كورمه دى  
و كورميه جك !

دير ، سه وينجه كوز كزدير وب تسلى وسكون بولوردم .  
ايواهر اولسون كه او قارا كونلرى ده كوردك . . . يونان  
بايراغى از ميرده ديكي لى و داغ ، تپه آتلايه صييجرايه هر كون



بر آزداها یول آلهرق بنم اُك امین عد ایتدیکم ایچ مملکتلره قادار  
صوقولدی . کوتاهیله ده دشمن قرالی اردوگاه قورسون ... بونی  
عقل آلیرمیدی ؟ اسکیشهره یابانچی بریایراق آویلین ... بوکا  
امکان وارمیدی ؟ سیوریحصار اوکنده محاربه لر اولسون ، آنقره  
تخلیه ایدیلین وقسطمون صیرتلی کری چکیلن اردومزه  
موضع حاضر لاسین . . . بونلر خاطر دن کچرمیدی ؟ اوشیرین  
بیله جک شیمدی برکول ییغینی ایمش ، اوسه ویملی تیره برخرابه  
و آفیون قاراحصاری بر دشمن موضعی !

عسکر اولمایان دماغم بر یابانچی اردونك او عشاق و کوتاهیله  
داغلینی آشاغنه بر درلو قانع اولاماز ، تره نلرک ایکی ده میر رای  
اوزرنده بیله کوجلکه چیققلری بو داغ تپه لرینه طوپلرک  
یرلشه بیله جکنه بر درلو اینا نامازدی . . . مع الاسف بو کون  
بونلر اولدی ، تورک ایللری ، همده اُك ناقابل استیلا اولانلری  
قان و آتش ایچنده بوغولوب یاندی .

بونك کیننی اونو تمق البته جنایتلرک اُك بویوکی اولور . تورک  
تفری جانکاهنی اُك مدهش بر بسالتله ، جانسپارانده مدافعه ایتدی ،  
فقط نه یاپسین که بر کیشینه بش کیشی چیقدی و بر فشکنه بش  
فشنك جواب ویردی . تارینخمزک بوندن فلاکتلی بردوری ده  
یوقدر ؛ اولکیلرده فضله ثروتمزی محافظه و مدافعه ایدیوردق ،  
شیمدی جکر کاهمز ی قور تارمق ایجاب ایدیور . . . بزی حرب  
عمومی یه صوقانلری شو فلاکت قارشیسندنه بر دفعه دها تلین  
ایتمه مک قابلی ؟

حالا بز بونك کنهانی چکیورز ؛ بی طرفلنی ویا صلحی ایتن

اَلر بوفاجعه نك فاعلر يدر و بن صاقلامقده بر فائده كورمميورم :  
 اورته ده مثلي كورمه ديكمز بر فاجعه واردركه ظفرلي ترانه لر  
 وخوليا لي صاييقلامه لرله دهشتي آرتق نه نور تولور، نه ده ا كسيلير!  
 آنادولي بو استيلايي كورمه مليدي ! نتكيم بن كورمه من ظن  
 ايدر دم ! ايواه كه كوردي ! فقط ، نه ديه يم ، انشااه ، ياقينده  
 كورمه مشه دونر !



## اوچ نہر

مملکتک بویوک داغلریله بویوک نہرلری انسانده وطن پرورلکی غلیانه کتیرییور: ایلغاز تپه سندن قوش باقیشی قسطنمونی اورمانلرینه باقان ویا قیزیل ایرماق کنارنده دوروب یووارلاناں هیبتلی صو کتله سنی سیر ایدن بر آدامده وطن پرورلک حمی هر زمانکندن داها جوشغون ، داها آتشلیدر . داغک او یوکسه کلکی ویا صویک او قدرتی وطنک یوکسه کلکنه و مملکتک قدرتنه بر معیار ، بر مقیاس ایمش کی یوره کلدده بر امنیت ، بر هیبت حاصل ایدر ؛ محشم بر اردو کچیور ویا معظم بر طاق ظفر یوکسه لیورمش کی بونهر ویا داغ قارشیسنده انسان بویودیکنی وقوتلشدیکنی ، هر زماندن فضله نیکیین ومسعود اولدیغنی حس ایدر . « شو داغه نظراً بن بر حبه ، بر ذره ، بر جزء لایتجزایم ؛ شو نہره نسبتله ده بر دامله ... فقط اونلرک منظره می بنی اویله جوشدور و یورکه یوره کی قایا قادار صاغلام ، قائمی ایرماق کی کور عد ایده بیلورم ! » دیهرک وطنک بویله هر بویوک داغی و هر بویوک نہری یاننده هیجان ، غرور و اعتماددن مرکب بر قلعه کسیدیکمی دیوارم . دنیا ده یوکسک داغلر قادار هیبتلی و کنیش نہرلر قادار قدرتلی نه واردر ؟ داغلر فخر و مباهاثک ، عظمت و افتخارک برر تمثالیدر ، نہرلر ایسه قوت و قدرتک ، احتشام و سلطنتک ... شمدی سیاحتلری می خاطر لیله رق

دوشونديکم زمان آکلايورم که مملکتک بويوک داغلريه بويوک  
 نهرلرينک منظره سنه هيچ قاناماشدم ، او ذروه ويا اوکنارلردن  
 دائما ايسته ميه ايسته ميه ، متحسرو مفتون آيريشم ! ايله بويوک نلرده ،  
 يونان استيلاسنک آنادولينک کوبکنده يرلشديکي شوفلاکتلي  
 زمانده مندرس ، قيزيل ايرماق وسا قارياني يورده کپانه يانه خاطر ليوورم  
 وایلغاز تپه سنی بر دفعه داها ، دشمن آياغله چيکنمک ممکن  
 اولمهرق اسکی حاليه ، باکر ووقور کوره بيلمک اچون خلجاندن  
 قيورانيورم .

بم وطنده ايلک کوردیکم بويوک نهر مندرس اولدی...  
 بر کون ، بر بونالتيچي ياز اوکله سنده بش آتلي دومدوز قوجه  
 بر اووادن آشهرق کيدرکن بردن اوکمه ، قوص قوجه ، کنيش  
 وجوشغون صو چيقدی : مندرس ... اونی صباحدن بری  
 خلجان اچينده بکلييوردم ؛ آتئين اوواني زحمتدن شکايت  
 ايتمه رک ، قوشه قوشه هپاونی کورمک ، اوکا قاووشمق اميديله  
 کچمشدم . فی الواقع ايلک نظرده انسانی در حال تسخير ايدن بر  
 کورونوشي يوقدی ... يوقايردن آشاغی ، سازلوق ويارى باتاق  
 ايکی ساحل آراسندن قيوريله چالقالانه ، اوغولدايه رق دومدوز  
 آقوب کيدييوردي . آتمدن ايندم ، کنارينه اکیدم ، کوزلریمی  
 اچينه دیکدم : باشم دوندی ، کوزلرم قاراردی ، ظن ایتدم که  
 دوشدم ، سوروکه نوب کيدييورم ؛ اونه خارق العاده بر قدرتدی ،  
 طوپراقلى اويله ايتمش ، آچمش ، قوجا قلايوب سورومش ،  
 اويله چوقورلر ، اينر ياپمشدی که اوکنه کچمه يه امکان اولاجغنه ،  
 سدرلر ويا قانالدرله قوتی آزالتمه نک چاره سی بولنه جغنه اينانمق



بكا صافدلك كې كليوردی ... شیمدی بز ، بو بش آتی ،  
نارین باجاقلی جنس آتلیمزو حتی یانزده کی طایلیزمزه بوقاورایوب  
کو توروچی آزیغین صوی هم ده ایچیندن کچه جکدک ... او طرفلرده  
صاغلام برکوپرو یوقدی ؟ اوزاقده برانقاز ییغینی سه چییوردق  
اما رهبریمزک فکرینه کوره او کوپرونک اوزرندن چمک صوی  
ایچیندن آشمقدن داها تهلکه لیدی ؛ زیرا آیقلری طوماز ،  
دوشه مه لری دایانماز اولمشدی و آلتی بر اوچورو مدی .

« بسم الله » ديدك ، آتلی سورديک ... بكا چيقمه مزه  
آرتق چاره یوق کبی کلدی ؛ نره یه کیدیوردق ؟ ایکی ساحل  
- صویک آقینتیی اوزرندن باقديغمز ایچون - شمشک کبی  
چاقیور و بزدن اوزاقلاشدقچه اوزاقلاشیوردی ... او یله ظن  
ایتدم که استقامتمزی شاشیرمش ، آتلی نهره قایدیرمشدق .  
صو دیز قاقاقلریمزی آشمشدی ؛ کوزلیمی قیادم ... بر آز  
صو کرا آتمک آیقلری حس ایتدم که داها آز خیشلیدیور و داها  
قولای ، داها صاغلام باصیور . او برکنارده ایدک ؛ بو هیجانلی  
دقیقه یی ، او ایلك کوردیکم . نهرک بکاویردیکی بوقورقو و بوقدرتی  
دائما ذوقله خاطرلارم ... نه یازیق که اونهردن یونان سواریلری ده  
کجدی ... او قدر تلی نهر اونلری ده کچیردی !

ایکنجی کوردیکم بویوک نهر قیزیل ایرماقدر ... منقامزک  
سینوبدن چورومه تبدیل ایدلیدیکی خبری کلنجه قیزیل ایرماغی  
آشه جغمزی او کره نهرک عادتاً سهوینشدم . قیزیل ایرماق تورک  
ایلی بویدن بویه آشان ویانیق تورک وطنی بر آی سورن یول  
مسافه سنجه قیپ قیزیل صولایان اک بویوک واک حشمتلی نهریمزدی .

ساحلر نده آك ټولې ، آك پروفسور تورك كويليلري مسكن  
 طوتمشدى ؛ قيزيل ايرماق قيب قيزيل صولرى و آراسيرا بېياض  
 پارلايان كوپوكلى چاغلانلريله آنادولېي بر باشدن بر باشه  
 دولشان جوشغون بر نهردى كه اسكى زمانلرده كى بايرانغز كې  
 ايكي رنكده ، بر عظمت دالغه لانونب يورور ، مانع لربلمز ،  
 بيقار ، يارار ، آتار كچردى . « هاكلدك ، هاكليورز ! »  
 ديه بوتون بر كوفى صبر سزلقه بېتيردم . مع الاسف اوكون كچ  
 قالدق واوزاقدن شاريلتيسنى ديكليه رك آچيقده ، قيرده ، رطوبته  
 كومولى قورقونج بر كيجه كچردك . صباحلين قيزيل ايرماق  
 اوكمزده ايدى ، اونده - طبق مندرس كې - اوزرندن كچه جكدك  
 وكچدكده ... همده بوسفر آرابه لرله ! صو ديزلر يمزى بولش ،  
 هيچاندن كوزلر يمزك بېكي بويومشدى .

صوكرالرى قيزيل ايرماغى اوچ دفعه داها آشدم . بريسند  
 آصمه بر دمير كوپرودن ... ديكرنده بغداد سفرندن بقيه كار  
 قديم بر طاش كوپرودن ... اوچونجيسنى ده اچيندن ، آتله ...  
 فقط آك بويوك لذتى بكاواسكى كوپرو وىردى . دوشوندم كه عىنى  
 طاشلره باصه رق اصلاحاتجى وفتحاتجى مراد رابعك آتىده  
 اورادن كچمشدى . ايكي مهابتلى قاياك آراسنه صيقشه رق  
 دارالدينى وقاباردىنى بو یرده قيزيل ايرماق عادتا شاخه قالقيور  
 وطاشلرى دركن صولرندن فيشقيران ذرات انجه بر ياغور  
 حالنده اطرافى متمادياً ، دنيا قورولاليدن برى ايسلاطيوردى .  
 بوكاه دورغون ، كاه جوشغون ، قدرتلى ، فقط ، مع الاسف ،  
 ابتدائى نهر عرفانلى واقتدارلى اللره دوشه ميسور ، قوتى بوش

یره توکه تهرک، بزم کې، هدر اولویوردی! یونان آتلیک اونک  
کنارلرنده ده صولاندیغی کونی بوملکت کورمه سین!

کور دیکم اوچونجی بویوک نهر شواشاده اسمی اڅچوق کچن  
ساقاریادر... ساقاریاده اڅ آزلی صولریمزدن بریدر؛ حتی اکثریا  
کچیدبیله ویرمز؛ آت سورمکه کز، خاڼ و آمانسزدر. اونی قاطرلرله  
دوبه اوزرندن آشق. شیمدی آنقرده بارینان بر آرقداشمله  
بر صباح، قارنلقده بیله جکدن ایکی کیشی، التزده برر کهنه،  
قدیدبارکیرله یوله حیققدق، کول داغنده کی باغری کورمکه کیده جکدک،  
نهدلیمز واردی، نه ده بر وقوفز... ساقاریایی کورمک و کچمک  
آرزوسی بزى مجهول دیارلرک نشانسز، اشارتسز یوللرینه  
آتمشدی. اووالر آشق، داغله طیرماندق، چام اورمانلرینه  
دالاق، سکز یوز مترو ارتفاعلرده یورودک، یورودک، نهایت  
برکویه واردق. اوراده دیدیلرکه:

— کول داغنه آت طیرماناماز، قاطر لازمدر، سزه ویردم،  
فقط صاقین دیزکینلرینه آل وورمایکیز، بیراقیکز حیوانلر بیلدکری  
کې یوروسونلر!

اولیه یاپدق، حیوانلره اویدق؛ فقط سیاسی انسانلرک چوغندنز  
داها فائده لی حیقیدیلر؛ بزى دنیاک اڅ عارضه لی پاتیه لرندن،  
اوچوروم کنارلرینه بر پارماق باصه رق صاخ سالم کو توروب  
کتیردیلر. ایشه بویوجللق اشناسنده ساقاریا کوروندی؛ نه مندرس  
کې نشئه لی بریوزی واردی، نه ده قیزیل ایرماق کې عظمتی...  
داها زیاده خدعه کار چهره لیدی، آتشین اووالر طراوت صاچهرق  
سرعتی وجه ویک قاچوب کیدیوردی. قاطرلر آلیشغین بر آدیله

دوبه لره کير ديلر ؛ درت کوره کچی صا غلام صير يقلره آبانه رق  
 هاي قيره ، چير پينه شمدی بزى قارشى يه کچير مش ايديلر . اوراده  
 قالين ايکي زنجير دوبه يي ساحله صيق صيقي يه باغلادی ؛ زيرا  
 احتياط ايدلمز سه ساقاريا آلوب کوتورور و وورا دووه پارچه لايوب  
 يوق ايدر مش ! ان شالله آزغين ساقاريانك قورقونچ کنارلرنده  
 يونان تعرضی ده قيريلير وحسرتيله باغريمزك ياندينى بر صلح بويوك  
 نهرلر بويوك داغلره شرفلنمش اولان وطنمرك بقيه سنى ده استيلا  
 وتخريلردن آرتق بسبتون قورتارير !

بوراده ( صوكنه قادار حرب ... بر قارشى ير وبر تك نفر  
 قالنجيه يه قادار ! ) ديه بول كيسه دن آتوب طوتانلر غالبا آنادولينك  
 دشمن آياغنه چيكنمه مش بر يوجه داغى وبر اولو ايرماغى اوكنده  
 بش دقيقه قارشى قارشى يه قالماديلر . بكا شيمدى اويله كليوركه  
 ساقاريا ايله قيزيل ايرماق و ايلغاز داغى ، چاملرينك وسازلرينك  
 يانيق لسانيله :

— بزى ده چيكنه تمهيك ! بزم اوزر يمزدن ده آشير تماييك !  
 ديه محق فرياد ايد ييورلر !





## کروانده معاشره

— ۱ —

حالا طادی دماغده قالان یوجلیقلردن بری ده بودن :  
بش سنه اول ، بویله تام نیسان ایچنده ، علی العجله چورومدن ،  
آنقرده کیدوب ینه دونمک لازم کلهدی . حرکت ایچون  
قرارلاشیردیغم کون بویوک یاغمورلر باشلادی و فاصله سز اوچ  
کون یاغدی . هوا آچنجه مملکتک عقلیلری و آرابه جیلرک  
قودامانلری ایله حوضلی قهوه ده بر مجلس مشورت قوردق ؛  
بر هفته سورهن شوسه یولنی می تعقیب ایتمک موافق اولوردی ،  
یوقسه درت کونلک کسیرمه طوپراق یولی می ... قهوه فنجانلری  
هوپورده تهرک و نارکیهلری غورولدا تهرق هرکس باشندن کچن  
بر وقعهی آکلاتدی ، نهایت اُک صاغلام و اُک امنیتلی یول اولهرق  
شوسه ده قرار قیلیندی . زیر بر دفعه طوپراق یوله کیریلدی ،  
یاغمورلر باشلا یویرسه نه دونمک ، نه ده ایلریله مک احتمالی قالیردی ؛  
چامورلره صاپلی هفته لرجه داغ باشلرنده قالمق ، سیلرله قایلیمق  
ویا صیرصیقلام اولوب خسته لایمق پک ممکندی . آیدسی می  
اوزاق ، فقط امین اولان یوزغاد طریقنی انتخاب مرجح اوله جقدی .  
ده نیلیدیکی کبی یاپدم و بوغو ایله کونلشک هنوز بر بری  
یه کوب یاغموره ویا آچیق هوا یه منقلب اوله جغنی کسیر یله مین  
بر پوصلی صباح وقتی یایی بر آرابه ایله بر باشمه یوله چیقدم .

بر عارضه يه اوغرامامق شرطيله اوكمده تام يدي كونلك ، يدي  
مرحله لك بر سفر واردی . يدي كون آرابه جي وبن داغلا ،  
ديارلر كچه رك ، اووالره دوشوب تهرلر آتلايه رق مسكون دنيانك  
همان همان اك آز نفوسلى ، يارى چول بر قطعه سنى بيك زحمتله  
وايچ صيقتيسندن ارييه نوزوله آشمغه محكوم ايدك . على الخصوص  
يوزغاددن صوكراسى حقيقى معنا سيله بر صحرا ، بر قوم ، طوز صحراسى  
ايدى . آرابه جي :

— درت كون كويه ، قسيمه يه راست كلينمز ، كوز آلا  
بيديكنه اورادر !

دييوردى . دوشونيكز ، درت كونلك بر اووا ، بر كه نيش ،  
بوش ، دوم دوز اووا واورته سنده بز ، آرابه جي وبن ، ايكي  
اوافق نقطه ، ايكي قرنجه ... بونلر اوفسحتراي آشمقلا ، چمكه  
مشغول !

ايچم قنروله دوليدى . قسيمه دن بر آز چيقمش ، چشمه يي  
چمشدك ، غازى [ غازى آناطوليدى بر اسمدى و حرب نه در  
بيلمه ينلرده بعنا غازى اسمنى طاشير ] آرابه جي دوندى و اوكمزده كي  
اويدى كونلك يولك بوتون حزن و تعبنى افاده و احساس ايدن  
بر سسله :

— اوغورلر اولسون پاشام ! ديدى . بنده ياسلى سسله  
جواب ويردم :

— سكاذه اوغورلر اولسون !

اوراده يوجيلغك تيماتندن برى ده بويله ، هر صباح ، مرحله يي  
آشنجه آرابه جيله مشتريتك ، حياتلرينى بر برلرينه باغلامش

بو ايکي عاجز آدامک آرالرنده اوغورلاشالريدر ، يدي صباح  
 اونسکه بويله متوکلا نه وپريياز وتمني سلاملاشه حق ، قارشيلقلي  
 خير دعا ايده جکدک . آفات سهاويه ، اشقيا ، خسته لق وقضا  
 احتمالري قارشيسينده ، الرنده هيچ بر واسطه مدافعه واحتمال  
 مقاومت اولمايان آداملر ايچون بوندن طبيعي نه اولابيليردي ؟

فقط نه غريب ونه لطيف بر تصادف بزي بويابه يالکيز ، بر  
 هفته سوره جک اولان وحشي سياحتک ياسندن ، اندیشه سندن  
 قورتاردی . اوصباح ، بزدن اول ، آنقره يه عيني يولدن ايکي  
 آرابه داها حرکت ايتشدی ؛ بو ايکي آرابه صامسوندن  
 کلييوردی . يولده بولوشدق وعادت وجهله بربريمزه طايقلاق ،  
 بر اوافق کروان تشکيل ايتدک . آرابه نك برنده درت کنج  
 واردی ؛ درت طيهه طلبه سي ... دردی ده دينج ، کوربوز ،  
 ياغيز وانداملي دليقانلیدی . اوپر آرابه ده ايسه ياشلي بر آدام ،  
 ياشلي برقادين وبرکنج قيزبولونويوردی ؛ بر آراق کوز کوزه ،  
 قارشيه قارشيه کلدک : نه ايري ونه يشيل کوزلري واردی واصل  
 مهمي نه درين ، نه ايسه کلي وعيني زمانده نه وحشي باقييوردی !  
 بو اوچ آرابه شعشعه لي بر بهار واکله کونشي آلتنده ، درت  
 طرفي آلابيلديکنه يشيل ، منبت ومزروع بر اکين درياسي  
 ايچندن آرقه آرقه کيدييوردی . هوا ايمينمش و آچشدی .  
 يانمزدن اطرافي بوکورتلنلره کومولي بر کوچوک ، شاقراق ،  
 برکتلي دره آقييوردی . چيچک آچمش درت آخلات آلتنده  
 مولا ويردک . حيوانلرک بوينه يم طوربالري آصيلدی وبزده  
 سبتلريمزي چنلره اينديردک ، اوکله ييمکنه باشلادق . هنوز

اوچ آرابه خلقی بربريله کوروشمیور ، بو داغ باشنده آری  
غیری ، اوزاچه واحتیاطکار دورویوردی . فقط بن سزدم که  
کنج قیزله درت طیبه لی آراسنده ، صامسوندن بری باشلامش  
برکوز آشنالغی ، برکوز محبتی ، برغریب معاشقه ومناسبت  
موجوددی . بهار کندیسنی بو اوجری و پرفیض یرلرده نه شدتله ،  
نه قوتله ، نه بی آمان و نه مقاوم تسوز بر صورتده حس ایتدیریوردی .  
شوبوشلق ، تنهالق وسکونت ایچنده نه یامان بر حیات قاینایور ،  
طوپراغه ، اکینلره ، دیکنلر وصولره نه جوشغون ، نه سحرلی  
بر جان قاتیلیوردی . آکلایوردم که طبیقی نباتاتده اولدینی کبی  
بودرت دلیقانیلی ایله اوتازده قیزک دامارلری قوت ، ارزو وفیض  
ایله ، انکشاف احتیاجیله دوپ دولیدی . آرابه نك یورغونلغی  
وصالانیتسی ، کونشده کی ایللق کوزه لک ، اطرافک تنهالغی و کنجلاک  
بو بش وجودی ایچین ایچین طاشیریور ، جوشدورویوردی .  
کندی کندیمه :

— بر هفته بوبهار معاشقه سنی سیره مجبورم ، نه آیی ،  
نه خوش !

دیور و خزنلریمک داغیلدیغنی دیویوردم .  
کنج قیز ایچنه یاییلی ، بیاض تنلی و چوق کوزل انداملیدی .  
یاننده کی اختیارلره آرابه یه کیدوب کله رک سیت واشیا طاشیرکن ایچنه  
کورویوردق ، نه حشمتلی ، نه مغرور یورویور و بو یورویوش  
وجودینک تناسبنه نه قادار یاراشیوردی . . . او بویله ، اورته ده ،  
یشیللکلر آراسنده تول اورتوسی هوالانهرق ، کوزلری دالغین  
سس سز دولاشیرکن درت مکتبلی ، کیمسه یه بلای ایتمه مکه چالیشه رق



پراشته باقیوړلو آزالرنده متادیا فیصله اشیوړلر، دردله شیورلردی .  
 یولک هر قوسنده ایسه برنجی آرابه ده کی یشیل کوزلر ایکنجی  
 آرابه ده کی درت چیفت کوزه چه وریلیور و بوبش وجود آراسنده  
 یاقیچی بر سیاله چاقیوړدی . بن بوقیر وسفر معاشقه سی ایچنده  
 بی لزوم ایدم ؛ اونلری راحتسز ایتک دوغرو اولمیه جقدی ؛ آرابه می  
 دأما بر آز کړیده یورو توپور و ممکن مرتبه کوزلریمی اوزاقلره  
 دوندورو یوړدم .

خانده اوکیجه مکتبلیلرله احباب اولدق .

دردی ده ادبیات مراقلیسیدی ، شعر او قویوړلر ، شاعرلر  
 وادیلردن بحث ایدیوړلردی . حتی بعضاً ، اوزمانه کوره یکی  
 اولان بزم نسلدن ، حتی بندن بیلیمه رک ، بحثلریله آچیوړلردی .  
 فقط باقیوړلردی که کروانه یکی قاتیلش اولان بواسرارانکیز آدم  
 اوپله شعرله ، ادیباتله مشغول کورونمیور ، بحثی آلایه ، چه قینلغه  
 دو کوپوړلردی . خانده اودالریمز یشیل کوزلی قیزله یان یانه ایدی  
 و دیوار چردن چوپدن ، اینجه جک بر کر یچدن یاپیلی اولدیغی ایچون  
 لاقیردیلر هر ایکی طرفه ده عکس ایدیوړدی . اوپله فرض  
 ایدیوړدم کبن اودادن چیقار حقیقماز بودرت کنج باشد قولاقلرینی  
 دیواره دایاوړلر ، اوته کی بولمیه دیکلیرلر ، قیزک سسنی ایشیمکه  
 جان آتیوړلردی .

بومنوال اوزره کیدیوړدق . یوزغاددن صوگرا ، برمدت  
 دلجه چانی ، سوکودلرنده بیکلرجه لیلظک مسکن طویدیغی  
 جوشغون بر ایرماغی تعقیب ایتدک . متادیا اینیوردق و متادیا  
 هوانک ایشندیغی وچولدن کن صیجاق نفسلرک یوزیمزی قاورادیغی

دو یو یوردق. آرتق یولز اوستنده کوی، بهار و منظره یوقدی. اطرافز بوم بوش، حزن و یاقیچی ایدی. فقط قیز هپسز ایچون، حتی آرابه جیلر ایچون بيله طاتلی، سویملی، تأثیرلی بر مشغوله اولمشدی. بر آراق، بر اوکله ییمکی مرحله سنده، دو کولوب قیریه رق یانندن کچدیکنی کورن آرابه جی غازی بيله دایاناماش، بکا سسی که وشه یه رک:

— چاقیر قیز اماده ئوزلی باقییورها!

دیهمشدی. کیجه لری بو یورغون قافله نك ارککلری عینی دوام آلتنده، بر اودالی یر آلتی خان بناسنده اویقویه واردقلری زمان محقق که هپ بو کروان پریسيله مشغول اولویورلر، اونی کورویورلر، اونی قورویورلردی. اطرافک وحشتی، یورغوناق وقادین احتیاجی ایچنده بو آرابه جی و مکتبلی قافله سنک بر برینه کیرمه سندن، وقعہ چیقارمه سندن، قان دوکمه سندن قورقار کی اولویوردم. کوزلره کیتدکجه بر شدت، بر خصوصت و بر وحشت کلیور، باقیشار کیتدکجه شمشکلی و فیرطینالی کورونویوردی. ایله قیزی طاشدیان آرابه جی خشین، کستاخ بر حال آلمشدی. حدتتی متادیا قامچیلایمق وایلری سورمک صورتیه زواللی بارکیرلردن چیقاریور، طیه لیلرک آرابه سنی کریده بیراق ایچون سووه صایه اوکمزده قوشویور، توزی دومانه قاتییوردی.

مع مافیه هرکس وقار و تمکیندن آیریلماغه عهد ایتش کیدی. قافله نك پریسی ذاتاً هیچده کولریوزلی، شن، شیاریق دکلدی. بالعکس غایت وقارلی، جدی، عادتاً یأسلی دورویور؛ آغیر آغیر یورویور، دالغین دالغین باقییور، آز قونوشویور و چوق دوشونویوردی. فقط بر باقییوردی اما نه باقییوردی... مکتبیلر

آرتق آلیشمشله، بنم یا نمدده اوندن بحث ای دیورلردی . آقشام ،  
برطوپراق ییغینی اوستنده او طور وب خالی او وارده بستیون غریبک  
وماتم چو کدوره رک موصل مور باتان کونشه قارشی قونوشورلرکن  
ایچلرندن بری ادبیات هوسکارلرینه خاص تعبیرلرله او باقیشلی  
آکلاتمغه چالیشیوردی :

— نه سحرکار ، نه فسونکار ، نه باغین نظرلر او ...

دیوردی . حالبوکه اؤ مهمم جهتی بونظرلرک چپلاقلنی ایدی ؛  
قیز نه قادار دورغون ، وقارلی وماتملی ایسه بوکوزلرده اودرجه  
آچیق ، چیرکین ، مادی معنالی ، عادتا آزغین کورونویوردی .  
دردنجی کونی ، آقشاملین ، خان آلولوسنده آرابه جیی  
بستیون حدتلی کوردک . آرقداشلرینه آلنی ، قولانی صالایه رق برشیلر  
آکلاتیور ، جوشمش ، آزمش بر طورله تهیدیکار اشارتله  
ای دیوردی . درت مکتبلی اینسه باش باشه ، دیکر طرفده برمذا کره  
حالنده ایدی . نه اولیوردی ، بونک ، بو خصومتک صوکی  
نه اولاجقدی ؟ عادتا بروقه عریفه سنده ، برچار پیشمه مقدمه سنده ایدک .  
غالبا قیزیل ایرماغه وارن بوماتملی ، وحشی ، کویسنز  
وانسانسز چولده شویشیل کوزلی وچپلاق باقیشلی قیز ایچون  
ووروشه جق ، قیریشه جقدق . هوا آغیر وصیجاقدی ؛ آتله  
متمادیا آشینوب کیشنه یور وپوصلی بر قراکلک آلتنده خراب خان  
کیتدکجه قورقونج وشامتلی کورونویوردی .

دیرکن ، بردن بره ، برشی باطلادی ، برشمار ویاطابانجه ...  
یرمدن فیرلادم ! نه اولاشدی ؟ ایش اوزوندی ، بونی آنجق بر  
باشقه مقاله مده آکلاته بیلیردم .

## کروانده معاشقه

— ۲ —

بولنديغمزير تماماً برچول صاييلمازدى . بلهكه، جوارده ،  
سكز اون ساعت اوتده بعضى اوفاق تفك يوروك كويلرى  
واردى . فقطأك ياقين قصبه، يوزغاد بزه ، شيمدى ايكي كونلك  
اوزاقدهيدى ؛ آتقرميه ايسه داها اوچ كونلك يولمز واردى .  
كوزه ، آقشامك پوصلى ، آغير و آلاجه آيدينلغى ايچنده نه داغ ،  
نه آغاج ، هيچ برتومسك و هيچ بردى حيات كورونمئوردى .  
صانكه صخرای كيرك قويوسى چوقدن برى صوسز قالمش بر  
مرحله سنده ايدك و ايشته بويله بر چول ايچنده يانان ، قاورولان  
بش ، اون كيشى آراسنده - كوزل كوزلى ، انجه بللى نارين ،  
نازين بر قيز ايچون - وقعه چيقييور ، بر فلاكت باشلايوردى .  
همان خان آلولوسنه فيرلادم و باقدمكه بنم آرابه جي غازى ، قيزك  
آرابه جيسى بكري يره ياتيرمش ، تكمه لرى آلتنده آزييور ،  
كميكلريني قيريوردى . داياق اودرجه شدتلى بردوره سنده ايدى كه  
بنم سوزله ، نصيحتله يابه جغم مداخلدنك اوزرنده هيچ بر ناثيرى  
اولامازدى . اوزاقده باش باشه ويروب كمال سكونتله وقعه يي  
تماشا ايدن طيه ليله هايقيردم :

— جانم ، نه دور و نورسيكز ، آيرسه كزه !

قيميلا نمداييلر بيله . . . » بزه نه ديورلردى ، ايسته دكلري ،

قادر بوغوشونلر ! « شیمدی اونلر بر کنارده ، بن اورتده ،  
 دیگر آرابه جی حیوانلرک باشنده ، حادثیه سیرجی قالمشددق .  
 خان اوداسندنده ماوی ایکی کوزهمیزی بر معتاد آچیق معنالی ،  
 آج و چیلایاق باقیشله وهر زمانکی وقار و تمکینیه تدقیق ایدیوردی .  
 نهدن صوکرآ غازی دوو مکدن یورولوب خصمنی بیراقدی و هیچ  
 بریمزک یوزینه بیله باقه دن آغیر آغیر یورویوب آخوره کیردی .  
 بکر ایسه برمدت توز ، طوپراق ایچنده ، جانسز کبی یاتدی ،  
 یاتدی و کیمسه نکی یانه یاقلاشما دیغنی کورونجه یاواشجه حق قالدی ،  
 فسنگ یمینسی صاره رق خان آلولسندن دیشاری ، قیرلره دوغرو  
 چیقدی ، کیتدی .

نه اولمشدی ؟ غاوغایه سبب نه ایدی ؟ بونی آنجق یمکله ریمزی  
 ییدکدن صوکرآ طیه لیلرک آرابه جیسندن بر آز آکلایه بیلرک .  
 ایچریده کروآنک معشوقه سی چوقدن یاتمشدی . غازی او یویوردی ،  
 بکر ایسه الان دونمه مشدی ، حتی اونک بار کیرلرینه مکتبیلرک  
 آرابه جیسی یم ویرمش ، قوشوملرینی اوقالیر مشدی . بز اولوده ،  
 برکوره ییغیننک اوزرنده اوطوروب قونوشیور ، بر آز سرین  
 هوا آلیوردق :

غازی ناموسه لاف سویلتمز ایتش ، بکر ، خانم قیزه اشمار  
 ایتش ، بونی کورن غازی ده حریفه بر آئی کوتک چلمش . . .  
 ایشته مسئله نکی خلاصه سی بر ایدی ، بو ایدی اما بکرک دونوب  
 کلمه سی ایشی چتاللاشدر ییوردی . عجیبا حریفک بر انتقام پلانی  
 واردی ؟ کیجه یاریسی ، بردن بره ، ایچری کیره جک و آچیتده ،  
 آرابه سنده یاتان غازی نی وورو میوره جکدی . . . یاخودده صباحه



قادر قيرلرده دولاشه جق ، خانه اوكله يه دوغرو كلوب بزدن ،  
 کرواندن بر كون صوكر ايه مي قالا جقدی ؟ بو احتمال هيمزي  
 قورقوتدی : اوله قيزي داغ باشلرنده بگه امنيت ايده مزدك ،  
 ثانياً او كمزده كي اوچ كونلك قسوتلي يولي اونسز كچمك هيسچده  
 خوش دككدي . او ايري ، ايسته كلي باقيشلر هيمزه بر ذوق ، بر  
 اطف اولويور ، يوره كمزه شوق ويريور ، كچديكمز چولي كلزاره  
 چه ويريوردی . مكتبيلر اوفكلرندن قابليينه صيغه مايورلردی ،  
 شيمدی اونلره بر جنكاورلك ، بر قورون وسطا ذهني كمشدی ،  
 وورمقدن ، بر قورشونده كبرتمكدن ، بر بچاقده جاني جهنمه  
 كوندرمكدن دم وورو يورلر وقاچ كون كچيكلر سه كچيكلر ،  
 اونسز ، اونك آرابه سني ده اوكلرينه قاتمق سزين شورادن شورايه  
 قيميدانمه جق لرني ادعا ايديورلردی .

بز بويله ، پر حدت و پر هيجان ، ثولوملي مسئله لري موضوع  
 بحث ايدر كن ايجريده ، خاتك طوپراق دوشه لي ، چوقور اوداسنده ،  
 چولاك صيجا قريله قاوردلش اولان او ايري ماوي كوزلر ، محقق ،  
 ساكن ومستريح قابلمش ، ديكله نيوردی . او ، اطرافنده اولان  
 بيتن مسئله لره هيسچده اهميت ويري ميوردی . دوت مكتبيليك ده  
 كنديسنه اسيركي خدمت ايده جكارينه وكنديسني اك اوفق بر  
 تعريضدن صيانت ايچون اوغورنده قانلريني دوكله جكارينه صانكه  
 اميندی .

بگردن الان اثر يوقدی . بز بويله حسب حالده ايكن صباح  
 باشلادی . ايچندن كلن بر آيدينلقله چول كوزلر يمز او كنده  
 جانلاندى ، بزه بسبتون بي نهايه ، فلاكتلي قورقونچ كوروندى .

قابل دکل اونی بوراده ، بزسر ، بکرك ائنده بیراقامزدق . فقط  
 بن بکلیه مزددمده ... کونلرم صاییلیدی ، بر کونلک تأخر بکا  
 امثالسر بر فلاکت اولایلیدی . مکتبیلر نهایت بکا شویله بز  
 چاره تسویه تکلیف ایتدیلر: بن آرابه می اوکا ، ماوی کوزلرینه  
 مفتون اولدیغمز کروان کوزلنه ویره جکدم . ومکتبیلر مناوبه  
 یورویه جکدر ، کندی آرابه لرنده بکا راحت یر آیراجقلردی .  
 بز هم بویله قونوشویور ، همده حاضر لانیورزدق . اوکونکی  
 یولمز هم چوق اوزون ، همده چوق عارضه لیدی . آرتق داغلق اراضیه  
 کیره جک ، آقشام قیزیل یرماق کنارنده کیجه لیه جکدک ، غازی متادیا :  
 — هایدی چابوق اولالم ، اوندرت ساعتک یول آلاجغز !  
 دییوردی . پکی اما هنوز قرار ویریه مشدی ؛ اختیار آدام ،  
 قیزک باباسی ، یانمزه کلش ، آرابه جیسنک غیوبته شاشار  
 کورونویور ، یأسلی یأسلی یوزیمزه باقوب امداد بکلییوردی .  
 بر طرفندنده سرگذشتی آکلایموردی : مکرسه اوکنج قیز ،  
 قیزی دکل ، قیزده دکل ، کلینی ایش ... صامسونده کی اوغلنده  
 مسافرکن حرب پاتلامش ، دلیقانی ایشنی بیراقوب عسکره  
 کیتمش وغائب اولمش ... بر بحق سنه در خبر آلمیورلرمش ...  
 نهایت صامسونی ، بویابانجی مملکتی ترکایدوب استانبوله دونه که  
 قرار ویرمشلر ، پاراسیده یوقش آ ، آرابه نک یاری اجرتی  
 بلدیله تسویه ایش ...

مکتبیلر بوقوجه سی محاربه ده غائب اولمش کلین ، تازه کلین  
 حکایه سمندن پک لذت آلدیلر . باغین باغین دیکلییورلردی .  
 اوقادار عشقه ، شوقه کلش کورونویورلردی که قادینی ، باناوبه ،

صيرتلرنده يايآ انقرهيه قدر کوتورمکه حاضرديلر ... کان باباي  
تسلي وتطمينه اوغراشيورلر :

— سز مراق ايتهميکيز پدر افندی ، يولده بيراقماييز ،  
الته بر چاره سنی بولورز !

دييورلردی . کلين خانم ، اوکونه قادار بر کنج قيز ظن  
ايدهرک باقديغمز بوطول قادين شيمدی صباح طراوتي ايله خانک  
يقيق قايسنده نه سوسلی دورويوردی . بوسفيل طام اوکنده  
يوزی تازه کونشله رنکلی وبشوش ، کوزلری هرزمانکنندن  
داها آحيق باقیشلی وپراحتراض بزی نه جانندن ، نه دهرين سوزويور ،  
آیری آیری ، وجوديمزک هر طرفنده دیکله نه رک نه آليجي کوزيله  
باقیوردی . آميندمکه اودرت کنج دليقانیله ده شيمدی قوشوب  
آياقلاينه قانمق آرزوسنه کوچ مقاومت ایدیورلردی . ايلچلرندن  
محقق : « آه ، دييورلردی ، اونکله ، باش باشه ، يان يانه ، بر  
آرايه ده شو يوللری يالکيز آشمق ممکن اولسه ... »

بردن ، همز ( آ ! ) ديهه باغیردق : بکر قايدن کيرمشدی ...  
باشی اکیک يورودی ، آتلینی چکدی و آرايه سنی قوشدی .  
يانندن کچرکن بکا :

— قيرده اويويه قالشم ...

دیدي . هرکسه نازک کورونويور ، اسکیسندن تربيه لی  
حرکت ایدیوردی . آکلاشیلان ، آراصیرا بر تميز دایاق ييه ده که  
يوله کلين ، آدامه دونمین انسانلردندی . اوکله اوزه ری ، باقدق ،  
غازيله ده قونوشويور :

— غازی دای !

دييه اطرافنده پروانه کي دولاشيور، اوکا قول کوله اولويوردي.  
چولدن چيقييور دق. نهره ياقلاشد قجه بهار تکرار باشلايوردي،  
ايکدهلر چيچکلي، تارلار يшил وفقطيول بوزوق، عارضه لیدی.  
اکثر یرده آرابه لردن اينیيور دق. اودخی اینیور و بو یاقافله سنک  
اوکنده، آرابه ده قالان اختیارلردن آری و بزندن ده اوزاق،  
تک باشنه سوکلون کي کیدیور، بزی سوروپوب آرقه سندن  
کوتور و یوردی. کنجدر، هب بر آغز دن شرقی اوقویورلر،  
بوطلسلی سیاحتدن نهایتسز بر سعادت دویویورلردی. اوت،  
بهار بورالرده ینه قارشیمزه چیمشیدی وقافله ینه جوشقونلق  
ایچنده، پرهوس، ایچین ایچین قاینایور، روحنک کنیشه دیکنی،  
هوالاندیغنی و کونشله دیکنی دویویوردی.

دیرکن، آقشامه دوغرو، اوزاقده، وادیده باقیر رنگلی  
شرید پارلادی: تپه دن قیزیل ایرماق کورونویوردی. براز مولأ  
ویردک وسیر ایتدک. غروبه یاقین صاپ صاری کسین کونش  
قارشیسنده بوییمیشیل وادییه، یوکسک بر داغ باشندن باقیش  
نه کوزلدی... علی الخصوص کلین قیز، بیاض مشاحنه برولی،  
تول تورتوسی هوالانهرق، قایا اوزرنده نه کوزل دورمش، نه بلیغ  
بروجدواستغراق طوری، برهیکل شکلی آلمشیدی. بونه ماهر بر  
قادیندی و بزی، قافله نی هر کون براز داها ناصل کندیسنه اسیر و محکوم  
ایدیوردی! هم، هیچ برشی یامه دن، باقیشاری ویوریشلریله...  
ذاتاً کروان خلقی آرتق بر برینه آلیشمشیدی. بربریمزه  
داها یاقین دورا بیلدوردک. کنج قادین ده آلیشغه باشلایان بر  
یابان کوکرجینی کي قیریله دوکوله، باقه باقه، متحسس و پرمراق  
یانمزه براز داها یاقین صوقولویور، کوزلرینی داها یاقیندن

اوزریمزده کزدیره رک شاشقینلغمزدن آياقلازمیزی بربرینه  
 دولاشدیرییوردی. فقط نه یازیق که اوکمزده آرتق برکونلک یول  
 قالمشدی، یالکز برتک کونلک ... برهفته لقا اولسه یدی، بلکه،  
 قونوشه جق، هپ بر آراده ییوب ایچه چک، یورویوب کزه جکدک!  
 اوکون، صوک کون، آقشام اوزری، طیبی قیزیل ایرماغک  
 کورونیشی کبی بردن، بر تپه دن اوکمزده قوجه مان بر شهر حیقدی،  
 قوس قوجا مان بر شهر ... یولده اوقادار آز مسکن کورمش  
 و عمراندن اثر بولماشدک که قارا، کوچوک وصیقینتیلی آنقره بزه  
 بر معموره، بر پایتخت کبی کورونمشدی ... شیمدی یوقوشدن  
 عجباه عجباه قسبه یه دوغرو چالا قامچی، غایبه ایرمکدن متولد بر  
 تلاشه ایندیرردق. آرتق کروان بوزولمشدی، آرابه لر بر برلرندن  
 آریلا جقلردی. اولاه، اک یوروک بارکی رلی واک بوش اولان بنم  
 آرابه اوبرلرینی ترک ایتدی. باشمی چیقاردم و برداها کورمیه جکم  
 همانهان محقق اولان اوکوزلره، برهفته دن بری مزعج بر سیاحتک  
 عذابنی تخفیف ایدن، برچولی کلزاره چویرن، کوکلاری هیجان  
 و حرارت ایچنده یاشاتان و آچیق معنالی آج کوزلره صوک دفعه بر  
 داها باقدم. فقط بکا آرتق اودرجه تاثیرلی، بی امثال کورونمده دی.  
 آکلادم که فوق العاده لک اونده دکلدی. تاثیرک سبینی آرابه نلک  
 صارصینتسیله حسلری طاشیران بهارده آرامق لازمدی. بری  
 مادی، دیکری معنوی تاثیریه هپمزی عاشق ایتمش و بر آخرتلاک  
 قیزدن باشقه بر شی اولمایان محبوبه مزی بزه عقللره وله ویرن بر  
 آفت شکلنده کوسترمشدی!



## اوزوم وایک بلده سی

صوڪ محاربه لر بيله جك وحواليسنى زيروزبر ايتش . . .  
اورالردن كلن يرلير بكا :

— نه قصبه ده او قالدى ، نه جوارده باغ . . . كوزدم مملكت  
آلات اوست اولدى !

ديديلر ؛ زرهى ، هانكى بنايى وهانكى باغچه يى صورسه م :  
— ياندى ! چيكنه ندى !

دن باشقه جواب آلامادم . خانلرى ، حاملرى ، فابريقه لرى  
وقوزده لقلزيله قوجه بيله جك خاك ايله يكسان اولمش . . . حالبوكه  
نه شيرين ، نه سه ويلى بر شهر جك زدى . آنادولى ايجريلرندن  
قور تولوبده شيقير شيقير مهتابلى بر كيجه ده استاسيوندن بيله جك  
قصبه سنه ، بيم بياض ، معمور بر شوسه دن دونه دونه چيقديلم  
زمان دويديلم كىنى عمرم اولدقجه اونوته مام . ظن ايدييوردم كه  
آنقرده دن اوتله رده سنه لرجه كنش بر نفس آلامادن ، هپ بوغوله  
طيقانه ياشامشدم ، اوزماندن برى ايلك دفعه شيمدى كو كسمك  
اولانجه وسعتى وقدرتيله آچيلديغنى وتنفس ايتديكم هوادن جانمه  
جانلر قاتيلديغنى دويويوردم .

بيله جكه ايتديكم صباح خلق بايرام ياپيوردى ؛ بنده منفاده  
ايلات فرحلى بايرام اوكون ، اوبايرام اولدى . بعضى آيدىناق چهره لر ،  
آيدىناق آغيزلر اولديغنى كى آيدىناق شهرلرده واردر ؛ يوللر يوزم

کولر ، کوك شعشعلى كورونور و آي ايشيغناك اشياده كي قصورلرى  
ئورتمسى كېي اوشهرلرده فنا منظرلر نەدلسە ، ھانكى حكمتە  
مبنى ايسە ، كوزە باتماز بر حالده ، ضررسز دورور . . . ايشە  
بىلەجك بعضى قارا اولرى ، خراب داملىرى وبوزوق قالديرىلرى  
خلافە تميز ، يېڭى آيدىنلىق كورونن شيرين قىسمبەلردن برىدى .  
بوساعتدە كانونارنى ، قارا قىشنى بىلە خاطرلادىغى زمان كوزمدە  
كونشلى بر قار منظرەسى جانلانىيور و جامدن عكس ايدن كىكىن  
بر ايشىقلاھ كىندىمى كوشە نچرەسندە ايسىنمىش ولتلاھ اويوشمىش  
بر حالده تخیل ایدیورم .

ھر حالده ، داھا بویلاھ نچە شيرين وسەویملى قىسمبەلر كېي  
بىلەجكەدە یازىق اولدى . ظن ایتەمكە اونى عىنى شرىنلىكىلە و اوجى  
بوجاى بولونماز باغلىرى ، دوتلىقلىرى و باغچەلرلە بر داھا ياپايىلەم ،  
ياپىلىمىش كورەم !

بىلەجكەدە بللى باشلى ايكي ايش ، ايكي تجارت واردى :  
برىسى اوزوم ، دىكرى ايسك . . . دنيادە ايسكچىلەكە باغچىلقدن  
كوزل ، بوندن تميز ، بوندن ذوقلى وبوندن كارلى نە ايش ، نە  
تجارت اولابىلىركە . . . ايش سزلك بنى اورادە ، اوفاق مقیاسدە ،  
يالکىز اويىمك احتیاجنە يەتەجك واکندىرەجك طرزەدە بويىكى  
صنعتەدە سوقدى . براز قوزا ياپدم وبر آزدە باغچىلق ایتەم .  
ايسك ایشلى ايلك بهار ایشدر ؛ اوزوم صوك بهار . . .  
شىمدى ، شايد بىلەجك يانماسە و باغلىچىكەنەوب خراب اولماسە  
ايدى اورادە ھالى بر فعالىتە اوزوم محصولى طوپلانمە ، شرابخانەلرە  
يىغلمە ، پىكمز اوجاقلرى يانوب راقى انىبقلرى قورولمە باشلامىش

اولوردی . هرأو بوكونلرده طيقا باصه اوزومله دوله جق و دنيانك  
 اك نفوذلى، اك حاكم و اك ذى قدرت ميوه سى اولان اوزوم اوراده .  
 مختلف شكللره انقلاب ايدهرك كوپلر ويا شيشه لره كيره جكدى .  
 اونلر نه پيشكين ، نه يالديزلى ، نه باللى اوزوملردر و باغ دهنيلن  
 يرلر ك بيله جكده ناصل كنيشلكنى كوز استيعاب ايدهميه جك بر  
 فسختى واردر . ساعتلرجه يورومكله سوكى بولونماز و ايجريسنه  
 دالجه اوزانير ، دهرينه شيرده چيتمق ايجون بر مخرجى كورونمز .  
 ايسته بويله آرشيلى ، دونمى بللى اولمايان باغلر ك درت بر طرفدن  
 قصبه يه دوكدىكى اوزوملر بوموسمده ايشله نمكه باشلار ، نه طاتلى ،  
 نه كفىلى ايشدر بو... پكمز اولنجيه قادار آزىلىشى ، سوزولوشى ،  
 قاينايشى ، دورولوشى ، صوغويشى ، هپسى هر صفحه سى انسانك  
 كوزلرينى آوتور ، اشتهاسنى آچار ، يوره كنى فرحلاتير و نشئه سنى  
 آرتديرر . نه ده نسه ، صوكرادن ايچندن آينه جق آلقولاك  
 قبل الخصوص بر تأثير ذهني سى مى ، نه در ، اوزومجى لك دائماناشئه  
 ايستر ، نشئه لى اولور ، قادين ، اركاك كولوشه ته پيشه ، توركيلر  
 چاغروب حكايله ر اكلا ته رق فريخ و فخور چاليشيرلر و بو ايشى  
 كنديلرينه بر ذوق عد ايدرلر .

قازغانده قويولا شمش پكمزك كوپوكلنه رك قايناماسنى و انيقدن  
 راقينك ، اينجى ديزيسى كجى ، پاريل پاريل ، بربر آرقه سنه  
 داملاماسنى كيفلده سير ايتمه مكدوبوندن خوشلانماغه امكان يوقدر!  
 شايد بيله جك بو عاقبه اوغرامامش اولسه يدى شيمدى اك مسعود  
 واكلنجه لى بر دمنى كچيرمكده بولنه جقدى . . . لكن بوكون  
 اوراسى ، كنش بر انقراض ييغنى اوستنده غارغه سورولرينك

ها ټیږیښدینځی یره با تمش بر مملکتدن عبارت ! بوندن تام دوت  
سښنه اول ، شو تاریخده پکمز غازغانک باشنده کچه پی  
قاریش دیر رکن ویا انیغک اوکښه آ کیلمش چفته چکیلمش راقینک  
کندی المله چاشنیسښه باقار کن هیچ خاطر مدن بو عاقبتی کچیر دبیلیر ،  
بیله جکک یونان اردو سیله چار پیلشیر کن یانوب خرابه یه دونه بیله جکځی  
دوشونه بیلیر میدم ؟

ایک ایشی بسبتون تمیز ، مراقلی ونازک بر ایشدر . زمانه  
کلنجه ، غالباً نیشان باشلانغی جنده ، تخمیر آچیلیر . آوجی باروتنه  
بکزه دین بوسیه یومورطه جتلردن بر صباح باقارسیکزه مینی مینی  
قور دجغزلر چیتمش ، دوت یاراغنی اوزاتدیکزمی همان صاریلوب  
اوزدرینه طرپلانیورلر وکیرمه که چالانیورلر . . . اوزمان تمیز  
یچاقلرله تازه ، سرین دوت یاراقلری توتون کی قیلیر اوزرلرینه  
سریلیر . همدایاً ییرلر و بویورلر . آرتق بیلدیکمز طرطیلاره  
بکزه مشلردر وتل اتمسارک اوزرلرینه یاییلمشلردر وایری دوت  
دالری آراسنه صوقو اشاردر . اودایه کیردیکزمی بوییکلرجه  
بوجکک یاراق کیرمه سندن چیقان صدا حیرتکزی جلب ایدر ،  
ده کیز کی صوکی کلین بر خیشیلتی ...

ایک بوجکی قوقویه کلز ، صیجاغی کوتورمز ، سرینه  
دایانماز . شاید زمانده پچرملر آچیلدق اودانک هواسښه  
سرینک ویرازسه صیجاقدن آریویرلر ، هر طرطیل بر دامله صو  
اولور ، ئولور فنا قوقولردن ایسه بوزولوب ایکی بوکلوم در حال ،  
قورویویرلر . صوئوقدن ده قیوریلوب قالیرلر . اونک ایچون  
ایکجیلک بویوک بر اعتنا ایستر ، عادتاً قومار کی ، یاری طالع

ايشيدرده ... ترمتر و ، ديانه جغندن فضله بردن بر دوشيويرسه  
ويا چيقويرسه بوتون امكاريكز هبا اولور و تام قوزده عاراجقلى  
زمانه قادار هرگون بوقورقو ، بوجيع احتمال دائما موجوددر .  
شايد بويله بر عارضهيه اوغرامه دن ، اوچ دورى ، اوچ  
اويقوسنى اكل ايدرك طريلار ايريله شوب كماله ايرد بيليرسه  
بوجكخانه لره ميشه داللى ديكيلىر ، قورتلر بونلره طيرمانلر  
و آغيزلرندن چيقنجه ايك اولان توكر و كلرني باشلرني صاللايه  
صاللايه صارمغه قويولور . اولا ياديني شى قوزده نك آصغيليردر .  
صوكره ئورمكه باشلار وايچنه طيقانوب قالير .

هر پارچه سنده يوزلرجه قوزده نك صارقوب دوردينى بو بنا  
داخلنده كي ميشه دالى اورمانك منظره سى حقيقه عجب ايدر .  
او بر منظره ثروتدرده . زيرا آرتق ، هيچ بر تهلكه قالماس ،  
محصول آلد ايدمشر . صوك عمليات بوقوزده نك طريلانوب  
بخاره طوتوله رق فرونلاماسى ، يعنى طريللرك - كه ايچنده  
قاشلى كوزلى برر كله بك اولمشردر - قوزده ني دمله دن صيحاق  
هواده بوغولمليدر . بونى قوزده خانه كوتوروب بالماز ايد  
صاتمق و پارملرى درجيب ايتك تعقيب ايدر .

قاريقه لره يوزلرجه عمله قيزلرك قوزالرى صاغماسى و ايك  
طرملرى ياپوب بونلرك آوروپايه سوق ايدمك اوزره استيف  
ايديله سى ده آرى آرى ، بسبتون اكلنجهلى ايشلر ، كيفلى  
تجارتلردر . بوميلونلرجه ايك بوجكنى بسلايه بيلمك ايچون  
نه قادار دوتلغه احتياج واردر ، بر دوشونيكز ... بيله جك  
اطرافى بر دوت اورمانيدى . ايلك بهارده بازار ىرى ايكدن



هیچ فرقسز اولان تماسی لطیف ورنکی کوزل دوت دالریله  
 دولار ، صوڪ بهارده داغ طاش اوزوم کسیلردی و بو ایکی  
 نبات ، ایکی بودور فدان ، آصمه ایله دوت دالی احوالی به  
 ثروت ، رفاه و سعادت یاغدی رردی . کچن ایلك بهارده هیچ شبهه سزکه  
 اورالرده بش قوطی تخم آچیلامادی و بو صوڪ بهارده ده محقق که  
 بش دهنک اوزوم کسیله مه دی ! بر زمانلر ، حرب عمومیده ،  
 یاری معطل دوردیغنه یانیدیغمز ایپک فابریقه لرینک بو کون یرلرنده  
 یللر اسیور ، آی باقیلامادیغنه آجیدیغمز آصمه لر شمدی  
 کوکارندن کسیک وزیان ایدلیکنی ظن ایتدی کمز دوتلردن  
 اثر یوق !

زووالی شیرین و سهویملی بیله جک ، زوالی اوزوم واپک  
 بلده سی ! آرتق نه سن قالدک ، نهر صالحیم اوزومک ، نه ده  
 بر طره ایپک ... از میری آلام دیرکن داها بویله نه یرلردن ،  
 نه بیله جکلردن ، نه اوزوم ونه ایپک بلده لرندن اولدق !  
 دکل از میری ، بزه تکرار اشقودره دن بغداده قادار اوقوجه  
 ایمراطورلنی اعاده ایتسه لر بر بیله جکی بر دها بش عصرده  
 یاپاماز .

اولورسه سیاست دیدیکک ایشته بویله اولمالی ! مملکتی  
 دشمن پنجه سندن قورتاراجغنی بیلیم اماقینده دنیادن قورتاره جغنی  
 فهم و ادراک ایدیورم . بوکا ، بوجهته بن اینسانیم ، مملکتی  
 قورتاره جغنه سز اینانیک !



## هیچدن سعادتلر

بن نهقادر بسیط روحلی ، دار ایسته‌کلی ، ساده ، اوفق ،  
هیچدن بر آدامم ...

دون صباح ، ایرکن ، آیاقلریمی صوبایه اوزاتوب اسکمله‌مده  
آتشی سیرایدرك راحت راحت ساللانیرکن دوشوندم که حیاته  
بنی سوق ایدن حسلر اوایله بویرك امللر ، واسع آرزولردکل ...  
یورده‌مده اقبال ویا ثروت کی دهرین آتشلرک حرارتی یوق ...  
یوکسک خولیلرپشده قوشمیورم .. هرکسک قرشیسنده حیران  
قالدیغی فوق‌العاده فنیلترلر قارشى لاقدیم ... خلاصه حیاتی اک  
ساده ، اک قولای جهندن کوروپور واک اوجوز ، اک ممکن  
طرفندن سه‌ویورم .

بنم سه‌وکیلرم عادتاً به‌داوا سه‌وکیلردن . . . حیاته هیچدن  
رابطه‌لرله ، اینجه‌جک تلرله مربوطم ! یاشامغی اوفق تفک‌بش ،  
اون دویغو ، بش ، اون منظره ایچون سه‌ویور وایستیورم .  
نه‌اهمیتسز ، نه‌یوقدن شیلربنی مسعود ایدیور ! شیمدی بونلری  
دوشوندجه‌کندیمه شاشیور وبودرجه مسکین آرزولر ایچنده  
یاشادیغمه وهیچدن سبیلرله سعادت بولدیغمه عادتاً حدتله‌نیورم !  
حیاتمک اک کوزدل جهتلربنی هر حالده پاره واقبال تأمین  
ایتیور ، کوچوجک دویغولرمله یاشامانک ذوقنی چیقارابیلیور ،  
یکرمی درت ساعتک درتده برنده لذت بولابیلیورم . مثلاً ،

موسم قيشمى ، استانبولك صوئوق ، چامورلى سوقاقلرنده ،  
شمسيه مه كوملش ، قالقيق ياقامك ايچنه چوكمش بر حالده دولاشوب  
يورولدىقدن صوكرا ، كچ وقت اويمه كلشم ؛ ايشته اودا ...  
زينتسز ، كلغتسز ، فقط صيجاق ، آيدىنلق بر اودا ... سوديكم  
ايكى چهره ، ماصه نك اطرافنده بشوش بنى بكليورلر. اوح ! بو  
يالدسز ، لاكسز ، آويژه سز ( سهور ) سز اودا نه ساده ، لكن  
نه محرم ، نه جانهاقين بر محيط ... نه قدار پرو سز تميز بر نشئه ، بر سعادت  
دويويورم . بر نشئه ، بر سعادت كه بوني اك محتشم صالونلرده  
دويامازدم .

حيات نه كوزل شى ! نه قدار مسعودم !

... صوكرا مثلا ، اوده قالدويم بر كون ؛ جانم بر چيلدير يامق ،  
بر چيلدير ييك ايسيتيور . موطباقده يز ؛ صو تجرده قاينامغه  
باشلادى ، يومورطه لرى اونارين قيريليشيله بر برينه ووروب  
برر برر ، انتظامله ديزيورم . ايشته خوپلامغه باشلاديلر ،  
خدمتچى صوينى سوزه ركن بن ياغنى قيزديرييور ... اشتها ويرن  
نه مؤثر برلايحه ... يغورت دووولدى ... قيرمیزی بيبر حاضر ...  
— هايدى ! بويوريكنز !

ترتميز ئورتولى سفره نك باشنه كچدك ؛ منظره سى ده ، قوقوسى ده ،  
چاشنيسى ده نفيس اولان بويك ، بو حاضر لانيش ، بوقورتاريش ،  
بو عائله كلنجه سى روحه قوت وىردى ؛ ذوق ايچنده يم . بر ذوق كه  
بوني اك مكلف ضياقتلرده بولامازدم .

حيات نه كوزل شى ! نه قدار ممنونم !

... دورغون بر صوك بهار آقشامى ، تك باشمه ، قلامش

قوي كنارنده كي قومسالرده آغير آغير يورويورم . افق قيب  
 قيزيل ... فقط ساحلاره دوغرو بو قيزيلق قويولاشه رق كليور  
 وارغوانيدن ، ليلاقي يه دونويور ، نهايت ، تام كنارده مورلاشيور .  
 نرمدن كلديكي فرق ايديله ين چوجق قهقهه لري ... ايشته ايكي  
 نارين وكنج خانم ، عجله عجله ، يان يانه يورويورلر ... ده كيزده  
 ياري چيلاق بر آدم ، آنده كيچه ، بالق آرايور وهر آديمه  
 كنيش صوحلقه لري قتمر قتمر آچيله رق ، رنكارنك درت طرفه  
 ياييليور . جيفاردمك طادي اوقادار باشقه كه عادتا بنى سرخوش  
 ايدييور ، ذهنم تماماً آسوده ، هيچ بر كدر ، درد ، اندیشه  
 دويمايورم . طبيعتك كوزلكي صانجيلري دينديرن ر باييلتيجي  
 واويوشدور وحي علاج كي دامارلر يمه راحتلق وسكونت ويردي .  
 ين بو استراحت ، بو سكونت اُك بويوك موقعلرده ، اقبال و اعتبار  
 قولتوقلر نده نائل اولمازدم .

حيات نه كوزلشي ! نه قادار راحتم !

... پوصلي بر آلاجه قاراكتق ايچنده يوله چيقمش واوكليه  
 قادار آوپيشنده دردلر آتلايوب يارلر كچه رك ، آياقلم دوكمش ،  
 يوزوم قاورولمش متدياً دولاشمشم . شيمدي بر كوي قهوه سنده يم .  
 صاچ صوبا قيب قيرميزي ... المده قونيا قل بر چاي قدحي ،  
 يودوم يودوم ايچييورم . بوتون وجودمده يورغونلقه قاريشق  
 بر زنده كي وار . اورايه ، پيكنك اوزرينه اوزانوب كوزلر يمي  
 قابادم . خاطر مده پ كچديكم صولر ، سازلقلر ، چاملقلر وساير بر  
 سور و مناظر طبعيه ... ياواش ياواش كندمدن كچييورم . بو اويقوده  
 اُك مزين واعتالي برياقده كندن داها فضله شفا و كيف وار .

حيات نه كوزل شى ! نه قدار كيفلى يم !

... ايكنديدن صوكر ا بوغاز ايچنك وياقضى كوينك تنها  
بر واپورنده يم . او يوقلار كې ، يارى آچيق كوزله اطرافه باقييور  
ويوچلىرى سىرله آوونويورم . بر مدت ياشىلىر وار ككلرله  
مشغول اولدم ، شيمدى قادينلرى تدقيق ايدىيورم . ايشته ايكي  
كنج قيز ... بللى كدا وفاق بر عائله نك چو جوقلرى ، اورنك البسلر  
يا مشلر ، اوزنه بزنه ... اونلر ك آز پارا ايله ، پر حرارت ،  
هفته لرجه دكانلرى دولاشه رق وموده للى قارىشديره رق ، كندى  
الاريله يچوب ، ديكوب شوئوزه تى البسلرى ميدانه كتيريشلرى  
كوزيمك او كنده جانلانييور . نه قدار يورولمشلر ، ديديشمشلر  
وكولومشلردر . پروالرينى ياپاركن چيلاق قوللى وقيصه ا تكللى  
ايچ كوملكلاريله آينه قارشيسنده چاليشيشلرى هر حالده بك لطيف  
بر تماشا تشكيل اتمشدى . بو ياسز چهرلرى نه قدار كندندن  
رنكللى ويشيل كوزلرينك ماويسى بىاضى نه درجه پارلاق  
دورو يوردى ... دولغون بالديرلرى دار بوتلرى ايچنده بك  
صيقشيمشدى ، فقط باقاركن انسانه اذا ويريوردى ؛ كنج  
كوكسارينك سربست منظره سى ايسه داها يوروجى ايدى ...  
بوساده ، فقير كوزللكلر نه خوشدى ، نه ذوق آوردى ! بو  
ذوقى بكا بلكه اك يوكسك بر قادين تا مين ايدمه زردى ...

حيات نه كوزل شى ! نه قدار اكلنييورم !

بونك كې داها يوزلرجه چشيد ا وفاق تفك ، اوجوز  
واهميتسز ، هيچدن ذوقلرله دولو اولان حيات ، حقيقه ،  
كوزل شى ! حتى بعضاً بو صايدقلمدن داها كوچوك حسـلـر



وارد در که بنی نمون ایتکه کفایت ایدر . مثلاً یاغمورلی بر کیجدهده ،  
 محله لر آراسندن کچرکن بر اؤک ، پرده سی آچیق قالمش اولان  
 آیدینلق اوداسنه باقیورم : بر غلبه لك عائله ماصه نك باشنه  
 دیزیلوب کاسه سندن دومانلری طاشان چوربادن ایچهرک یمک  
 ییورلر . نه خوش ! یاخود بر قیزغین اوکله اوستی کوشکلر ایچندن  
 کچرکن بر پیانو سسی دویویورم ، ایشته شو اؤک لوش ، سرین  
 بر اوداسندن کلیور ... بیلیم نهدن روحه بونغمه اویله ده رین  
 تأثیر ایدیور ، اویله بر کیف ویریورکه ... نه طاتلی ! یاخودده  
 بوغازیچی واپوریه ایکندی اوزری آنادولی یاقاسنی کچیورم ،  
 خراب بر یالینک کونش وورمش بر پنجره سندن بر قادین کولکه سی  
 کورونویور ... بللی که اوکله اویقوسندن قالمش ، مخمور کوزلریله ،  
 نه یاپه جغنی بیلیمدن بو بوش ده کیزه باقیور ... بر هیچ اولان  
 شو منظره بنی متحس ایدیور ، بوش ، ایش سز کچن عمرلرک  
 دوقنی دویویورم ... نه کوزمل !

بوندن ده اهمیت سزلی ، حیاتی سهو دیرن هیچلری موجوددر .  
 مثلاً آقشام اوزری استانبول محله لر نده کی یغور تجی سسلری ...  
 مثلاً واپور دودوکلری ... مثلاً تراموای تلر نده چیتیر دیه رق  
 طوتوشان ماوی الکتریک آله ولری ... بونلر بیله انسانه حیاتک  
 بی نهایت ذوقلرندن بعضی سنی طاتیرر ، یاشاهنی سودیرر ! محقق که  
 کیف ، ذوق ساده سالونلرده ، قمارخانه لرده ، مجلس اودالرنده ،  
 نظارت قولتوقلر نده ، بانکه مدیر لکلر نده ، اوتوموبیللرده و آرابه لرده  
 بولونماز . قهرمان و مشهور اولمغه ده لزوم یوقدر . انسان دویغولی

بر روحه وکنیش بر مخیله یه مالک اولدقدن صوکر ا کوی قولوبه سنک  
اوکنده اودون یارارکن بيله صیجاق چور باسنی دوشونه رک حیاتی  
سور و حیاتدن کافی لذت لر آلیر !

بن حیاتی اصل بویه جهت لری ، بو اوافق تفک ذوق لری  
ایچون سه وییورم !

حیات نه کوزده لشی ... حتی اُک هیچدن سبیلردن بيله !



## هیچدن فلا کتله

کچن هفته بر حسب حالده (هیچدن سعادتلر) دن، یعنی بعضاً بر ایللیق اودانك، بر صیجاق چوربانك، بر سرین روز کارك، بر ایشیقلی پنجره نك، بر کونشلی هوانك ویردیکی سعادتلردن بحث ایتمش، حیاتك بویله اوفاق تفك سبیلرله بیله بکاپك لطیف، پك قیمتلی کوروندیکنی سز یله مشدم. بودفعه ده مسئله نك ضدینی موضوع مقال ایده جکم، یعنی بعضاً (هیچدن فلا کتله) له عمریمزك ناصل زهرله نه بیله جکنی آکلا تاجم.

اوت هیچدن سعادتلر اولدیغی کبی هیچدن فلا کتله وارد. ناصل او برنده (سعادت) کله سنی بر آز مبالغه ایله قولانده سه بونده ده (فلاکت) کله سی بلکه بر درجه قوتلی دوشر. لکن تأثیری، صیقینتیلی، ضربه سی اعتبار یله بونم هیچدن فلا کتله یله فلاکت دیمك ایشدن بیله دکلدرد. دواملی اولماسه لرده هر حالده بدایتده انسانی شاشغینه چویررلر. بر آنده دنیا آدامك باشنه چوکر، حیات زهر اولور!

مثلاً غایت اهمیتلی، عجله بر ایشیکز وار. سزی بری شو ساعتدن شوساعته قادار بر محله بکلییه جک وصو کرا کیده جک - کیدرسه بو بویوک بر زیان اوله جق، بناءً علیه پر تلاش اسکله یه قوشار سکز، امینسکز که ساعتکز دوغرودر، هله بر دفعه دها باقیکز... قاچ؟ الفی الفنه دو قوز... دیمك که تام یکرمی

دقیقه کز وار ، فرح فرح یتشیرسکز . بوامنیتله یورورکن  
 قولانگزه بر دودوک سسی عکس ایدر . اوند ؟ عجیبا واپور  
 یکیمی کلیور ؟ یوقسه بش دقیقه دودوکنی می چالیور ؟ خاییر ،  
 هیچ بری دکل ... ایشته دومانلری صاوروله رق اسکله دن آیریلدی ،  
 کیدیور ، کیتدی ... میخلانوب قالدیکز ؛ دنیا باشیکزه زندان  
 کسیدلی ، آفال آفال باقیورسیکز واو درجه متأثرسیکز که  
 عادتا کوزلریکز دولودولو اولدی ، دوقونسله ر آغلايه جقسیکز .  
 اولاً ساعته ، صوکر اوپور قومپانیه سنه ، دهاصوکر اکندیکره ،  
 حیاته لغت او قویورسیکز . کریمی دونه جکسیکز ؟ یوقسه اسکله  
 اوستنده می بکلیه جکسیکز ؟ هر هانکیسنی یاپسه کز آرتق سزک  
 ایچون ، موقه ، حیاتک قیمتی ، ذوقی یوقدر . کلوب چنلر ، دکانلر ،  
 احبابلر ، عائله خلقی ، صنعتکز ، هرشی نظریکز ده لطافتی ، اکلنجه سنی ،  
 قیمتی غائب ایتشد . او ائنده اکسودیککز نه وارسه ، شاید آنتیقه  
 مراقلیمی ایسه کز مثلاً بر چفت چشم بلبل ، یوق کتابه دوشکونسه کز  
 بر حافظ خطی کلام قدیم ، شکمپورسه کز بر تبسی تل قدائی  
 یاخود هوائی مشربسه کز بر چفت یشیل کوز ، هپسی اوصیراده  
 دکربرز ، ذوقسز وقیمتسزدر .

فقط هیچدن فلا کتارک ده ااهمیتسزلی ، لکن داها  
 مؤثرلری ده واردر : تراموايه آتلارسیکز ، هر طرف  
 دولو ، بیکه قادار کیده جکسیکز . . . آیاقده بونه کوچ  
 ایش . . . او ائنده باقارسیکز که اوطور انلردن بری ایکیده برده  
 قالقه جق کبی بر طور آلیور ، پالطوسنی ایلکلیور ، صاغنی ،  
 صولانی کوزه تلیرز ، صیق صیق قیمیلدانیور ؛ هاه ، محقق ،

بشکطاشده اينه جک ، آچيق کوزليک ايدر ، اونک يريني خيالکزده پيليهرک آرقه سنه کچرسيکنز ... لکن تام سزاوراده اخذ موقع ايدرکن اودقيقه يه قادار ياننده بکله دیککنز ذات قالمقويرر ويريني بر باشقه سنه بيراقويرر ! درحال قان باشیکزه فيرلار ، ديشلريکنز کلیدله نير ، فقط بر مدت داها بشکطاشه اينه جک تسليسيلاه صبر ايتمه که چابالارسیکنز ... چابالارسیکنز اما ترامواي آرابه سنک ياريسي بوشانير ، اورته کوي ، قوري چشمه کچليز ، ينه او آدام قيميلدانه قيميلدانه يرنده اوطورور . ببه که برابر اينرسيکنز ! ايشته بووافق موفقيتسنرک ، بوهيچدن ايش بوتون نشئه کزي آلت اوست ايدر ، اويکنزه عبوس کيرسيکنز ؛ عائله يووا کنز ايسه سزه بر خان اوداسي قادار غريب ، ايص سز و ذوقسنز کورونور .

بر قاچ ساعت ايچون حياتيکنز زهرلنمش ، ياشامانک کيفي قاجمشدر !

خوش داها اوافق ، لکن داها ناخوش فلاکتدرده موجوددر : مثلاً بر پاکت سيغاره آليرسکنز ، هپسي ده قوچان کبيدر ؛ اويله صيقي دولدورولمشدرکه جکرلريکزي باطلا ده جق قادار چکر ، آمرسيکنزده ينه برنفس توتون چکه مزسيکنز ؛ بريکيسي آناق ده ايشيکزه کلز . بوتون کون پاکتکزي چيقارتدجه بشر دقيقه عذاب کچيرسکنز ؛ سينيرله نير ، ئوزولورسيکنز . ايشته اوکون نشئه کزدن محقق بر پارچه سي زيان اولمش ، ياشامقدن دويه جگکنز کيفه بر آز اولسون آجيلق قاريشمشدر .

يا فرقنده اولمه دن آلدیغکنز اسکی ، پارچه لاشمش ، ييرتيق



بر بش ليرالق ، قورتولونجيخه قادار سزه صيقينتي ويرمز، جانكزي  
 صيقمازمي ؟ توتونجي يه اوزاتيرسيكز ، آلماز . . . بيلتجي يه  
 ويريرسيكز ، اعاده ايدر . . . بقال بكنمز ، قصاب قبول ايتز .  
 بوهررد اعصابكزده برتحول حاصل ايدر، حياته قارشى اوفاجق  
 اولسه ده ينه برتفرت بسله نير . . . نهايت صو ، غاز وياالكتريق  
 تحصيلدارينه صوقارسيكز آلير ، سزده (اووح!) ديرسيكز .  
 لکن بونی ده بنجه قادار ايکي کونیکز آز چوق ئوزونتولی ،  
 سويمنز چکمشدر !

ايسته حياتده بويله اوفاق تفك سبيلر واردركه عاداتا كوچوك  
 برر فلاكت كبي يورده كه زهر بيراقير ، چهر كزه غم ويرير ،  
 كيفكزي قاجيرر . هم ساده مادي دكل ، هيچدن معنوي .  
 فلاكتلرده واردر : مثلا بر ديلنجي سسي اويله غملي ، اويله  
 پر قساوت بر آهنگله الهى اوقوركه بوتون ذوقكز قاجار، كيدر،  
 ايچكزه كدر دولار ، ذهنكزده بر سورو آجي خاطرلر اويا نير،  
 الله قورقوسي ، سفالت قورقوسي ، آخرت قورقوسي كبي مختلف  
 قورقولر ايچنده حياتك مسعود قسملريني اونودور ، اندیشه يه  
 دوشرسيكز ، مكتهده ليلي ايكن ، بوندن يكرمي سنه اول ،  
 سوقاقدن بر نوع ايجه سسلي دودوك ئوتدوره رك چكن برروم  
 ديلنجي بيليرم ، آغزنده كي قاميشه اويله آجيقلي ، مضطرب ،  
 پر اذا بر نفخه ويرردى كه يوره كم ني كبي دليك ، ده شيك اولور،  
 كوزلرم ياشايردى . بو سسي ديكله رك اورايه ، چكمله مك  
 اوزرينه قاباغق ، هونكور هونكور ، ساعتلرجه آغلامق ايستردم .  
 شيمدى پك آيى تخطر ايده ميورم اماغالباً آغلاديمده اولوردى . . .

منفا آقشاملر مده داوارلر دوزكن ايشيتديكم چنغراق  
 سسلرى ؛ داغ باشلرنده كى منزوى تلغراف ديركلرينك طنان  
 اوغولتوسى ؛ بويوك واپورلر كى عزيمت دودوكلىرى ، بوتون بو  
 حزنلى سسلر برر اوراق هيچدن فلاكت كى يوره كى درده  
 دولدورمازميدى ؟ اوسسلر قولاقلمده ايكن حيات نظر مده  
 ذوقندن ، نشئه سندن بويوك بر قسمنى غائب ايتزميدى ؟ بوقادار  
 تجربهلر كوردكن ، يوره كم سرتلشدكن صوكرا الا آن هيچدن  
 سبيلره كوكل كى غريبه شديكنى حس ايتيورمى يم ؟ الا آن اوراق  
 بر عارضه بنى حياتدن ايكره نديريور ، جانمندن بزدير ميورمى ؟  
 اوت ، محقق هيچدن سعادتلره دولو اولان حياتم عيني  
 زمانده هيچدن فلاكتلره ده دوپ دولودر ومعرفت بو ايكيلى  
 آراسنده بر موازنه حاصل ايدهرك كاه مسعود ، كاه غملى بو عجائب  
 عمرى صوكنه قادار سوروكله مكده در .



## چای بلاسی

مقاله نك عنوانه باقوب ده بنم چای علیهداری اولدیغمی ویا  
چایك اعصاب و بنیه اوزرنده کی تأثیرات و تخریباتندن بحث ایدجکمی  
ظن ایتمه ییکز . بالعکس چای مفتونلرندن بری ده بن ایم . فقط  
آلافرانغه پیشمش رنکسز و جاشنیشز چایه دکل ، سماورده دمله نمش  
قویو و قیزیل چایه بایلیرم ؛ همده کندی المله یاقی و اوقوامنه  
کلنجیه قادار قارشیدسنده قاینار صویک خو پوردیسنی دیکلیهرک  
یوتغو نمق شرطیه ...

سماوری قاینایان صیجاق بر اودا روحک اک فضله محرمیت ،  
صمیمیت و انکشافنی تأمین ایدن بر اودادر ؛ اوילה بر اوداده ،  
بوغولره کومولدیکم و فنجانک لذتنه قاووشدیغم زمان ناطقه م  
آچیلیر ، نشئم طاشار ، خوشکو ، ملتفت ، نیکین ، خلاصه  
آی بر آدام اولورم ، یاشامقدن ذوق دویارم ، الا دیشاید  
شپیردیلی ، پوصلی ویا فیرطینالی ، کسکین بر هوا وارسه ذوق  
بستون آرتار ، کیفمه پایان اولماز !

چای اهتمله پیشمرسه ، آغیر آغیر ، راحت راحت  
ایچیلمرسه هیچ بر قیمتی قالماز . چای بول البسه لر ایچنده ، راحت  
مندرلرده ، غایت لالابالی بر طرزده ایچیلیمک شرطیه دنیانک اک  
لذتلی ایچکیسیدر ، فقط صوی براق ، رنکی آتشین ، فجان  
بللور ، شکری آز ، رایحه سی خفیف اولمایدیر . مع الأسف ،

چای ایچن میلیونلرجه خلقدن پك آزی بواساسلره رعایت ایدر ،  
 چای پیشیرمکی بسیط کورده نلر آلدانیرلر و آلدانقلری ایچوندرکه  
 آبی چای ایچمکه موفق اولامازلر . صوینی ایللق برعادی پورسلن  
 ابریکه خاشالانیورمش اولان چای ، یعنی علی العموم ایچدیکمز  
 چای نه طعمسز ، نه فنا بر چایدر ؛ بونی چای نامه یوتانلره  
 آجیالی وچای کبی نفیس بر نسنهیی اوحاله صوقانلره ده قیزمالیدر .  
 کورویورسیکز آ ؛ چای بختنده اولدجه اختصاصم ، معلوماتم  
 و محبتم وار . اوحالده سرلوحه ده کی (چای بلاسی) ندن مقصدم نه در ؟  
 بنم بلاعد ایندیکم چای ، یوم معینده مدعوینه ویریلن چایدر ؛  
 یعنی چای ضیافتی ، چای کونی ، چای دعوتی !

( بر محله بقالنك مشاهداتی ) سلسله سنده بقال عطاالله  
 افندیك قومشوده کی چای ضیافتندن بحث ایتمه سی اوزرینه ایکی  
 احباب بکا قوشدیلر ، درد یاندیلر . بونلردن بریسی چای دعوتی  
 یاپان بر ذاتدی ؛ دیگرکی ایسه دعوته کیدن بر ذات . . .  
 برنجیسی دیدی که :

— حقیقهً بوبر بلا ! نرهدن بردفعه باشلامش بولوندق . . .  
 اوتارینخن بری حسابك ایکی اوجنی بر آرایه کتیرمك قابل دکل ؟  
 — نه دن ؟ اوقادار بهالی یه می مال اولویور ؟

— خاییر ، چای دعوتنك چایه متعلق قسمنده بویوك بر  
 مصرف یوق ! كهك ، پاسته ، شکرابه ، صاندویچ و تفرعاتی یکر می  
 لیرانك ایچنده . . . فقط هانی بر ( بالق تماتیله یه نیر ) حکایه سی  
 واردر ، آدامك بری یکی آلدیغی ایشکذار بر اوشاغه ؟ « آقشام  
 بالیق ایسترم ! » دیمش ده اوشاق کندی کندیسنه : « بالق

يالكز يه نمز ، شراب ايستر ، شراب اولنجه طاتلي ده لازم، طاتلي اولدقدن صوكرامسافرده چاغيرمالی ، مسافر كلنجه سازده بولوندورمالی ، فقط سازده چنكيسز اولماز !... « ديهه اوزون وقاريشيق بر حكم يوروش و بك آقشامه باقش كه اونده بر قينه كيجه سي قوروش ... ايسته بو ايشده اويله : چای ويرمه قالقيدشكمي اويتك هر طرفي يرنده اولمالی ، كوشه بوجاق بيله ايسينمالی ؛ خدمتچيلر ايسندن سه چيلمه لی . اوست باش ، قيق قيافت نقصانمز بولونمالی ... خانم افنديك بر هفته كيديكني او بر هفته كيجه سي جائز دكلدر ؛ بناءً عليه ترزيلرده حساب متصل قابارمالی ... بك افندي ايچون اويله در ، بر ژا كه تله ، ايكي وهستونله اداره ايديله مز ، آرا صيرا يكيه سي ايستر، ايسته بوتون بونلر بودجه يي تملندن صارصار ... يورغونلغی ده جابا ! هم ، اصل غريبي ، كلنلری ممنون ايتك ده قابل اولاميور ... هر كس ، هر هفته عادتاً كه جك دفعه يه كلييه جك كي كيديورلر ، فقط ينه كليورلر . بز ، اوصاحبلری ايسه هر دعوت آقشامی ، مسافرلری صاودقدن صوكرامسافره پريشان بر حالده قولتوقلره دوشويورز : « آرتق بو صوكنجی اولسون ! » ديورز . او كيجه بزده يورغونلقدن نه يمه ، نه ايچمه ... لكن هفته سسه ينه حاضر لانيور ، ينه او بلايه قاتلانيورز . نه ، انسان حالی ، بعضی هفته لر آی صوكنه اصابت ايديور ؛ برادر قرضاً پارا آلوب ينه چای دعوت مزدن كری قالمينورز ، بوكا نه ديرسك ؟

— الله عقللر ورسين ديرم !



او صوصدى ، اوتەكى باشلادى :

— يا چاى دعوتە كىتمەك جاى وىر مەكەن دىھامى آز كەلتى  
 ظن ايدىرىسىكەن؟ ... آكلا تەيىمەدە باق : معلوم آ ، بن اويىلە پەك  
 ھودوك ، پەك كور كوسىز بىر آدم دىگەن ، خېلى سالونلار ، ضيا قىلار ،  
 عالملىر كوردىم ، فقط بو بىزدەكى چاى دعوتىلارنى قادار مەناسىزىنى ،  
 مىشكانى ، طائىسىزىنى كورمەدەم . سەن كۈن بىر ئائىلە نىزاكەت بىخىدە  
 كۈنلەرنىدە دعوت ايتىدىلار . كىتمە مەكەننىم ايتىشىم ، نەدىلەسە قارمەدە  
 دورامادەم ، كىتىم . ئامان يارى ، ھەر طرف اودىر جە ايسىنىمىش ،  
 اويىلە بىر جەننەمە دۈشمەشكى كە كۈمەككە اوطۇرسەق تىلەپ جەكەك ...  
 بىر چوق طائىمادىگەن ذوات ، كىمى عىسكىر ، كىمى دۈققۇر ، كىمى  
 اجىنى ، كىمى يىلى ... اوصاحبەسى بوتۇن بوخلەقە ، بو اوتۇز  
 بىش درجە حرارتدە ، مەتەل پروانە كېي دۈللا شەرق چاى وىدەپ جەك  
 يەتەشدىرىيوردى . بىر آراق بىكادە بىر فەنجان اوزاتىدى ؛ آياقەدە  
 يېكە تەقدىم ايتەكلىرى بىر اھمىيەتلىك ذات ايلە كۈرۈشۈپ يوردىم ؛ ھەنوز  
 بىر يۈدۈم آلمامىشىم ، اۈمكە بىر طباق اوزاتىدىلار ، فەنجاننى سۈل  
 ئالەپ كىچىردىم ، صاغ ئالەپ — ھېچ سۈمەدىكەم ھالەدە — بىردانە ساندۇپ  
 آلدەم ، آلمەپەم مەجبۇر اولدىم ؛ دىر ھال اۈچىنچى بىر طباق داھا  
 اوزاتىدى : قىزاردىم ، اۈندۈدە آلدەم ... فقط نە مىشكانلەپە ...  
 ئالەم دۈب دۈلۈ ايدى . عەكسى كېي تام سىرتەدە صوبىا اصابەت  
 ايتەشدى ، قاينار فەنجانكە بوغۇسى ايسە يۈزىمى خاشلايوردى .  
 مەخاطىم نەدىيوردى ؛ آكلا يەجق ھالەدە دىكەمكە ... تام اۈشاندە  
 بوذات :

— كىرەمەم !

دیه بنی قزینه تقدیم ایتمه سینمی ؟ هانکی المی اوزاته جقدم ،  
 نه یاهه جق ، ناصل نزا کت کوستره جکدم ؟ فنجانجی قاطری کبی  
 یوکلای ، تری ، یورغون ، شاشغین بر حالده ایدم ، یرلره قادار  
 اکیلدم ، اطرافده فنجانمی اولسون قویه جق بریر آرادم .  
 بوتون ماصه لر سرسلای پوسلی اشیا ایله دوپ دولو ایدی . او یله ،  
 اوزاتیلان آله بون بون چاره سز باقهرق قاله قالدیم . تر دانه لری آله  
 دزیلوب دورویوردی ، مندیلی بیله چیقارامیوردیم . قاپیلردن  
 ایسه متادیاً یکی دعوتیلر برته وییه دولویوردی . بوغوله جق کبی  
 اولمشم ، تنفسم عارضه یه اوغرامشدی ؛ کندی می دیشا ریده  
 کسکین آيازك اورته سننده ، آلی بوش بولاق ایچون جیمده کنی ،  
 بوتون موجودیمی در حال فدا یه حاضر دم .

بو نه عذابلی بر اجتماعدی !

ذاتاً ساده بن دکل ، همان هر کس آشاغی یوقاری بو حالده  
 بولنیوردی . جعلی بر نزا کت ، بر آچ کوزلیلک ، بر اشتهالی  
 کورونمک آرزوسی ایچنده اوبورکی متصل ییورلر وصاچه صاپان  
 متادیاً قونوشویورلردی . کیملرله ، نه قراطده طانیشامدم ، نه  
 آداملرله نه معناسز صحبتلر ایتمه دم ، نه خانملرله نه مالایعنی مناقشه لره  
 کیریشمه دم ... خلاصه او یله بر صیقلمدم ، بونالدم ، بزدم که کندی می  
 سو قاعه دار آتدم . فقط بودرجه معذب اولمه مه رغماً دون  
 تکرارینه اورایه ، اوبلالی جای عوته کیتدم دیر سه مه نه دیر سک ؟  
 — الله عقللر ویرسین دیرم !



## اولمسه ایدی . . . نه اولوردی ؟

بيلم بوجهتی هیچ دوشونديکیز ، تفصلا تیه کوزیکیزک  
اوکندن کچیردیکیزی ؟ فرضا مشروطیت اولمسه ، اعلان ایدلمسه  
ایدی شیمدی نه اولور ، مملکت نه حالده بولونور ، رجال مشهوره  
حریت نه یاپار ، نه ایش کوروردی ؟

بوزوق ، رطوبتلی هوالرک قازانديرديغي بر کوکس نزله سیله  
اوچ کوندر پنجره مده اوطوروب خیالاته دالديغم ، خیالات ایله  
آوونديغم ، اکلنديکم صیرالرده بونی ، بوجهتی ده دوشوندم .  
اویله یا ، اوتوز اوچ سنه ظرفنده اولمایان برشی ، پک ممکندی که  
اون اوچ ییل داها اولمایا بیلسین . . ایشته اوزمان نیجه زمانه  
مشهورلری ، مشروطیت چیچکلیری داللرنده قورویوب قالمش  
بولنه جق ، بوکون معدوم ، مجهول اولان کیمسه لر ایسه بویوک  
مرتبه لر احراز ایدهرک عزت واقبال مسندلرنده سرافراز  
اوله جقدی !

بر قسم خلق :

— مشروطیت اعلان ایدلمسه ایدی نه بلغار اعلان استقلال  
ایدر ، نه اوو ستیریا بوسنه — هر سکی آلیر ، نه طرابلس ، بالقان  
محاربه لری چیقار ، نه ده حرب عمومی قوپاردی ... قباحه هپ  
مشروطیتده !

دیورلر . بر قسمی ایسه :

— حریت بوکا نه یاسین... باشمزه نه فالق کلیورسه هپ  
دور سابق بلاسیدر . دور سابق اوپله مضر تخملر اکمش ،  
هرایشی اوپله تلمندن چور و تمش ، برباد ایتش که بوکون نه یاسیسه  
اوکنه کچیه مز ، مملکت قورتولاماز . قباحه هپ استبداده !  
ادعاسنده ... برنجی ادعاده اولانلر اولاد استبداددر ؛ اسکی  
دورک رجالی ، او آتیه ، آراهسیله ، پرر فاه یاشایوب دهرک  
سنه لرحه ذوقی سوردهن معروف شخصیتلری البته بویله دیر ،  
بویله دوشونورلر . ایکنجی قسم اخوان مشروطیتدر ؛ دور  
سابق بیرتیق پانطالون ویاغلی فسله کچیردکن صوکر احریتله  
برابر ثروته ، سامانه قونان و کورمدیکنی کورن شبان وطندن  
ایسه باشقه ندرلو فکر بکله نیر ؟ بکا کلنجه ، بن ایکی دوردهده  
ایکیمی اورته سی کیتدیکم جهته نه حریت ( قهر اولسون ! ) نه ده  
استبداده ( بیکلریاشاسین ! ) دیورم ؛ ( اللهجه مزی ، هر دورلو  
دورلرده اصلاح آیه سین ) دیوب کچیورم .

کله م موضوعمه :

أوت ، یا اولماسه ، اعلان ایدیسه ایدی شیمدی مملکت ورجال  
زمانه نه یاپار ، نه موقعده بولونوردی ؟ فرض ایدم که بوکون دور  
حریتک برکونی دکلده دورسابقدن برکون والکزدکه کی غزته  
نسخه سی ده ( صباح ) ک حریت مطبوعاته نائل اولدینی مسعود  
نسخه لرندن بری دکلده بر مطلقیت نسخه سی ... باش مقاله برینه  
ایلك ستونده بر ( توجیهات رسمیه ) قسمی ... آلتنده ( نشان ) ...  
داها صوکراده ( تبلیغات رسمیه ) ... ایسته بو اوچ قسمه ،  
آشاغیلی یوقاریلی کوز کزدیردرک — غایت کسیدیره بر طریق ایله —

رجال مشروطيتك شايد حریت اعلان ايد يسه ايدى نروده نه موقعده  
ونه حالده بولند قلربنى او كرشمش اولاجغز :

« ايفای وظیفه خصوصنده مساعی حیتمندانه سی مشهود  
اولان سالانيك فيضيہ مكتي معلملرندن رفعتلو محمد جاويد افندی یه  
ترفیعاً رتبہ ثالثہ ... » اما يادیکزها ؟ می دیه جکسکر ...  
دیمه ییکز ، آمین اولیکز که معلم محمد جاويد افندی شايد بریولنی  
بولوبده سرايه چاتناماش ایسه محقق بویله اوله جق ، ولایات  
ثلثه مفتش عمومیسى حسین حلمی پاشانك انہاسیله ایشته بورتبه یه  
ایر مش بولنه جقدی . آرتق اوزمان پارسده کی ( موریس ) اوتلنك  
دائرہ مخصوصه سنی ، آداده کی آرابه سك كوشكك تراچه سنی ،  
چك دفترینی ، حتی ، حتی آلتون ساعت قوردوننی رؤیاسنده  
کوروردی ... یا جاهد بك ؟ باقلم غزته اونك حقنده نه دیور :  
« وفا سلطانسی مدیرینه معاونلکنده بولنان عزتلو حسین جاهد  
بكك تعینى خبر آلمشدر » ظن ایدرم که اون اوچ سنه ده بر معاونك  
مدیریت حقیدر ؛ بيك آلتی یوز اللى بش بحق غروشله واقع  
اولان شو تر فیع ایسه جاهد بکی سه ويخندن زیپ زیپ صیچراشمش :  
— رفاهه ايردك !

دیه قنیه سنده هوپ هوپ هوپلا تمشدر . صیرا سرویلرده کی  
طونج قابیلی و آینه قابیلی قوناغی خاطرندن کچیر مزدی یا ... بزینه  
غزته یه باقلم ، آ ... بوده کیم :

« پارسده زراعت تحصیل ایتش اولان آیدین زراعت مفتشی عزتلو  
خلیل بکه ترتیب ایلدیکی ( رهبر زراعت ) نام کتاب فوائد نصا بدن  
دولایى تبدیلاً دردنجی رتبه دن عثمانی نشان عالیسی ... » جانم ،



خليل بكي طايخادىكى-زىمى ؟ هانى شيشمانجه خليل بك ، خارجيه  
ناظرى خليل بك ، محاس مبعوثان رئيسى خليل بك ... حرب  
عموميده كرسى اوزرندن :  
— غالب كله جكنز !

دييه باربار باغيران خليل بك ... ايشته او ! برده قسم عسكرى يه  
كوز كزديرلم :

« تعقيب اشقيا خصوصنده حسن خدمتى مسبوق اولان  
مناسترده آرامساز سكرتېرى فرقه نك دردنجى آلاينه منسوب  
قول آغاسى رفعتلو نيازى افندي نك بر درجه ترفيع رتبه سى ... »  
عجبا بونيازى افندى يى قاچ كيشى طانيردى ، بو ترفيعه كيم اهميت  
ويرر ، كيم اوقوردى ... ايشته اوقيلدن بردانه داها :

« اركان حربيه بيكباشيسى انور بن احمد افندى يه خدمات  
حسنه سنه بناءً آلتون لياقت ... » انور بك زرده ، باش قوماندان وكيلى  
انور پاشا زرده ؟ ... يا جمال پاشا نه عالمده اولوردى ديرسيكيز ،  
اونك ايچونده جزا فصلنه مراجعت ايدلم ، هپ مكافات اولماز آ :  
« قطعه عسكريه سندن فرار وارباب فسده يه التحاق جرملي يله

مظنون اوله رق ديوان حرب عسكريجه محاكمه لرى اجرا ايديلن  
بيكباشى جمال وكمال افندي لرك حائز بولند قلى بالعموم رتبه و نشان لرك  
رفعى ... الخ ... » جمال افندى يى آكلادق ، شوبيلديكميز جمال  
پاشا فقط اوفسده يه التحاق ايدن كمال افندى ده كيم ؟ كيم اوله حق ،  
هانى نامى دنيا لرى طوتان آنادولى قهرمانى مصطفى كمال پاشا  
يوقى ، ايشته او ! مشروطيت اعلان ايديله مش اولسه يدى ،  
دوشونيكيز ، مملكت بويله برقه رماندنده محروم اوله جقدى ...

خوش ، اولاجقدی اما یونان ده از میره چیقمش و آقره اوزرینه  
یورومش اولمایه جقدی !

ینه ( توجہات ملکیہ ) ستونہ عودت ایدہلم :  
« العجوز قائمقاملغنه خصمنصور قائمقام سابق رفعتلو بکر  
سامی افندی ، البصان لواسی تحریرات مدیریته العجوز قائمقامی  
رفعتلو لطفی فکری بک تعین بویورلمشدر . »  
دیگر بر خبر :

« صبحی پاشازاده حمدالله بک بلا امتحان دارالفنون طلبہ لکنہ  
قید و قبولی . . . » معلوم یا ، اودورده بر قسم کبار و رجال  
مخادیمی دخول امتحانلرینه کیرمہ دن بارادۂ عالی مکتبلره قید  
اولنہ بیلیرلردی . حمدالله صبحی ده اون اوچ سنہ قادار تحصیلسز  
کز دکن و برقاچ دفعہ لیر کیردیکی حالده دخول امتحانی بردرلو  
ویرمکہ موفق اولامادقدنصو کرا نہایت بووسیله ایله عرفان یولنہ  
کیرمش اولاجقدی دیمکدر . الله ذهن آچیقلمی ویرسین ! باقلم  
داہا نہ توجہلر وار :

« لاهی سفارتخانہ سی ایکسجی کاتبی عزتلو علی کمال بک بوئنوس  
آیرس باش شہبندر لکنہ تعین ایدلمشدر . » حق سلامترو ویرسین ،  
بویله اولسہ ایدی ہر حالده حیاتی داہا راحت ، داہا آسودہ  
کچیرمش اولوردی . . . عجبا بن نہ اولوردم ؟ نہ اولاجنم مالیہ مرکز  
قلمندہ تدریجاً ترفیع ایدر و نہایت قوپون او طہ سی میز لکنہ ایرردم ،  
برده نشان آلیردم :

« مالیہ نظارتی قوپون ماصہ سی میزی عزتلو رفیق خالد بک  
مشہود اولان اقدام وغیرتہ بناءً اوچنجی رتبہ دن برقطعه مجیدی

نشان دیشانی احسان بویورماشدر . « آه ، کاشکه بویله اولسه ایدی ... بن اویله اولسه ایدمه مملکت بویله اولماسه ایدی ... پولیس مدیری بدری نه حالده بولونوردی دییه تخمین ایدرسیکیز؟ اوقویالم : « ضبطیه نظارتی هیئت تحقیقه رئیس سعادتلو بدری بک افندی حضر تلیینه ترفیعاً رتبه اولی صنف اولی ... » البته ، نه ظن ایتدیکز ، بعضیمی ده نبضه کوره شربت ویرر ، صاحبه کوره کیشنر ، یوانی بولور ، کندینی قورتاریر ... اویله لری ایچون دور مسئله سی موضوع بحث اولاماز : مثلاً ، ایشته ، نجم الدین منلا ... محقق اوزمانده ده نظارته ، ثروته نائل اولوردی . مع مافیه بنم بوتوجیهات ستونمک ایکی دوریه ده اویان تعیینلری واردر ، مثلاً : « داخلیه ناظری رشید ممتاز پاشا حضر تلی « دیدکمی دورا ستبداده ده یاقیشیر ، دور حریت ده ... انسانلرک اویله طالعیلری ده اولویور ، انسان غزته ستوننه باقدیمی اون اوچیل اولیسنی می ، یوقسه بوکونیمی اوقویور ، فرق ایدمه میور .

سزه برحوادث داها :

« سنتجی باشی دوقتور میرلوا رضا پاشایه اهلیت و مهارته بناءً آلتون امتیاز ... »

بوده کیم ؟ دیورسیکیز ... طانمادیکز می جاتم ... بزم رضا نوربک ! ( فن ختان ) نامیله یازدینی کتاب اوزمان سرایه قدار تقدیم اولمش و حریت پرور دوقتور استقبال قاپیسنی آچشدی . عکسی کیمی دییه می ، بیلم ، مشروطیت یه تیشدی و بوراحت ، صاغلام پلانی آلت اوست ایتدی . فی الواقع مشارالیه آنقرده معارف و کالته قدار چیقدی اما هر حالده اسکی دورک سنتجی

باشيلغنی بوکابیک کره ترجیح ایدردی ! عجبا اوبر دوقتورلریمز ،  
هانی یکی دورک کوکله چیقاردیغی ، مسندله کچیردیکی ، باش  
تاجی ایتدیکی اطباء سیاسته من نهلر اولورلردی؟ شویله برشیلر :  
« کرده بلدییه طبیی عدنان بکله طاش کوپرو بلدییه طبیی  
رشید افندیك بجایشلری اجرا اولمشدر . »

طانیدیکز آ... عدنان بک بویوک ملت مجلسی رئیس ثانسی  
اولان ذات ... رشید افندی ده آنقره والیسی زواللی متحر  
رشید بک !

ایشته بومنوال اوزره عقلکزدن باقی قالانلری ده سز ، بر  
بر کچیریکز ؛ برمدت اکنمش ، وقت کچیرمش اولورسیکز...  
بن سزه یولانی اوکرتدم آ ، اوتیه سی ذکا کزه ، خولیا کزک  
وسعتنه قالیر ! ..



## حرمت کوردنلر

کیم نه دیرسه دیسین ، عکسنی ، سویله سین ، بن شونی ادعا اییدیورم : انسانلر آراسنده قاتلرک همان همان دائماً بر موقع مخصوصی ، ممتاز ومستثنای بر موقعی واردر ! سکن کون ، ایش ایچون ، بر چایخانه یه کیرمشدم ، محله مختاریله قونوشورکن ایچری ایری بر آدام کیردی ؛ مشتریلرک یاریسی برای استقبال و برای تعظیم آياغه قالدیلر و « بویوروک ، بزم ماصه یه ، الله عشقنه ! » دییه سسله ندیلر ، یالواردیلر ، اصرار ایتدیلر . اوکال عظمتله ، مرحبالر یاغدی ره رق ، یورودی ، باش کوشه ده کندیسنه کوستریلن یره کچدی ، قورولدی ؛ شیمدی هر طرفه :  
— ناصلسک چلبی ؟ کیفلر یرنده می اولاد ؟ اینجیرلر بیتدی

حاجی افندی ؟

کبی بعض التفاتلرده ، خوشه کیده جک استفسارلرده بولونویور و « الله عمرلر ویرسین ، ای یز ... ، « دعا حاجی یز ؟ » سزک ایچون بر آغاج آیردم ! » کبی مقابلهلر کورویوردی . نه قادر اهمیتلی ، نه مهم ، محله لی نزدنده نه سوکیلی و نه محترم بر ذاتدی ... مراق ایتدم ، مختاره صوردم :  
— کیمدر بوکلن ؟ دیدم ... او ، طانیمدیغمه حیرت ایدهرک ، اصولجه قولاغمه اکیلدی :



— بيلمیور میسکز ، دیدی قاتل کنعان بك ... مشهور  
قاتل کنعان بك بو ذاتدر !

قاتل کنعان بکمی ؟ قاتل ، هم بك ، هم مشهور ، هم ده  
ذات ... شو لقب ، شو عنوان ، شو حرمت و شو حال قارشیننده  
ذهنمه بر دور غونلق چو کدی ، دیلم طو تولدی ، جمعیت بشریه نك  
تفسخنه ، فکرتك دیدیکی کبی :

بردن بره برتابش برکانله ایناندم !

کل ده بودلیل ، بوشهود ، بو حقیقت و بو علامات قارشیننده  
اینانما ! ... قاتل کنعان بکی اسماً ، شهرتاً بنده طانیردم .  
خلاصه حیاتی ، یعنی سرمایه شهرتی شونلر : یکر می یاشنده ایکن  
برکنچ مکتبلی یی ، مذموم بر مقصد او غورنده ایکی به بولمش ...  
فقط قناعت حاصل اولامیهرق برائت ایتمش ! یکر می دردنده  
ایکن بر آرقداشنی وورمش ... فقط مسئله مدافعه نفس شکیلنه  
دو کولهرك عدم مسئولیتنی انتاج ایله مش ؛ اوتوزنده قاریسنی  
ئولدورمش ... اتحار عد اولنهرق یینه قورتولمش ، توقیفخانه دن  
چیقدیغلك ار تسی کونی ، علیهنده شهادت ایدن بر اختیارك یوره کنه  
برخنجر صاپلامش ... مؤبد حبسه محکوم اولمش ، فقط مشروطیتده کی  
عفو عمومیده قورتولمش ... اوتوز برمارتده یینه آدام وورمش ،  
لیکن ووردقلری مرتجع وعاصی اولدقلری جهته مع التقدر یینه  
برائت ایله مش ... شیمدیلك بو قدار ... یعنی آلتی جانه قییمش ،  
طوپي طوپي آلتی باش یمش ! چایخانه خلقی ایشته بو ذاتی ، همده  
قاتل صفتی اضافه ایددایده آلتیشلا یورلر ، آغیر لاق ایچون  
خاکی ای اولویورلر ، کمال حرمت و فرط محبتدن پایلاشامیورلردی !

بونك اوزرينه نه ديهيم ، نه سويليهيم ، «ان الله مع الصابرين ...»  
دن باشقه ...

(اتحاد و ترقی) يي مدح و ثنا ايدن بر اذعان سر مخلوق محمود  
شوكت پاشا وقعه سندن اول بکا ديمشدي که :

— جانم ، بويله سزکي کي فرقه مي اولور ؟ هاني آلي  
سلاحلي ، قانلي قاتل ، جسور ، يکيت فداييلر ؟ باق اتحاد جيلره ...  
ايچلرنده نه کوزي پک آداملر وار ، براو کسور وک ايچون اورته يه  
بش لش سهر يورلر ؛ عندلرنده انسانک سينک قادار دکري  
يوق ! جمعيت بونلري قوش سوتيله بسله يور ، باش تاجي ايد يور ،  
هاني حسمن پهلوان واردر ، شو بر زمان سر خوش لقله صاري  
يارده آلتی کيشي يي وورمشدي . . . دايي محمدي تولدورن  
حسمن ...

— نه ي ؟

— ايشته اونى کنديلرينه بر بند ايتديلر که ... کچن کون  
مسرت قرايخانه سنده قولانمله ايشتدم ، « طلعت بکا برهايدي  
ديسين ، بابامي وورورم ! » ديوردی ؛ کيجه کوندوز ياننده ...  
بر سفرده ييک يورلر مش ! صوکر ا سرفيچه لي شكري ، قنديره لي  
عثمان ، پوماق علي ، اون ايکيلردن يوسف بک ... صفا پاشاي  
ووران يوسف ...

— اوت ... بيلدم !

— بوتون بونلر مرکز عموميدن آيريلايورلر ... سزده  
ايسه هپ چيت قيريلدم ، نه فتايه تا بر سور و تيريا کيلر !

بونی سویله یڼ عرفانسز آدام ، محمود شوکت پاشا حادثه سی  
آقشامی بکا راست کلدی :

— براووبه ، دیدی ، اما سه چه فدا ئیلر یکنز وارمش ، ایشه  
فرقه دیدیکک بویله اولور ، کوزیمه کیردیکز ! بونک اوزرینه  
نده نیر ، نه سویله نیر « لاحول ... » چکمکدن باشقه ...

سینوبده قهوه جی یورکی ، بر خراب قاییق قابورغه سی  
اوستنده جیغاره می یاقش ، ساحلدن غروبی سیر ایدرکن یانمه کلدی :  
— آقشاملر خیر اولسون پاشام ، دیدی ، ینه بوکون  
منقیلر کلش ...

— اوت ، اویله دیورلر عجبا کیملر مش ؟  
— چوق بویوک آداملر وارمش اما زورلی ، قییاق آداملر !  
بن ظن ایتدم که ینه اصحاب مسنددن ، صاحب رتبه ، اصیل  
بر قاچ ذات داها کونده ریش ... حالبوکه اویله دکلش :  
— بری دیدیلر اما آدی خاطر مده قالمادی ، مصطفی ایمش ،  
یوق احمد ، بر پهلوان اما . . . وقتیاه از میرده اشقیای ایمش ،  
اوتوز ، قرق آدام ئولدورمش ، قییاق بر آدام !  
— یا ! ...

ایشته بواسکی حیدود منافسانده هیمز دن فضله ، قیدینی جان  
نسبتنده حرمت کوردی ، پولیسلر سلامنه دوردی ، ژاندارملر  
خدمتنه قوشدی ، مسلمان محله سنده کی بربر ، اودکانک اوکندن  
چکرکن آغزی قولاق لرنده ، اوسطورده ی یوزمندن چکدی ،  
بکا دیدی که :

— شو کیدن پوص بيقلى بي دون کيجه قهووده اکلا ديورلردى،  
آت اوستنده قوشارکن يومورطه يي وورورمش ، بوکونه قادار  
کيمي ئولدورديسه قورشونى هپ يوره کندن ايشله تمش ، اما  
زورلو آدام ها ! بربرك آئنده اوسطورا فرط تقدير دن عادتا  
تتريوردى ، بنده حريف هيچانه کلوبده غير تلاغمى کسدير مه سين  
ديسه تتريوردم ، برمدت ايکيمزده سکونت کلنجيه قادار ،  
ديکله ندک ! بونک اوزرينه نه ديه بيلير ، نه سويله بيليردم ،  
« آمان اللهم ... » ديمکدن غيرى ...

آنادولينک کوبکنده برقصه ده بازار يريغى دولاشيوردم ...  
مأمورين دولت ، پوليس قوميسرندن محکمه رئيسنه قادار هپ  
بر صاتيچينک اوکنده بيریکمشلر ، هپسى اوندن آليش ويريş  
ايدiyorلردى ؛ همده نزاکت ، نه حرمت ابراز ايدهرک ... فضلى  
چاووش آشاغى ، فضلى چاووش يوقارى ! فضلى چاووش ايسه  
— صيريم کي ديك ، اوزون ضعيف برکويلى — کمال عظمتله اوطورمش ،  
اوکنده ياغ قابلى آئنده ترازى ، آغير آغير ايشنه باقيور ،  
مشتريسنه عادتا ترس ، لغت معاملهلر ايدiyorلردى . مراقى  
جلب ايتدى . مملکتى اسکيدن طانيان بر استانبوللى يه صوردم :  
— بوفخلى چاووشده کيم ؟ ديدم .

— ها ، ديدى ، بورانک على قيران باش کسى ... يامان ،  
مدهش بر حيدود ... اشقيالغنده اوتوز جاندارمه ئولدورمش ،  
سنه لرجه آله کچمه مش ، شيمدى استيان ايتمش ، نه دنسه ،  
قورقودنمى ، حرمتدنمى ، هرکس ترجيحا اوندن آليش ويريş

ایدر ، حتی جاندارمه بلوکنک متعهدي اودر ، حکومت دأړه سته  
 اودونی ، کرموری ده اوویرر ؛ چوق پارا یاپدی ! بونک اوزرینه  
 بکا آرتق نه سوزدوشردی ، نه سویلیه بیلیردم ، « ومن الغرائب ! »  
 دیمکدن غیری ...

خالده ادیب خانم چرکس ادهم ایچون :

— قهرمان ادهم ! دیوردی ... او ادهم که مال ، عرض ،  
 ملیت دشمنی بایاغی بر حیدوددن باشقه برشی دکلدی . بر مخالفده  
 طانیدم که آنزاووره قدسی بر قدرت اضافه ایده جک مرتبه ده  
 طرفدارلق اییدیوردی ، حالبوکه اونک ده خونخوار بر آلت  
 اولمقدن غیری مزیتی یوقدی .

برزمانلر چاقرجه لی برغازی عثمان پاشادن دها نامداردی ؛  
 قاباجقی مصطفای ایسه خلق صوقولیدن دها فاضله طانیروبکه نیر ؛  
 اکثریت بر ( نامق کمال ) اولمغه بر ( چرکس حسن ) اولمغی  
 ترجیح ایدر ؛ اتحادجی محافلنده بر ( محمدچه ) هر حالده بر ( امرالله )  
 افندیدن دها شایان حرمت کورولوردی وبوکون کرامت ابراز  
 ایتک قابلیتنده بری چیقسه ده جمعیه سورسه :

— سزه کیمی تکرار جانلاندیریم : مصطفی نجیبی می ،  
 یوقسه مانیاسی زاده نی می ؟

دیهه محقق :

— مصطفی نجیبی !

جوانی آلیردی ، زیرا ضیا کولک آلپک ناظم پاشا قتلنی اشارت .  
 ایدرک دیدیکی کبی ، اوانقلابک :



اولدی ایلک غازیسی وایلک شهیدی !

ایش ، مهم جهت ، اصل مسئله ووروجی اولمقده ، یاییجی اولمقده دکل ! مقاله نك باشنده سویله دیکم چایخانه یه شاید نیجه بناء اللهی بلا سبب ییقان قاتل کنعان بك یرینه سلیمانیه جامعنی یاپان معمار سنان کیرسه ایدی هر حالده او حرمتی بولماز والبتہ ایچمزدن اوکا بر معارض چیقہرق هیچ اولمازسه :

— های مرتکب های ، جامع پاراسندن نه لر آشیرمشکدر !

دیمه دن دورمازدی !

بونلر اوزرینه آرتق نه علاوه ایدیه ، « الله جمله مزی اصلاح

ایتسین » دعا سندن غیری ...



## جانلی وثیقه‌لر

نه‌جاله کلدک فرقنده دکاز !

فی الواقع حسب حال آراسنده : - بیتدک ! محو اولدق! دییه  
سویله نیورز ، چیتماز بر سوقاغه دوشدیکمزی آکلایورز ،  
ئوزولویورز ، ازیلیورز، لکن حالا ظن ایدیورزکه بر فلا کته  
کیرمک اوزره یز ، کیردیکمزک ویاریسندن فضلہ سنی کچدیکمزک  
فرقنده اولمایورز . دیورزکه :

— هی قوجه روسیه هی ! دونکی غراندوقلر ، پرنس‌لر  
وجنراللر بوکون بر دیلم اکمک ایچون بر برینک کوزینی اوویور  
و آچلقدن ئولویور . شاشیله‌جق ، آجینه‌جق حال !  
اوت ، شاشیله‌جق و آجینه‌جق حال ! فقط کندی حالمزی  
تسل یولنه صاپمەدن مرحمتسزجه تدقیق ایتدیکمزوبر کچیداوزرنده  
دورروب طانیدقلریمزک حرب عمومیدن بری ناصل بر تحوله  
اوغرادقلرینه باقدیغمز وارمی ؟ روسیه ایله فرقز بر سرعت وزمان  
فرق ... اوراسی بزدن داها چابوق ، چارچابوق ، آنی برضربه  
برقاصیرغه ایله ده کیشیویردی ، کوزینی بر قاپادی ، بر آجدی ،  
باقدی که طانینه‌جق حالی قالمش ... بز ایسه ایچیمزه ایشلهیه  
ایشلهیه ، یوره‌کزی آهسته آتشد قاوورا قاوورا ، آغیر ، فقط  
منتظم برده‌طرزده دکیشیور ، اختیارلار کی سنه‌بسنه بر آزداها

دوشه رك كيتدكه ضعه ، فقره ، سفالته كير يورز . بوكيديشاه  
آخر عمر يمز پك كچيكه جكه بگزده يور !

بو حقيقتي چن كون پك ياقيندن ، چوق جانلي ، چوق صا غلام  
مثالر و وثيقه لرله ، عادتا بر سينه ما پرده سنده سير ايدر كي آپ  
آچيق كوردم وشو حكمي ويردم :

— بته جكر ديهه قورقويورز ، حاله كه چوقدن ياري  
ياري يه يتيميشز !

قاضي كوي واپورينه يانا شير يانا شاهز يينمش واسكه دن كيره نلري  
تا قارشيدن كوره جك بريره او طور مشدم . المده غزته و كتاب  
يوقدي ، ذاتا اولسه ده او قويه جق حالده دكلم ؛ كوزلر مده  
يورغونلق ، باشمده آغيرلق دويويوردم .  
— اُك ايسى يولجى لري سير ايدرم !

ديدم و جى غاره مي ياقدم ، تماشا يه قويولدم . برطانيديق  
سو كدي ، اللى بشلك بر ذات ... اون سنه ايچنده نه قادارده كيشمش ،  
نه طانماز بر حاله كير مشدى ... ائنده تورمه بر ارزاق كيسه سي ،  
صير تنده بوللق زماننده آرتة قالمش بر رده لغوت ، بويوننده يوموشاق  
ياقا و باشنده كيرلى برفس ، كوموش صاپلى يادكار باستوتنى قاقه رق ،  
بز كن و دوشونجه لي ، كليوردى . او كا عرفان بك ديرلردى ،  
ظريف ، وقور ، خوش صحبت بر آدمدي ، ا كثر يا فن رده چيفت  
آتلى قوپه سنده كبارانه كزركن و واپورلرده او كي ايسكلى پاردده سوسي  
صير تنده ، اوشاغى آردنده آغير آغير ، متبسم و ملتفت مأمور يتنه  
كيدر كن ويا دوزركن راست كليردم . نه سا كن ، نه قيغوسزونه  
كبار بر حيات كچيرردى ... بلليدي كه و ارداتى مصر فنه او يدور مش ،

عائله سنك رفاڼی تامین ایتمش ، کوچوچك ذوقلرینی ده داخل حساب ایدهرک بورجسز ، دوشونجهسز ، دردلردن اوزاق ، پر حضور یاشایوردی . اونی ، اوترتیز کینن ، او وقارینی بر آن ترك ایتمین ، عظمتله مترادف بر نزاكت ایچنده تپه دن طیرناغه قادار کبارانه عمر سورن بوزاتی برکون ، برقیصه مدت صوکره ، آرقه سنده کی اوشاغندن داهار برباد ، داهاشرفسز بر حالده ، صیرتنده لیمه لیمه البسلر ، ایکنجی موقعه دوغرو ایتیشه قاقیشه کیدرکن کوره جکسی عقلمدن کچیره مزدم . شیمدی سالاملا شیرکن بیچاره نك حالنده بر محجوبیت ، بنی کورمه مزالکدن کلک آرزوسی حس ایدیوردم ویان یانه تصادف ایدرسهك :

— ناصیلسیکنز افندم ، ایسیکنز ان شاء الله !

دیمکدن ، حال وخاطر صورمقدن چه کینیور ، نزاكه استفسار خاطر دن واز کچیوردم . بو آدم ، شووضعیتله ، اودونج پارا بوناق ، بورج ویره بیلیمك ، اکمکنی تدارك ایده بیلیمك مشکلاتی ایچنده یاری یاریه ، حتی یاریدن فضایه سی بیتمش دکلیدی ؟ آرقه سنندن ایکنجی بر طانیق سوکدی . بر مکتب آرقدا - شم ... کوزتپه ده بر محله مکتبته کیدردم ، آدی ده عوام لساننده طاش مکتب ایدی ، اورایه کلیردی ، فقط نه کلش ؟ بر میدیلاییه بیز ، لالاسی یاننده ، ناز ونعیمه مستغرق ، خواجه لرك التفاتلریله قارشولنه رق کوچوک بر شهزاده کی ... جینیدن هر زمان بزی حیرتله ، غبطه لره دوشورن اوفاق تنك شیلر ، مرکبلی قلملر ، لاوانطه صیقه جق قو طولر ، بویا طاقلری چیقارر ، هوا بر آز سرین ویا یاغمو رلی اولسه اونده قالیر ، خواجه آیاغنه کیدر وبر

آز باشی آغزیه آراهه بولدورولور وهان کری کونده ریلیردی .  
 بر آزاها بویونجه بیسیقلتمده کز رکن ، داهای صوگرا سواریلک  
 ایدرکن کوروردم . بر آراق کوزدن غائب ایتدم . متارکهی متعاقبده  
 قارشیلادق : قارا قیشده ، صرتمده جاکت ، لاستیک یاقالی  
 وایپ بویون باغیسيله ، زیب چیقدی بر حالدده ... آغزی بورام  
 بورام اسپرطو قر قویور و کوزلری جام کبی پارلایوردی . ایشته  
 بوکن اوایدی ، غالباً صیتمهلر ایچنده تیره یوردی که بو آچیق  
 و کونشلی صوگه بهار هواسنه رغماً هاوی در کولر پالطویه صاریمش ،  
 صاپ صاری اويله کزییوردی . آرتق بوکنجک بیتمه مش  
 نه سی قالمشدی که ...

اوچنجی طانیدق بر مشروطیت زنکیفی اولدی . بر آراقدی ،  
 بو آدم آروج آووج لیرا صرف ایدردی ؛ دنیا یه متالک ویر مزدی ،  
 کولدیکی زمان قهقهه سی طاوانلری ایکله تیر ، اطرافی تحقیر ایدر کبی  
 بر معنا یله برونی ثوتدور درک سیلدیکی وقت قولاق لری میز چیملا تیردی ؛  
 بوغاز ایچنده مکلف بر یالی صاتین آلمش ، عمرینی ضیافتلر  
 و سیاحتلرله کیری یوردی ، اوکباقد قهقهه ظن ایدر درک که آرتق دوشمه سی ،  
 قالماسی اولیه حق ، حیانتک صوکنه قادار بویله ، رفاه ، بولاق ،  
 ثروت و سامان ایچنده یاشایه جقدی ... مکرسه بولدیغنی ییر ،  
 قازاندیغنی توکه تیرمش ؛ ایشلر دورونجه ، دیونه مستغرق ،  
 افلاس ایدی یوردی . شیمدی بش ، اون لیرا ایله زور زورینه  
 کچینور و اوقهقهه لرله بورون سیلمهلر یینه کوتو کوتو اوکسورور .  
 یور ! زوالینک آلر طوتار طرفی قالمشدی ...

دردنجی طانیدق بکا حیاتمک اک کوزل دورلرندن برینی

خاطر لاتدی ، فتر باغچه سینه تنها کونلرده داداندیغ برکنجلاک ،  
 عادتا چوجوقلق دوری ... ایشه بودردنجی طانیدیغ اوراده  
 کوروردم ، آت مراقلسیدی ، اوچ ، درت چیفت آرابه بارگیری  
 ومتمعد آرابه لری واردی ، توزی دومانه قاتدرق اوزاقدن بر  
 سوکون ایدر ، بر دوزر ، بردورور ، بر آتلاز ، بر بیزردی که  
 سیری خلقه اکلنجه اولوردی . عمری اوراده ، آت ، آرابه  
 قوشدورمقله میراث یدبجه چکردی . صانکه فتر باغچه اونک  
 مالکانه سی ، باسند خاقانی مالی ، ملکی ایدی . حدینه می کیمسه  
 کدرکهنده دورسون ، قوشوسنه آنکل اولسون ... وورور ،  
 قیرار ، چکردی ، بوسبدن بوتون کیرا آرابه لری صاغه صوله  
 قاجیشیرلر ، بوتورهدی یه یوللری سربست بیراقریردی . کوزل ،  
 دینج بر دلیقانی ایدی ده ... خاملرک کوزی بوزنسکین ویاقیشیقلی  
 آت جانبازینک اوزرنده قالیر ، خلاصه فتر باغچه اونک حکمنه  
 رام اولوردی . ایشه شیمدی قولتوغنک آلتنده بر اوتوموبیل  
 بوروسی ، آیاغنده چیزمه لر ، صیرتنده شو فورجا کتی ، کان  
 او ایدی ... سزائی بک افندی بر اجنبی صخیه بلوکنده قامیون  
 قوللانیوردی و تسادفه باقیکز که اوبولوک فتر باغچه ده چادر قورمشدی !  
 بن بواسکی خاطراته دالمشکن کوزوم برخامه ایلشیدی ...  
 عجبا اومی ایدی ، بنم دبدبه وشه شه سینه شاهد اولدیغ دردانه  
 خانم افندی ؟ داهایدی ، سکز سنه اول ارن کوی استاسیوننه  
 ترهندن بر اینیشنی خاطر لایورم ... یاننده کھیا قادینی ، باشی دیه  
 دیک ، یورویشی وقور ، شریله کوروندیمی اوکندن ایستر  
 ایسته مز چکیلیر ، یول آچاردق ... کوزللمکنی شایان حیرت بر



درجدهده محافظه ایدن بواولدجه ياشلى خانمك شهرتى قولاقلىرى  
 دولدوروردى ؛ اسراف وسفاهتنه رغماً پاراسنى بىتميه جك قادار  
 چوق ظن ايدرك. مكرسه بىترمش ، بىتمش... اويله چوكمش ،  
 اويله چكىن برحاله دوشمش وقياقتى اويله فقيرله شمشدى كه برزمانلر  
 اوكنده يول آچديغمز بچاره قادىنى شىمدى خلق ازهرك ،  
 ايتهرك يورويور وكمسه آرتق لاقيرديسنى ايتيوردى . بشنجى  
 طانيدقده بو اولدى !

اونلرك آرقه سندن حال ووضعتلرني محافظه ايتمهك چالیشان  
 بيلدكلم كليوردى . دوشكونلكارى هنوز داها فرق ايديله جك  
 درجه يه كله مكله برابر خيريمز واردى كه ايشته شو او كده كي كوشكنى  
 رهن ايتمشدى ، كله جك سنه اونى صاتوب كيرا اولرينه دوشه .  
 جكدى... ديكري ايرادينك صوك پارچه سنى ييوردى ، كيزلیدن  
 كيزلى يه اوينك اوست قاتنى بوشالتمش ، فضله اشيا وخاليلرينى  
 صاتمىدى... اوبرى ايسه بدلنه طمعاً جانم كوشكنى كيرايه ويرمش ،  
 چوقور بر سمتده دار بر اوه چكيلمشدى . سمنه لر واردى كه  
 صيرتلى يكي برر البسه كورميور ، حساب لافندن باشلىرى  
 قورتولميوردى ؛ ايچين ايچين يه نيورلر ، آرييورلردى . بو قافله  
 آراسنده فى الواقع هنوز يوقلغه دوشمه مش ، مضايته نك آجيسنى  
 طتاماش ، بويوك بر تحوله اوغرامامش اولديغنى ظن ايتديكمز  
 آدامار دنخى كچيوردى ، كچيوردى اما بونلركده ايچ يوزىنى  
 بيلميوردي ، بركون ، بويله قياس ايتدكريمز دن نه قادارلرى بردن بره  
 كوچيورمشلر ، بقالدين يوز درهم صابون وياغ آماق موقعنه  
 دوشيورمشلردى !

هايدى بز ، استانبوله كيلر بويله ايدك ، ياشو آنادولى  
 اشرافدن اولان ذات ... بالذات كورمشدم ، آخورنده يكرمى ،  
 اوتوز آت باغلى ايدى وقوناغى كلن كچه آچيق بولونوردى ؛  
 زراعت ياپار ، تجارتده يه تيشير ، غيرتلاغنه قدار بوللق ايچنده  
 نه كيفلى ياشاردى ... صوك محاربهر اونى ده ييتمشدى ، اوى  
 ياتمش ، اراضيسى استيلايه اوغرامش ، تجارتقى دورمش ،  
 بيريكديرديكى پارالر ايسه اعانه يه ، اعاشه يه ، ويركويه كيتمشدى .  
 جاتنى استانبوله دار آتمشدى ؛ بوكون ( آه ! ) چكديكى وقت  
 آتشى قارشيسنده كنه تاثير ايديدور وهر همشهرى اونده يارى  
 آچ ، يارى طوق ياشاديغندن چوكدكجه چوكويور ، دوشدكجه  
 دوشويورى .

ايشته واپور كوكرته سنده اوطوروب كچن كون بوجانلى  
 وشقه لرى تدقيق ايتمش و اوقناغته دركه صوكنده :  
 — چوقدن يارى يارى يه يتمشز ، حالا فرقنده دكلز !  
 ديه شاشمش ، آجيمش وماتم ايتمشدم .



## مه تانیسیقوز !

وقتیله برکتا بده می او قو مشدم، بر سینه ماده می کور مشدم، یوقسه  
 عالم بر آدمی آ کلا تمشدی، شیمدی خاطر لیه میورم، (مه تانیسیقوز)  
 دهن نظریه، یعنی روحک بر وجوددن دیکرینه انتقالی کیفیتنی بو  
 کونلرده خیلی مشغول ایدیور... بالطبع بو آغیر بحث ایله، علمی بر  
 مسورتده، فلاسفه جهانی تدقیق و تتبع ایدرک دکل، هوائی  
 و خیالی بر طرزده، کندیله، سویه و فطرتمه کورده مشغول  
 اولویورم. هر کس درجه سنی، ادراک و فراستنک حدودینی  
 کاشکه بنم قادر بیاسه... مادامکه علم و فن آدمی دکل، عبرانی  
 و یونانی کتابلر بکا بو خصوصده هیچ برشی آ کلاتاماز، فیثاغور  
 فلسفه سی قولاغمه کیره مزدی، اُک ایسی قوه خیالیله مه کووه نمک  
 و روحک اسکی قابلینی برر برر، تخمیناً، کوزیمک اوکندن  
 کچیر مکدی. بو، هم بنی، هم قارلریمی آووتور، اکلندیر ردی یا...  
 بکا لازم اولانده بو ایدی... ایشته، اونک ایچون، دون  
 کیجه اوده وقت کچیره جک بر ایش آرامد و بولامانجه، قالدقم،  
 لامبایی قیصدم، مندره اوزاندم، آغز مده جیغاره، لوشلق  
 و دو مانلره کومولش، اسکی بندکاریمی، روحک کچمش زمانلرده کی  
 قابلینی و یاشاییشلرینی تخیله قویولدم.

هیچ شبهه یوقه بنم روحم بو تون مدت موجودیتنجه چتین،  
 معارض و مخالف بر روح اولمشدی... هر دورده مجادله

ومعارضه يي حضور ورفهه ترجيح ايتش ، ياشاديڼي دورك  
متنفذ ليله همفكر وهمدم اولاجغه مخالف قاهره بېك برعذاب ،  
بېك بر بلا كورمښدى . ماضى ايجون بويله اولمښدى ، استقبال  
ايجونده اويله اولاجق ، بن شو قالبى ، هر هانسكى بروسيله ايله ،  
خسته لق ، قضا ، اېپ ويا اختيارلق ، ديكلندير نجه چتين خويلي  
وديك باشلى ، جدالجو روحمده عيني پروغرام وعيني ثبات ايله  
بر باشقه سنده ، بتمامها بنده اولديڼي كې ، ديديشه اوغراشه  
ياشايه جقدى ! اوت ، روحم بويله بر روحدى !

مثلا ، قطعياً امينم كه دنيانك ايلك قورولديڼي زمانلرده ،  
حضرت آدمله حوا دورنده بيله بن ، يعنى بنم روحم ، افاده  
مرام ايده جك حاله كلير كلز طوتوب او جتندن اخراج كيفيتي  
تنقيده باشلامش واوز باباسى اولان آدم عليه السلامك قارشيسنه  
كچوب :

— نيجون ضعف كوستردك ؟ نه دن شيطانه قاييلدك ؟ ميوه  
منوعدن باشقه قوجه جتنده بيه جك بر نسنه بولامادكمي ؟  
ديه ايلرى كرى لا قيردى سويلكه جرأت ايتمشدر . بو  
زباندر از لغتك جزاسنى چكمه مشميدر ؟ كيم بيلير ناصلى شامارلر  
ييش ، نه مخوف طاش قووقلرينه حبس اولمش ، نه قادار زمان  
آج ، صوسز بير اقيه رقر بيه واصلح ايدلك ، بو تنقيد و مناقشه  
خويندن واز كچيرتيلسك ايسته نمشدر . بلكه بو اوغورده ، بر  
كون ، قافاسنه بر چكه ميكي بيه رك ترك جسم وجسد بيله ايتمشدر .  
عجيبا هابل وقابل وقعه سنده بن هابل دكليم ؟ و آغا بكم  
قابل بنى اويله ، ظن اولنديڼي كې بر قيصقانجلاق يوزندن دكل ،

جبر وقوتنه قارشى عاجز وجودمله وقوع بولان اعتراض ومخالفتم  
نتيجه سنده ، حدته كلهرك وورماشميدى ؟ محقق بويله اولمشدى  
وروحم ايلك قالبى بويله ، بوحادثه اثناسنده غائب ايتمشدى !  
صوكر ايكنجى جسمه انتقالنده ، بلكه ده حضرت نوحك  
كمى انشاسيله استهزا ايدنلردن برى اولمشدى . ايكيدمه برده  
بحر لوطك كنارينه ، دستكاهه كيدر و :  
— الله عقل ويرسين ، نهدر بوياديغك چارپوق چورپوق  
شيلر ، امككه يازيق دكملى !

ديردى . فقط طوفان باشلايوب اوھجو ودم ايتديكى تحتهلك  
يوزديكى كورونجه كيميلير ناصل پشيان اولمش ، ناصل صاحنى  
صقالتى يولمش وتنفيد واعتراض خوينك جزاسنى طاشغين صولر  
ايچنده بوغولاق صورتيله نه فجع چكمشدر !  
داھا صوكرالى ، هانكى ديارده بر روچه انتقال ايتديسه  
اوراده ده صويه صابونه قاريشمقدن ، آزيلى مستبدلر صاتاشمقدن  
ورجال زمانه يى ھجو وتنفيددن كرى قالمامشدر . مثلامصرده ايسه  
يوسفك معارضى كسيلمش :

— فرعونلر تنتمنده بوچوللاردن كلش اسيرك نه حق وار ؟  
دييه باربار باغيرمش وبومخالفتي يوزندن ياسورملك ، ياخودده  
زندانه آتيلمق صورتيله بلادن بلايه دوشمشدر . كلدانيلر  
آراسنده ياشادى ايسه محقق نمرودكده معارضى ومخالفي ايدى :  
— نهدر بو آوجيدن مملكتك چكديكى ، هواده قوش ،  
چولده جيلان بيراقميور ! كېي متمادى شكاييتلرى يوزندن نهايت  
بر كون اونكده خشمنه اوغرامش وتا يوره كندن بر زهرلى  
اوق ييهرك عدم دياريني بويلامشدى !

یوق ، بابله پاشامایوبده بنی اسرائیل آراسنده ، فلسطینه حیات سوردی ایسه ، هیچ شبهه سز ، اَک شوکتلی وَاَک هیتلی رجلاک معارضی اوله رق قهردن قهره سوروکله نمشدی . حالوکه بویله پانه جغه ، مثلا متنفذ ذواتک صوینه کیتسه ویدیانی ذم خصوصنده صیقی طوتوب مدحه حصرایتسه ایدی مرمرستونلی ، حوضلر و فیستیه لرله سوسلی ، آلتون وایپکاره مستغرق قورجه سرایلرده :

ایچ باده کوزل سهو ، وار ایسه عقل و شعورک  
مصرافنی کندیسنه دستور اتخاذا ایدر ، غمغینی می  
ونکار ایچنده مسعود کچیردی . دوشونیکز ، مثلا ،  
( سالومه ) زمانی سوریه سرایلرینی . . . ساز ، ایچکی ،  
رقص ، حیات بوندن عبارت ! والینک همد میسیکنز ، قسیدلر ،  
سویله یور ، مدحیه لر یازیور و عریان رقاصه لرله صرمه قاپلی  
سدیرلرده ، مست و بیتاب دویولمازدوقلر ، لذت لوطیلا یورسیکنز !  
اسیرلر باشیکز اوستمنده دهوه تویندن اوزون یلپازلر صالایور  
ویورغون دیزلریکنزی بم بیاض بدنلی وقیزیل صاحلی بنات یهود  
اوغوب اویشدورویور . بویله یاشامق قابل ایکن سز وایلرده ،  
قرالارده معارض کسلیلور ، محبویه لر یاپیور و طوتولوب لوش  
زندانلرده یاش طوپراقلره سه ریئش ، قوزو اکمک ییه رکه خالفتده  
قرار قیلورسیکنز !

آه ، بزم اذعانسز و خشین روحم نهدن بویله یاپدک ، نهدن  
حالا بویله یاپیورسک ، زمان سکا اویمانجه سن زمانه اویسه ک  
وهر کیردیکک جسمی هر عمرده اذایه صوماسه ک ندالوردی ؟



محقق سناسکی یونانده یاشامش ایسهك، اوراددهه قالمیریکراحت  
یوزی کوسترمه مشکدر. مثلاً اسکندر کیركدهه علیهداری ایدك :  
— کنج بر اوغلانك آردینه دوشوب محافظه سنه امکان  
اولمایان حدودلرده ایشمز نه ؟ بونك صوکی خسراندر ، بیهوده  
انسان تلف ایدیورز ، یاهو ، سزده هیچ عقل یوقی ؟  
دیهه هایقیرمش ، نهایت ، جهانکیرك قولاغنه قادار کین  
وخصومتی اسماع ایتدیردرك زهرلی نبات مطبوخی ایچیرینك  
صورتیاه ینه تبدیل جسمه مجبور ایدلشکدر . . . حالبوکه  
( دیورهن ) کبی :

کولکه ایته باشقه احسان ایسته م !

دیر ، کچه بیایردك . حتی ، الكاعلاسی ، ارسطوکی اسکندرک  
پیشنه طاقیلمق ومظفر اردوسیهله تاهنده قادار کیدوب اوکا ،  
مصاحبلك وندیملك ایتمکدی .

رومالیلرله یاشادی ایسهك بدن اولکی جسملریکی کیم بیلیر  
نه مخوف ظلملره هدف ایتمشکدر ! ( ماریوس ) و ( سیلا )  
وقوعاتی ائاشاننده ، بو اوزمانکی ( اتحادوترقی ) و ( حریت وائتلاف )  
مجادله لرنده ، آمینمکه اك عاجز طرفی طومش و دیگر طرفه طعن  
وتشنیع یاغدیرمش وصرکنده اسمك مجرملر لیسته سنه کچهرك  
تیر نهرینك دینی بویلا مشکدر . قاریشماسهك اولمازمیدی ؟ بر  
کوشهده ، بزم بی طرفلر کبی ، اوطوروب سیر ایتك وایام ریئسی  
اولمق ، بوقانلی ایشلره غیرتلاغنه قادار کیرمکدن البته دهافاندهلی ایدی .  
( ژول سزار ) ی دهویرن ضربه حکومتده محقق سنكده-

دخلك واردی :

— ظلم کافی ! استبداد یتو ! دیکتاتورلک ایسته میوزر !  
 دینه سناتوده هایقیرمش و یازدیغک اثرلرله اونو بلا پروا  
 هجوم و ذم ایتشسکدر . بلکه ده سقوطنه یه تیشه مه دن ، امر و فرمانیه ،  
 داها اول سیوری قایالردن آشاعی یو وارلانش ، عادت بلده  
 وجنله اعدام ارلنشسکدر ! فقط دوشونمه لی ایدک که سه زار او  
 درجه فنا بر آدام ده دکلدی و — هر زمان ارلدینی کی — صوکر  
 کله جکله اونو پک چوق آراته جقدی !

( نرون ) ، ( نخالیکولا ) ، ( قلود ) دورلرنده آغزیکک  
 طادینی آلدکی ؟ هایدی فلسطین سرایلرنده ، داودلر سلطنتنده  
 معارضدک ، زندانلرده وجودلر چوروتدک ، ( نرون ) زمانی  
 ینه نه دن دبده و رفاهه یاناشمادک ؟ سن ، پک اعلی ( قو وادیس ) ده کی  
 پترونی کی ( نرون ) ه مصاحب و رفیق اولابیلیر ، ایپک انتاریلر  
 ایچنده ، وجودک ایلیق صولرله ییقانمش ، مسک و عنبرلی یاغلرله  
 اوغولش ، ترمیز و پر رفاه بر ذوق و سعادت هنسکمی کچیردک .  
 خاییر ، محقق کزدیکک یرده :

— بو مجنونو ئولدورمه لیدر ، نه در او یازدیغی شعرلر ، نه  
 بر باد شی اونلر ، یا چالیدی موسیقی پارچه لری ، اوماسقارالقلر ،  
 بونلر نه در ؟ بو نه حالدر ؟

دیمشسکدر . بلکه ده ، نه رونه علمیدارلق اولسون دینه ،  
 یکی توره دن خریستیانلره داخل اولمش ، یا قالاتمش و وجودیکی  
 آج آرسالانلره پارچه لاتدیروب چارمه خلره کیردیرمشسکدر ...  
 هم سن ساده ارککلری دکل قادینلری هجوم ایدرسک ، بیلیرم ...  
 فاحش و احتراصی ( مه سالین ) لده علمینده بولندک ، فحش و احتراصی

دیسکه دولایوب بویوزدنه ادا کوردکی؟ عجیا (قلداو پترا) ده  
 دشمنک می ایدی؟ بوتاریخی حسنره حلول ایده جکته کین  
 ونفر تلرینی قازانمقدن نه قازاندک؟ آتشی دلداده لرینک قاماسیله  
 برکیجه ایزیه روما واسکندریه سوقاقلرنده وورولوب صولک نفسکی  
 ویردک، بویله بر عاقبه اوغزادک دکی؟

عجیا هارون الرشید دورنده بغدادده کنیدینه ناصل بر جسم  
 سه چدک... محقق بر مخالف بر سیا ایدی، برسوق حجوی...  
 عریجه خجولر سویلیهرک شهری دولاشیر، رجال دولتی ذم،  
 سیاست حکومتی تنقید ایدردک... اویله یاپه جغکه، کاشکه خلیفه یه  
 ندیم اولسه ایدک وهر مدحیه که مقابل درت جاریه ویوز بیک  
 کیسه آچه احسان آلسه ایدک!.. دوشوک، درت تر وتازه  
 اسیره، بری حبشی، بری زنجی، بری رومی، بری ایرانی  
 یوز بیک کیسه آچه، چیل چیل، شاتراق وخالص العیار!  
 بوا حسانه بدل، زندانی بویلا دک ویاخودده دار آغاچنه یوکسدک...  
 ونیدک دوقلری زماننده، کوزمله کورمش کبی حکم  
 ایده بیلیرم، ینه معارضدک و:

— شانلی جمهوریت محو ومضمحل اولویور!

دییه باغیرردک. بو فریادک سنی اومشهور (ایچ چکنلر  
 کوپروسی) نه قادار کوتورمش و آياغکه باغلانان کوچه ده میر  
 بدنکی ده کیزک دینه قادار سور وکله مشدر. سیاسته قاریشما کده  
 نه معنی واردی؟ درت کی صاحبی اولوب تجارتکه باقسهک  
 وصفای خاطرله یاشاسهک اولمازمیدی؟

فرانسه اختلالنده بو معترض، فقط اجرا آتیز روح

ژيرونډنډردن برنده ياشايوردي. دوقوز ترميدورډن اول کيوتينه  
چيقمش اولماليدی ... يوق بزم تاريخمزرده ، تاريخ عثمانيده عمر  
سوردي ايسه ، امينم ، اولاپارونا خليلک ، صوکراده قاباجي  
مصطفانک معارض وعليهداري اولمش :

— برده نه سيويه تيرسکر شو مفسدي ، کند آتوب.  
صوصدورک !

کبي بر امر مخصوصله اوتته کي دنيايه بردفعه داهابويلا مشدر...  
ظن ايدييورم که روحم بي سه چه دن ، بنده يرلشمه دن اول  
علمدار باشا ايله برابر بر يکيچري دشمنيدی ؛ ياسليم ثالثک  
شهادتي ، ياخودده ، علمدارک وفاقي هنگامنده اوزرينه قلیچ  
ئوشوشدورولوب جسمندن آيريدی وبودفعه ده بنه باشمه بلا  
اولدی ، بي اتحاد وترقيه ومعقلرينه مخالف ايتدی ! بويوزدن  
عزل ، حبس ، نفی ، چکمه دیکم قالمادی .

شايد ( مه تانپيسي قوز ) نظريه سي دوغروايسه بندن صوکر  
کله جک وجودلری همان الله بوديديشکن روحدن عيانت ايتسين !

## آقربایی زیارت

اون سنه اول نه ايدك ، اون سنه صوكره نه اولدق ؟  
بونی برایشه اكلامق ایچون بكا مدقق و مراقلی بر آرقداشم  
اوزاق آقربایی زیارت تكلیف ایتدی :

— چوقدن بری ناصل ، نرده نه ایله یاشادقلرندن خبردار  
اولمادیغك اوزاق ، یاقین البته برقاق آقرباك واردر ، دیدی ،  
سن اولنرك اسکی حاللارینی ، اسکی معیشت و وضعیتلرینی بیلیرسك ؛  
بر دفعهده شیمدی کیت کور وایکی حیاتی مقایسه ایت ... ایشته  
اوزمان نه ايدك ، نه اولدق ، بزه بو حرب و ضرب ، بو جنك و جدال ،  
بو یاقه ، بیقده سیاسی نه بهالی یه مال اولدی ، آكلارسك !  
تكلیف ذوقه کیتدی . زیرا بر دفعه یاشلی باشلی اقربامك  
كوكلرینی آلمش ، خاطرلرینی خوش ایتمش اولاجقدم ، بو بروجدانی  
وظیفه ایدی . ثانیاً بر تتبع و تدقیق ساحهسی بولمش ، بر مقاله  
و مطالعه زمینی حاضرلامش اولاجقدم ، بوده بر حیاتی وظیفه  
ایدی . ایشته بو ایکی وظیفهیی ده ایفا ایچون کچن کون یوله  
دووشدم . فقط ، اولاً ، اقربامرك بو کونکی وضعیتندن خبردار  
اولان بر اسکی دادی یه مراجعت ایدمرك محل اقامتلی حقنده  
معلومات آماق لازم کلدی . بری ، بر تنکیه شیخی مستشا اولمق  
اوزره ، هپسی ده یرلرینی ، مسکنلرینی ده کشدیرمشلر ، اوزاق ،  
آقیری سمترلره ، بولونماسی کوچ ، کیدیلهسی زور محلهلره

داغيلمشلردى . نوط دفتريمى برچوق سوقق اسملرى ، بقال ، عطار ، بكجى ، حمام ، چشمه ، قهوه تعريفلريله دولدوردوم وشمېرى طانيمايان بر سياح كې ، رهبريمه باقه روق ، شاشقين شاشقين يانغين پرلرينه دالدم .

ايسته بوكونده سزه بومراقلى وآجيقلى ، حقيقى وفاجعه لى زيارت وسياحتمدن بحث ايده جكم .

ذهناً چيزديكم خريطه موجبنجه ايلك اوغرايه جنم اقرىامى شويله خاطر لايورم : ق كليه ده ، كورفز اوستمه تيزيلجق وفيستيق آغاچلرينه كومولى قوجامان باغچه لى بر آورده اوطوروو- رلردى ؛ سازه ، سوزه دوشكون اسكى تربيه كورمش اصيل بر عائله ايدى . ظن ايده رم كه آيده بوآورده اون ، ارن بش ليرادن فغله كيرمزدى ، فقط نه اكسيكدى كه .. برقهوه آلتى چيقاررلردى ، چيلك رچلنه قادار موجود ! ده كيزده بر صنداللى واردى ، بونكه كاه بالغه ، كاه مهتابه چيقارر وهفته ده ايكي كيجه س ساز ياپارلردى ؛ هم ده اويله چنك وچغانه نوغندن ، سرخوشا كلنجه-ى باياغى س ساز دكل ... آدام عقللى موسيقى ! نى ، طانبور وكن ذوقنى واسكى بسترلك قيمتى ايلك دفعه بن اوراده ، فيستيق وقيزيلجقار آلتنده ، مهتابلى ده كيزه قارشى بر به بياض كيجه ده طامش وآ كلامشدم . ياريناك مصرفى وآى باشى بورجلرينك صورت تسويه سنى دوشونمكسزىن ، آز پارا ايله رفاه ايچنده صنعتكارانه ياشه بيلان بو عائليه حرمت وغبطه ايتمه مك قابليدى ؟ دوداقرلى دائماً متبسم وكوزلرينك ايچى هر زمان انديشه سزىكى



بر بسته حاضر لاق ، اولطارى تمیزله مك و مو طبا قدده موسمه  
 كوره اك نفيس ونادیده یمكلى قوتارمقله مشغول اولان اولك  
 خانملى ، طاتلى دىللى وكولر يوزلى بو پر صحت قادینلر حياتك  
 فحاعت و مشكلاتندن هان هان بى خبر بوجتندن بر پارچه اولان  
 یم یشیل داغ صیرتنده نه آمین ، نه آسوده یاشایورلردى ...  
 كوزلى كیمسه نك مالنده دكلدى ؛ قلبلى تر تمیزو حیاتلى صاف  
 وساده اریله بر عمر سور یورلردى كه جهانك بىك بر درلو تهلكلى  
 صانكه اورایه ، اولنره یه تیشمك قیه میه حق ، مصون بیراقه جقدى .  
 حالبوكه زرده ؛ آقسرائ یانقین یرینی كچدم ، رالده ، جامعنك  
 یانندن صاپدم وقوجه مان خرابا تخانه نك قپوسنى ایتدم . بوراسى ،  
 هراوداسى آیده اون ایرایه كیرایه ویریلن بر عجائب مسكن ، بر  
 لوش ، مقسى بنا ایدی . دیشاریده كوش و صیجاق واردى ؛  
 بوبنده ایسه دیزلره ، درحال ، بر بیلان كبی صاریلان نافذ ،  
 مؤثر بر رطوبت و بر آلاجه قارانلق ... بر اودا قاپیسی آچیلدى ،  
 آراقندن باقدم ، قینالى صاحلى بر اختیار قادین اسپناق آیقلا یور  
 واورته ده ، مالطیز اوزرند بر تجرهدومانلر صالیورمرك قاینایوردى .  
 كنارنده یاتاقلر ییغیلیدی . بن هانكى اودایه كیره جكدم ؛ او  
 صیراده قارشیمه صفه دن أنتاریلى بر قیز چیقدى ، اون اوچنى  
 كچمش ، آرتق چوجوقلقدن قورتولش بر قیز ...

— آ! دیدى وایچرى قاچدى . بنی طانیشدى ، آرادینم  
 اودا ، اونك كیردیكى اودا ایدی . ایكى ، اوچ یاشنده ایكن  
 فیستیقلىك آلتنده طوب اوینایوب دیزلریمه طیرمانان و كورفزدن  
 كچن شركت واپورلرینك تلمیدینی یاپان صارى صاحلى بىك ،

ديك ، ايسته بوايدى ، بوراده ، بوتك اوداده ، صيتمه رنكى  
 وورم وجوديله ... عجباً قاكليجه نك بهار كلنجه پنبه پنبه ارغوانلر ،  
 مور زانباقلر وصاب صارى قيزيلجققلرله دونانان راحيله داغلرينى  
 خاطر لايورميدى ؟ اوقاييق كز مه لرني وساز كيجه لرني . . .  
 ايجرى كيردم ، اوپوشدك ، آغلاشديق . يانغين ، تنسيقات ،  
 حرب ، تيفوس واسپانيول اوشن ، اومرفه واو آسوده عائله ي  
 صاته صاوا ، قيرا وورا ، ثولدوره كومه بوخاله كتير مشدى .  
 اوچ كيشى قالمشردى ، اوچ كدرلى باش ، اوچ خسته وجود ،  
 اوچ آج ! هر آفت ايجلرندن بريني كوتورمش ، بابا اسپانيولدن ،  
 اولادقور شونندن ، همشيره تيفوسدن ثولمش ، داماد وه لاديو وستوقده  
 اسير قالمشدى . قارشيلقلى بر نقرات كبي :

— آه ، نه ايدى اوقاكليجه ده كي زمانلر ، نرده ؟

ديك ، ديدك ، كوز ياشى دوكدك .

ايكنجى زيارتم تكيه يه دوشدى . فقط تكيه نك طانييلر يري  
 قالمامشدى كه ... بن اوني ، دوقوز اون سنه اول ييشيله بويالى  
 تحته پارماقلقلى ، شاقير شاقير آقان شادر واني ، بم بياض بادانالى  
 ديوارلرى وصاب صارى دوشه لي حصير لريله نه تميز ، نه مشرف ،  
 پر عمران بير اقمشدم . شيمدى پارماقلقلى رنده يوقدى . صوكسيلمش ،  
 حوض بوشدى . ديوارلر ير ير ييقيلمش ، حصيرلر پارچه لانش  
 واك يازيني ، قاپدن كيرنجه باغچه يه كولكه ، مهابت واخرويك  
 ويرن اوقوجه مان قيرمىزى دوت آغاجى كسيلمش ، تكيه ديم  
 ديزلاق ، چيرچيلاق قالمشدى . آيين كيجه لرى كلديكم اولوردى .  
 ترميز قياقتى ، بم بياض عراقيله درويشلك ذكرى اطرافى

ايگه تير ، بنا آويزلر ، شمع دانلر ، قنديللار ايچنده پيريل پيريل يانار ، محليه شرف سالاردى . شيخ افندى نە تريبه لى ، نە ظريف ونە خوشكو ذاتدى . ايشى كوجى هر لاقيردى يە بر نكته يتشد . يرمك ، بر تلميح ياقمق وصو كرا چلخانە سنه قابانوب ذكر و عبادت ايتكدى . عائله سى يكرمى يي آشغيندى واوراده چيتان ييمك بوللنى ، نفاستى هان هان ددكه وزير ، وكلا قوناغنده نادردي . بنى كورونجه كو كسنة باصديران شيخ شيمدى نكته ، تلميح نروده ، باص باياغى سوزك ايكسنى بر آرايه كتيرمكن عاجز ، بيك زور قلە دردنى يانيور :

— اولادم ، كون اولويوركە مع عائله قاتيقسز اكمكه كفاف نفسه مجبور اولويورز !

دييوردى . بويوك اوغلى چاناق قلعه ده شيبيد دوشمشدى ، تام حقوق اكل ايدە چكى سنه ... كوچوكى وفات ايتمشدى ، اسپانيولدن ... بويوك قيزى داماديله آيرى چيقيشلاردى . دوقتور دكليدى يا ، حربده خيلى وورمشدى ؛ شيمدى حالارى وقتلرى ايمىدى ، فقط بالارينه بر خيرلرى دوقونمىيوردى . آرتق نە ذكر ايدن واردى ، نە آش كوني ، نە درويش ... بوراده بكجيلاك ايدىيورلردى .

— يا كوچوك كريمه نە اولدى !

شيخ افندى قاشلارنى چاتدى :

— بزم ايچون ثولدى ! ديدى اكلادم و ثوته سنى صورمادم ،

قارشى قارشى ، ذكر ايدر كې :

— آمانه ايدى او آيين كيجه لرى ، او آش كونارى ، نروده ؟

ديور، ديور، ايکليوردق .

اوچنجی قاپی خلیجان ایچنده چالدم . چیتماز برسوقاق  
 صوکنده اوچ اودالی برطام آلتی یدی قوله برجلندن برینه  
 کومولش، صیرصیقلام وایخیردالریلهلوش... وقتیه اوطوردقلى  
 قوناق کوزیمک اوکنه کلدی . مرمر اولیلر، چیفته مردیوه نلر،  
 حاملر و آخورلر، تام بردولتخانه! اسکی اصول، ارکان مندرلری  
 ایله دوشه نمشدی، یازین بومندرلره کرکین قارکبی بیاض پاتیسقه  
 ئورتولر ئورتولردی، قیشین چوخه لر... اورتلرده قبه لی مانغاللر  
 دورور و آقشام اولونجه اودالده غاز اسکمله لری قونوردی اوزون  
 چارشیده چکدیریش، یشیل و قیرمیزی یالیز بویالی، کنیش،  
 اوزون و اویمالی بر نوع اسکمله لر... یمک یرده، آینه کبی  
 پارلایان باقیر سینیلرده یه نیردی . صوکرایانغین اوقوناغی و مخدوم  
 بکک سفاهتی ده عرصه وسائر ماللری ییدی؛ سکز سنه اولینه  
 حاللری بر درجه ای ایدی، معاشریله کچینورلر، کدک پاشاده  
 ظریف برأوده اوطورویورلردی . حرب، غلای اسعار و معزولیت  
 نهایت اونلری، بر آنا، بر بویوک آنا و براوغل، بورایه قادار  
 آتمشدی . اوغل دیدیکم شیمدی قرق بشنده واردی، نه کلی  
 غللی، نه وقارلی، عادتاً نه محتشم بر آدمدی . کورکلی پالطولر،  
 پاردده سولر ایچنده کورمکه آلیشدیغیمز کهربار تسبیحلی، فوطین  
 قوندورالی بر رجل دولت سیاسی.. قاپی بیکا اوافق تفک، آووردی  
 آووردینه چوکش، انتاریلی بری آچدی؛ نه غریب معنالی کوزلری  
 واردی!

— فهمی بکک اوی بوراسیمی؟

— اوت ، بویوریکز ، صفا کلدیگز !

آمان یاربی او آدام بو آدامدی ، او محتشم سیا ، بوسفیل  
چهره ! ... بر آراق آنه سی اونک یانمزدن چیمه سندن استفاده  
ایده رک :

— اولادم بیتدی ، دیدی ، دوقورلر دارالشفایه صوقامزی  
توصیه ای دیورلر ، پاره نرده ؟ طوطا شنه کیره جک !  
فی الحقیقه فهمی بک ، او آغیر وقارلی آدم زیرزوب بردلی  
اولمشدی ، کوزلرینی کوزیمه دیکرک آکلایوردی :

— بک افندی برادر ، کاغدن پارا اولورمی ؟ باری کاغد  
حلوا سندن پاپسه یدیلر ، آغریمز طاتیلانیردی ... بن قولانمیورم ،  
تا صاری صاری لیرالر ، چیل چیل پارالر چیقینجیه قادار ...  
اونک ایچون اوی ، بارقی صاندق ، بدلنی ، دسته دسته کاغد ،  
بانقه یه یاتیردق ، هم او یله مقاوله یاپدق که معدن پارا چیقینجیه قادار  
بزه اون پاره ویرمیه جک ، بزه اوزمانه قادار بوراده دیشیمزی  
صیقه جغز ! بردن فرحلق ! کل ، یغورتجی ! اوقه سی قاچه ؟  
یوز پارامی ؟ هله هله ، ایکی چیل غروشه اولمازمی ؟ پکی ویر ، الی  
اوقه ... آل شوصاری لیرایی ، کری یه سکز غروش ایسترم ،  
معلوم آ لیرا یوز سکزدن !

بو طرزده معدن پارا ایله آلیش ویریش تقلیدی یاپه رق متمادیاً  
قونوشیوردی . بنی قاپی یه قادارده تشییع ایتدی . صوگ سوزی  
شو اولدی :

— آمان ، بک افندی برادر ، سز غزته محرریسیکز ، داها  
چابوق خبر آ لیرسیکز ، لیرایوز سکزه چیقنجه بکا برقارت یازیورک !

زواللی آدم پارا ایله بوز مشدی ... اکثر یمزک ، بو کیدیشه ،  
اوله جنی کبی ! یورورکن کندی کنده :

— آه ، نه ایدی او قوناغک بشعشه سی ، او افطار لر ،

نرده ؟

دیور ، یقیق قلعه لر آراسندن ملول ، محزون کیدیوردم .  
ایشته بومنوال اوزره اوچ قاپی په داهاباش ووردم ، هپسند  
او حالی ، زمانک کسکین طیرناقلرینی ، قانلی ایزلرینی بولدم .  
استانبولک بر زمانلر اک شاد ، اک مرفه یاشایان وکچین بومسعود  
قانیلرینی اون سنه لک جدال یردن یره وورمش ، چامورلر بولامش ،  
دردلر صوقش ، کندی مملکتلرنده بر مهاجر و بر غربت زده کبی  
آج ، محروم ، یوقسول بیراقشدی . کیمک کیمه امداد ایتکه  
مجالی واردی ؟ که لدن کوسه یه معاونتمی اولوردی ؟ هپمز محتاج  
همت بر دده ایدک ، نرده قالدی که غیری یه همت ایده جکدک ؟  
باجاقلرم یورغونلقدن درمانسز ویوره کم هجران ایچنده شیشکین  
اویمه دوشکون و دردلی دوندیکم زمان بو آلتی عائله نک هر فردینه  
آیری آیری آجیوردم . یالکز برینه غبطه ایتشدم : لیرانک یوز  
سکزه کچه جکنی بکله یین دهلی یه !

ایچمزده استقبالدن امید ایدن بر او واردی !





## يازيق اولدى !

شىمدى يە قادار قار ئلرمدن هانكى فكريمى ، هانكى جسمى  
صاقلادم كه بونى صاقلاييم ؟ فى الواقع اعترافندن اوتانمىيور دگم ،  
قلمده بر تترده ، چهردهده بر قيزىلاق ، يوردهده بر ئوزوتى ،  
خلاصه نفسده مادی ومعنوی بر تغير ، بر حجاب حالى وار ...  
وار اما ، نه چيقار ، بر جسارتلى آيمله بو بر زخدن قورتولماق ،  
روحى آحق وعذابى آزالتمق داها فائدهلى ، داها شفا بخش  
اوله جق ! اوت ، دون ، فکراً بر کنه ، بر جنایت ايشلهدم :  
اتحادجى اولما ديغمه ياندم واتحادجى اولمقدهكى لذت ، فائده ومنفعتلى  
كوزيمك او كندن كچيردك :

— ايواه ، كنجلكمى هبا ايتشم ، كنجلكمه يازيق اولدى !

دييه هايقيردم ، ناله وافغان ايتدم .

هانى بعضى كنج ، كوزل قادينلر حياتلرينى معصومانه ،  
عفيفانه ، اولرينه وزوجلرينه مربوط كچيرلر ، نفسلرينى لئانئدنيادن  
محروم ايدرلر مشده صوكر صاچلرينه آق ويوردهكلرينه قئور  
دوشدكن صوكر بوها اولان كنجلككه يانه رق :

— آه ، نچون عمرىمى اذا ، اشكنجه وتحمله دولدورددمده

خفيف مشربانه بر طرزده ، ساز ، سوز ، عشق وكيف ايچنده  
ياشامادم ! ديرلر ، آينهدهكى دردلى ويشلى چهره يه باقه رق آغلارلر ،  
هيچقيرلر مش ... بئسكى ده اويله اولدى ، بنده اتحادجى اولوبده

موقع ، ثروت ، سياحت و دبدبه ايله ياشايه جغمه مخالتمده قاله رق اشکنجه واذيته ، پاراسز و یوقسول عمر سورديکمه آجیدم ، بوکا آغلادم . بعضی ناموسلی تحصیلدارلر واردرده آلارندن بیکارجه لیرالر کچر ، ایلشمزلر ، کوتوروب کونی کوننه یرینه ویررلر و بش ، اون غروش معاشله عقیفانه و قناعتکارانه یاشارلر ، صوکرار بر کون ، اوفاق برتسیمدن دولایي ، یاشلی و یورغون وجودلریله قانی دیشاری آتیلنجه :

— نهدن اوزمان چالمادمدی ؟ چالوب قاجادمدی ؟

دییه یانارلر ... ایشته عینی ندامتله فقط عینی حجابله بنده بوکون او یله یاندم ، او یله پشیمان اولدم .

هله بردوشونهلم ، بدایت مشروطیتدن بری اتحادجی اولسه ، اتحادجی قالسه ایدم ناصل بر عمر سورمش ، حیاتک ناصل ذوقنی چیتارمش اولوردم ... بونک تصویری بیله کیف ، هیجان ولذت و یریور ! مثلاً حریت اعلان اولندیغی زمان بن نه ایدم ؟ کوچوک بر مأمور ... هان محله مک اتحاد و ترقی شعبه سنه قید اولنور ، اومدن قانه پهلر ، پرده لر آشیره رق ، یازی طاقمی ، حته می کتیره رک ، جیمده کی خرجلغمی ویره رک و نعره لر آتوب دیووشلر چیه ره رق آزیلی بر اعضا اولوردم . نه دیرسه لر :

« های های ، مناسبدر افندم ، پک کوزل افندم ! » دیردم ؛ نه دیرسه لر : « الله عمر یکزده عمر برکاتی ویرسین افندم ! » دییه یرلرده قاپانیردم . بر طرفندن ده براحد رضا بکه ، بر حسین جاهده ، بر قارا کاله ملازمت ایدر ، جیغاره سنی چیتاردرکن کبریتی چاقار و یاقانییه وازیرکن پالطوسنی طوتار ، بنه ده قوجه برطابانجه طاقوب :

— سزه کم کوزله باقانی یاقارم !

دير ، بو واسطه لرله اَك نفوذ ليرينه چاتاردم . آرتق بوندن اوتەسى كنديلكسندن سوكون ايدردى . جاهد امرالله افندي يه بر كله يازار ، دارالفنونه معلم اولوردم ؛ احمد رضا طلعتە بر سلام كونده در ، عمو جه مى قونيه يه والى ياپاردم ؛ قارا كمال مركزه بر پوصله ويرر ، سوت برادرى مى ازميره كاتب مسئول ديه كونده ريردم ... دير كن مخالفت باش كو سترردى ، همان بر مزاح غزته سى چيقارر ، او عرب ، آرناوود وتورك مخالف مبعوثلرني ماسقاره ايدر ، كيمنى آي يه ، كيمنى ميمونه بكزه تەرك ، كيمنك برونه قنديل آصوب كيمنك آرقه سسنة قويروق طاقارق قابا ، غليظ هجوملرله موقعى بىستون تحكيم ، ترصين ايدردم . او ائشاده جانم آوروپاي بر دولاشمقى ايسترردى ، در حال معارف ناظرينك ياننه چيقار ، ايكي كله سويلر وبارسه طلبه مفتشى اولوردم ... اوراده ير ، ايچر ، كزر ، ياتار ، ياماديلم فسق و خفور بير ائمازدم ؛ صوكر ا قانجه مملكتسه دوزر ، بر مدت ينه مخالفله صايار ، سوكر ، مكافاة بر سفارتە باش كاتب ويامستشار اولور ، بر مدتده آوروپاده بوييله قالير ، بويدياشاردم . پاراقساوتى هيچده چكزدم ؛ ماصه مدە بوزل شامپانيا ، دوداقلر مدە نشئلى ايسمليق ، جز داندە بيكلك باتقنوط ، قولمده قوقولى قوقوت ا كسيك اولمازدى . بورايه مكتوبلر يازار ، خائن وطن فرارى مخالفلرك اوروپاده كي غير تلىنى اخبار ايدرو قهر ، تنكيل ، اعدام و احراق توصيه لرندن بر كون كرى قالمازدم . صوكر ا جاويده اويله تبصبلر ، اويله صويتار يلقار ياپاردم كه محقق هر استقراضدن حصه مه بر مبلغ آيرتير ،

استانبوله دونوشمدهده هر مجلس ادارهده بر اعضاقلق قاپاردم .  
خلاصه یوقلق ، یوقسولاق ، ایچ صیقینتییسی ، کوکل عذاب  
نهر بیلمز ، حسن ایتمزدم .

برکون مبعوثده اولیویرردم ، مثلاً بر ملاز کرد ، بر عینتاب  
بر قاراحصار مبعوثی ... شیشلیده مکلف دوشهلی بر آپارتمانم ،  
آلتمده آرابهم ، اوستمده کورکلی پالطوم ، نه شانلی ، نه راحت ،  
نه قیغوسز یاشاردم ... دیرکن حرب عمومی باطلاردی : کل  
کیفم کل ! بر ( یکی کون ) ، بر ( وقت ) ، بر ( زمان ) و یا  
بر ( اشرف ساعت ) ده بن چیقاردم :

« اهالی ! اهالی ! دولتی حرب عمومییه صوقان آلری  
تقدیس ایدیکز ! او آلردرکه بزی اومولساق شرفلره مظهر  
قیلهحق ، او آلردرکه تورکیانک جاننه جان قاتهحق ، بایراغیزی  
اوچ مثلی اراضی اوزرنده دالغهلاندیرهحق ! » دیسه یازار ،  
آلمان ایمپراطورینک انوری قوجاقلارکن ، هیندهنبورغک جماله  
صاریلیرکن وفون کولمانک طلعتی اوپرکن بویله صارماش دولاش  
رسملرینی باصار ، مدح و ثنالننده شیمدییه قادیار کلوب کچمش  
نهقادیار قتمسیده کولر ، دالقاووقلرومتبصبسلر وار ایسه هپسنی  
فرسخ فرسخ آشاردم . اوزمان ایکیمده بر برلینه ، ویانهیهکیدر ،  
سفارتخانهلره مسافر اولور ، ( چارداش ) لری ترنم ایده ایده ،  
هرکس بر درهم اکمهکه قول ، کوله اولورکن بن خاویارکاسهسی  
اوکمهده فرانجهلر بیر وشامپانیا ایچردم !

مطبوعات جمعیتنه بن رئیس اولوردم ... منع احتکاردهده  
بن ، بردهست لیتوفسقه سیاسی مرخص اولهرق بن کیدردم ...

قوپناغہ دہ سوسیا لست اولہ رق ینہ بن ! دیرکن جمال دن بر  
تلغراف کلیردی : « بویوریکز ، قوردیغم عربستان حکمدار لغنی  
کور وکن ! دیردی ؛ برختوصی تردہ بینر ، شامہ کیدر ،  
قاعہ لردہ رقصیلر سیرایدیر ، چوللار دہ آہولر اولار واصل مہمی  
دو زکن دہ برقچ بالیہ حمولہ آلیردم . بونی انور ایشیدیر ،  
قیصقانیر ، بکا : « کلیکزدہ حدودلردہ شہامتمی سیر ایدیکنز ! »  
دیردی . اوتوموبیلارہ بینر ، یدی کوندہ ارضرومہ واصل  
اولور ، شرفہ ویریلن بر تعرضی تماشا ایدرک زروسیمہ مستغرق  
عوذت ایدردم وشویلہ یازاردم :

« اہالی ! اہالی ! دولتی حرب عمومیہ صوقان آلری  
تقدیس ایدیکنز ! » ( میلوویچ ) بنمدہ دوستم اولوردی ؛ بن دہ  
قیصرک آلنی صیقار ، بن دہ ( قروپ ) شاتوسنہ مسافر اولور ،  
باطوم سیاحتندہ باش کوشہ دہ بن دہ بولونوردم ؛ طوپال اسماعیلک  
قارشیسندہ آیق آیق اوستنہ بن دہ اوطوروردم ؛ بلکہ اوراق  
نقدیہ اوزرندہ بنمدہ امضالم اولوردی ؛ بلکہ بن دہ نظارتلرہ  
کچر ، سفارتلرہ قوناردم . صوکر ا متارکہ اولدیمی بر مدت ،  
بن دہ بر کوشہیہ سینر ، بن دہ ٹولو تیلکی تقلیدی یاپاردم وشویلہ  
بر محاسبہ دہ بولونوردم :

— حرب اثناسندہ اما ایچدم ، اما ییدم ، اما کزدم ، اما  
اوینادم ، اما قزاندم ہا ! حق برکات ویرسین حربہ !

دیردم . از میر اشغالی متعاقب قوای ملیہیہ بالطبع ایلاک  
اوکجہ بن کچردم ؛ اما علی کمال بک حقممدہ « کاسہ لیس ! حین  
اوغلی حین ! زیر تابوز ! » دیرمش ، بن ایشمہ باقار ، ملت

مجلسنه اعضا اولور ، وکیللرک آراسنه قاتیلیر ، خلاصه ینه  
 بورومی اوتدورر ، آرابه می یوروتور ، ینه مرخص اوله رق  
 اور وپالره کیدر ، موسقو والرده قوشار ، آنادولیده (اشرف ساعت) می  
 نشر ایدهرک متارکینی کورمه مشه و حرب عمومی نی کیرمه مشه  
 دوزدم ! اون اوچ سنه لک دور مشروطیتک مملکت و مخالفت  
 ایچون زبده سرگذشتی شو اولوردی : آچلق ، یانغین ، زندان  
 اعدام ، انہزام ، استیلا واضمحلال !.. فقط بنمکی و جمعیت مکی :  
 مسند ، ثروت ، سیاحت ، اکنجہ ، قوما ، قادین ، آلایش  
 و دبدبہ !...

آد ، محقق کہ کنجلمکم ہبا اولدی ، بر دقیقه حضور و سکون  
 کورمہ دن ، محبسلر دہ ، منفالردہ قورقہ قورقہ ، ایکلیہ ایکلیہ ،  
 ایکی بوکلوم ، آج وپاراسز تام اون اوچ سنہ حیاتمہ زہر قندم ،  
 اتحاد جی اولامادم ، آرتق اولامادم ... بو صورتلہ کنجلمکمہ  
 قیدم ... کنجلمکمہ یازیق اولدی !





## اسكى ياز عشقلىرى

انسان بويلىك صىجاقلارلە برابر ، ايستر ايستە مزاستانبولك  
اسكى يازلىرىنى ، ياز اكلنجەلىرىنى ، صيفيه و سيران عالملىرىنى ياد  
ايدىيور ؛ هم بر عصر اولىكى ، سلطان مجيد دورلىرىنى دكل ،  
اون ايكي سنە اولىكى ، يعنى دونكى ، چكى يازلىرى ... اوزمان  
يازلرك آبرى بر قيمتى ، بر اهميتى و بر فوق العادهلىكى واردى .  
آنحق ياز موسمى ايدى كه ار ككلر حياتنە بر آز قادين ، بر آزشعر  
و بر آز سودا قار يشا بيليردى . قىشى شەر ايچنەدە ، دار سو قاقلى و صيق  
قفسىلى اولردە ، انحق قالين چە و اوزون چار شاف ثورتونەرك دكانلە  
آيش و ير يشە كىتمك صور تيە قاپالى كچىرن خانملر ، اوزمانكى حر مىلى  
سلامقلى ، مستور عائللەر ، يازلە برابر انجە باش ثورتولر ، كنىش  
مشاحلر و بول يلد يرمەلر كىيە بىلمكە حق قازانيرلر و قيرلردە ، تىزهاردە ،  
اوزاقدن اولسون بو قياقلە ار كك ايچنە چىقمغە مأذن اولورلردى .  
بناءً عليه ار ككلر قادينلىرى يازدن يازە ، بر چىچك و ميوە  
موسمى كىي ، آنحق سنەدە صايىلى بر مدت سىردە مكان بولورلردى .  
اونك ايچون ياز هر كس ، هر جنس ايچون پك قيمتى ، پك  
فوق العاده هي جانلر و سرانجاملرلە دولو بر موسم اولورلردى .

شىمدى يازلرك نە قيمتى اولابىلير كه صيفيه و شتائيه عادتلىرى  
قالقدى ، قادينلر يوزلىرىنى هر موسم ايچون آچدى و استانبول  
ايچنك اُك غلبەلك جادەلىرى ، ياغمور وقار آلتندە بىلە هر ايكي

جنسك يان يانه ، پرواسز جه دولاشدينى بر ر مسيره حالى آلدی ...  
 آرتق يازى بگه مکه لزوم قالمادی ، آرتق پيانولرده :  
 قيش گلدی فراق آچه ده در سينه مه ياره

شرقيسى ايچلى ايچلى ، درين بر هجران وبر حسرتله چالغه  
 احتياج يوق ... شيمدی هيچ بر موسم سينه لری فراق نه در  
 بيلمور و هيچ بر موسم سينه لری ياسله صيزلا تيمور ... اوزمانلر ،  
 اون ايکي ييل اول ، يازله برابر مسيردler آجيلير ، کنج يوره کلى  
 سرگذشت وماجرا احتماللری دواملى وخوش بر صيزى کي قابلاردی .  
 عشقك منوع اولدینی بودورده عشقه مناسب تدار هر کيفيتك  
 شيمديکيله قابل قياس اولاميه جق بر شدتده تأثيری ، نفوذی ،  
 هيچانی واردی . مسيره لرده کى اوباقيشلر ، اوزاقلی ياقينلى نظرلر ،  
 شيمديکي سهيل تلاقلردن داها فضله مهيج داها فضله مؤثردی  
 وبوتون بر يازى يالکز باقيشله کچيرن ، بونکله اکتفا ايدن ،  
 بونکله مست و شخور اولان سودالر ، سودازده لر کورولوردی .  
 ايکي گه قونوشمق ، ايکي آديم برابر يورومك ، حتی ايکي تبسم  
 وايکي آل اشارتی بويوك بر موفقيت صاييلير ، بوتون قيش ،  
 وقعه ، حادثه ، ماجرا شکلنده بونلر خاطر لانيير ، بونلرله تسلی  
 وقوت بولونوردی . عشقلر اولوردی که ، بو طرزده ، باقيش  
 وتبسمله ، سنه لرجه سورهردی ! اوزمانلر هر کس ، هر خصوصده  
 آزه قانع ، آزه مسعود ، آز ايچون چالشيوردی .

مثلا اوزمانك بر کنجنى ، اون ايکي ييل اولکي يازده  
 کنديزی دوشونلم : بهاردن صوکر استانبوله کى اوييزدن  
 کويلردن برنده کى صيفيه مزه کوچ ايدردك ... اوعصرده قيشی

یازدن تماماً آیری بر حیات ایچنده کچیرمک مجبوریتی واردی .  
یاز آرقداشلری ، یاز احبابلری ، یاز مشغولیتلری قیشینکیمیلردن  
همان همان بسمبتون فرقلیدی . صولک بهارایله ایلک بهار سینه ماده کی  
قسملری آیران پرده آرلری کیمیدی ؛ کوچله برابر منظره ،  
محیط ، وقعه هپسی ده کیشیورردی ... باقاردیکز که اولوش  
سوقاقدن ، اوکهنه قوناقدن بردن آیریش و بوغاز ایچنک ، یاخود  
چاملیجه نك برکونشلی باغچه سنه ، بر تازده بویالی بناسنه کیرمشسینکز ...  
سیاحتلرک حرام اولدینی بودورده صیفیه وشتائیه تبدللری یاریم  
سفریرینه کچردی ؛ یکی بر قوت ، بر یاشامه ارزوسی ، بر  
ذوق ایچکزی قاپلار ، بو نقل خانه کینیتی بر سیاحت کبی  
روحکزی آوومغه باشلاردی . اوزمان اطرافلرک زده کی اساسلی  
قومشورله کیرالق کوشک ویالیلری تدقیق و تجسس مراقبه  
قایلمیردیکز ... برده باقاردیکز که ، طیبی سینه مالرده کی کبی ،  
کچن یاز هنوز چوجوق اوله رق بیراقدیغکز بر قیز ، چارشافلی  
ویلدرمه لی بر خانم اولمش ؛ آرتق سز کچرکن باغچه سنده جامارله  
طافلانلری کندیسنه سپر ایدیور ویولده دانتلالی شمشیه سنی  
یوزینه دوغرو اکیور ... صوکر ا بر کون ، براوکه اوزری ،  
اویقویه وارمق ایچون پانجورلریکزی قاپارکن کیرالق یان کوشک  
پنجره سنده بر قادین خیالنگ شمشک کبی پارلایوب چکیمیدیکنی  
ویاتیسقه اکره تی یاز پرده سنی درحال قاپاندیغنی کوروردیکز ...  
داها صوکراده آرقه یولده دالغین یورورکن بر قاچ تازه ،  
شاقراق قهقهه دوپار ، باشکزی قالدیرر وسدک اوزرنده اوسنه یه  
قادر کورمه دیککز بر قاچ کنج قیزک آرالرنده کولوشوب

قونوشدقلربی فرق ایدردیکز ... بوتصادفلرک اوچی ده پایانسز  
 بر خولیا زمینی اولوردی . محقق برنجی کوشکک اوکندن  
 هرچیشیکزده کوزلریکز طافلانلرک آرقه سنی ودانتل شمسینهک  
 کنارینی آرار ، هراوکه اویقوسی زمانی نظارلریکز پاتیسقه پردلی  
 اودایه طاقیلیر ویولکز آرقه سوقاغهدوشدکجه قولاقلریکز سد  
 اوزرنده او شاقراق قهقهه لری بکلردی ... عجبا بوتون بر یاز ،  
 اوزون کونلی اوقوجه بر یاز ، بواوچ تصادف قاچ کره داهای  
 تکرر ایدردی ؟ اوچ نهایت درت دفعه . . فقط آلتی آئی  
 هیجان ، لذت وامید ایچنده کجیرتیردی ، بوکا کافی کلیردی .  
 همان همان یاری عاشق اولوردیکز ... کیمه ، هانکیسنه ؟ اونی  
 سزده پک ای بیلمز دیکز ... ذاتاً هیچ برینی یاقیندن کورمکه ،  
 صاحلرینک رنکنی بیله فرق ایتکه موفق اولاماشدیکز که ...  
 لکن بوقادارجنی بر خیال ، بر قهقهه ، بر دانتل شمسیه بیله  
 بعضا بر ازدواجه قادار وارمغه کفایت ایدردی ! سزخولیا کزده  
 اوخیالته رنکلر ارزولر ، فکرلر وخصوصیتلر ویرر ، سوسلهر ،  
 اونی کندیکزه کوره بر وجود شکله صوقاردیکز ! بر پانجور  
 اویناییشی ، بر اوزونجه نظره ، بر معصوم تبسم آرا کزده  
 موافقت اشارتی اولور ، بوهیچدن یاز ماجراسی بر دوکونه  
 نهایت بولوردی .

اوزمانلر قادینلر چوق عقیف وارککلر چوق حرمتکاردی .  
 بر باقیشتک اوزونلنی بیله ، بر کناه کبی ، اندیشه و عذابه سبب  
 اولوردی !

صوکرما مسیره کونلری واردی ؛ مثلاً فنار ویا کوکھو ،

قلندر كز مه سي . . . بيك اعتنا ايله كيدير ، آرابه كزك و يا  
صندال كزك صول طرفنه كبارانه يا صلا نير ، ايكنديدن صوكرا  
كز مكه كيدر ديكز . . . اونه آغير ، وقور و جدی بر دولاشيدی .  
قادينلر غایت تمکینلی اوطور ورلر ، آرالرنده بيله قونوشمازلر ،  
ساده باقیشیرلردی . . . کوزلر بولوشور ، کوزلر قونوشور ،  
هرجهت کوزلرده اوقونور و کوزلرله ده حل ایدیلر دی . کوزلرک  
اووقتلر نه کبار ونه بلیغ بر طرز افاده سی ، بر واضح معناسی  
واردی . . . شیمدی اکثریسنکی یلیشیق ، کستاخ و آج !  
مالایغی افاده ایدیور ، چاقینلق صاحیمور و عقیف بر معنا ايله  
محبوبانه قایتمق ، چهوریلک ، دوشونجه سنی ایچنه سیندیر مک  
نهر ، بيلمیور !

ایشته بومسیرلرده رابطة پیدا اولونوردی . بر کون ،  
باقاردیکزکه ، ایکی یاغیز آتک اوچوروب کوتوردیکی سیم سیاه  
بر فایطونده ایکی خوش چهره . . اطرافی عادتاً دارغین کبی ،  
استحقار ايله ، پر جدیت تدقیق ایدیورلر . بر لحظه دقتلی  
باققدن ئورکویورسکز ، ایستیورسکزکه بو درجه حیثیتی ایکی  
قادینی ئورکوتن وایختن سز اولمایه سیکز . . فقط فرقه واریسو-  
سیکزکه صاغده کی ویا صولده کی سزی بر آاز دقتله ، هرکسه  
باقدیغندن اوزون سیر ایدیور واکیلوب یاننده کنه ایکی کله  
سویلیور . اوده باقیور ، فقط سه زلدکیرینی آکلا نجه باشلرینی  
لاقیدی ايله چویرییورلر . عجیبا ؟ اولورمی ؟ بلکه . . کله جک  
جمعه سیره اوفاق بر هیجانله کلیورسکز . بر هفته در ، صیق صیق  
اونی دوشونمشدیکز !

بواقیشلر آرتوب اکیلمه مک شرطیه آیلرجه دوام  
ایدیور . . . اویله ، درحال ، ایلک اوکیزه کلندن کیملر  
اولدیغی صورمه ، ایشی سه زدیرمکه جسارت ایده میورسیکز  
وایحین ایحین طاشمقله برابر ظاهر آغایت تمکینی بولنمقدن کری  
قالمایورسکز ، نهایت بر کون ، بر مسعود کون او کوزلر  
دهرینلشهرک ، اعتراف ایله ، مست باقیور وودواقلر طاتلی ،  
پرارزو بر تبسمله یاری آچیلیور . . . ایشته بوقادار . . . بوقادار  
اما دنیالر سزک اولویور ، دویدیغکز سعادت اوقادار واسع ،  
شموللی وجوشغون که بر چیلغین کبی یریکزدن آتلامق ، کیدوب  
بولطفکار سوکیلنک آیاقلرینه قاپانمق ، آغلامق ، کولمک وخلقه :

— مسعودم ! مسعودم ! مسعودم !

دییه هایقیرمق احتیاجنه پک زورلقه مقاومت ایدیورسیکز :

— آرابه جی ، سور ، چاپوق ، اوه !

امریخی ویریور ، بر آن اول اودا کزه قاپانمق ، دوشونمک ،  
بول بول ، کنیش کنیش ، تک و تنها سوکیلیکزه خولیا کزی  
وقف ایتمک ایچون قانادلانمق ، اوچق ایستورسیکز !

او عشقلر بویله ، بر تبسمی بر خزینه قیمتندده ایدی .

شیمدی وصال وعدلری بیله یوره کده هیجان اویندیر میور :

— باشقه کونه ، باشقه وقته ، داها صوکرایه قالسین !

بیله دیورلر ، صانکه :

— بر قهوه مزی ایحیک !

تکلیفنده بولنشلر کبی . . . ذاتاً بوگونک معاشقه لرندده بر

قهوه اکرامی ابتدالی وار :



شوراده بر فنجان قهوه ایچم !

کبی طرفین ایچون اهمیتسز ، قیمتسز اکلنجه لردن ...  
 حالبوکه اسکیدن او بر یجک تبسم کنجاری ، بزلی شاعر  
 ایدردی . او یله بر حادثه نك کیجه سنی ( لادام اوقاملیا ) دن بر  
 باب ، ( غرازیه لالا ) دن بر ختیفه اوقومه دن ، دوت مصرع  
 یازمه دن کچیره مزدك . دیرکن صیرا مکتوبه کلیردی . مکتوب  
 کوندرمه سی نه کوجدی یاربی ! نه پوست ره ستاتی واردی ،  
 نه بوقادار مبذول متوسطی ... ایش اسکی خالایقارک ، باجیلرک ،  
 خدمتچی و بوخچه جیلرک عهده درایتنه بیك استرحامله ، خاکپای  
 اوله رق تودیع ایدیلیردی ... تام او اشناده یاغمور موسمی باشلار ،  
 کوچ صیراسی ده کلیردی . برده باقاردیکز که او جمعه هوا بلوطلی ...  
 یاغوب یاغیه جنی خلجانی ایکنندی یه قدار سزی هلاک ایدردی .  
 بعنا کونش چیمیز پرردی ، سونجیکزدن خورشید درخشانه  
 طایمه کزه رهنق قالیردی ، یاخود یاغمور دوکولمکه باشلادی ،  
 حدتکنز سزی دیندن چیقارردی !

آرتق باغچه لرده قاسم پاتلری آچیلیر و کوکدن صولر بوشانیر ،  
 ده کیز فیرطینه الاله چالقایردی . سوکیلکنز سزی ، سز او فی  
 کررهمه دن طاشینیردیکز ، سز آقسرائیه ، او جهانگیره ...  
 تصادف اوله جقده برکون ، بر لحظه بونمارشده ویاجادده کوز  
 کوزه کله بیله جکسیکنز !

قیش کلدی فراق آچمه ددر سینه مه یازه

شرقیسی ایشته اوتیشلرده ، بویله یازلردن صوگرا ، بو  
 وضعیتده سویله نیر وچالینیردی !

اوزمانلر ، اون ایکی ییل اول ، یازین بویله معاشقه ایدیلیر ،  
 یازلر بویله بیك طاتلی هیجانله ، کناهسز ولکسز ، نه معصومانه  
 نه تمیز کچیریلیردی !

شیمدی ایسه ... نه بن سویله یهیم ، نه سز دیکله ییک !



## بال آي صحبتي

### تکلمی حکایه

[ مانس ده کیزينک اوکله کونشي آتئنده ايلغلاشمش دورغون صولرينه  
ياصلانهرق آغير آغير بریتانیا ساحلرينه دوغروکيدن بر مکلف تيزه ياطی —  
باجا، پوصله، پارماقلر، باصامالر، سپرلوقاره قفسلری، هپسی پرنجند،  
پیریل پیریل یانیوز وشعشمه سی کوزلر آلیبور . — کوکرتک آرقه  
موقعندن، قاپودانک و طائفه لک نظرلرندن اوزاق مخفی برکوشه سنده  
بیاض یوک البسه لر کیمش ایکی کیشی، بری ارکک : موسیو ده نزه لوس؛  
دیگری قادین : یکی مادام ده نزه لوس ... یازیانه، بربرلینه صوفه لیش،  
اوکلرنده ویسکی قدح لری، اوکله ییکی ایچون اشته اولسون دییه ایچیه رلر  
واطرافک لطافتندن مست، طاطلی طاطلی قونوشیورلر ]

مادام — آرتق بندن کیزلی حیاتک هیچ برکوشه سی  
قالیه حق، بنی محرم اسرارک رفیقہ حیاتک عدایدجک و بنجه  
سیاسی بر محبک، بریار وفادارک کبی کوروشه جکسک دگلی؛  
موسیو — اوکا نه شبه ...

مادام — اوحالده سویله باقیم، بکا آکلات : بوکون  
بوموفتیلریکی ناصل قازاندک، مملکتک بوموسعتی ناصل ویره بیلدک،  
ناصل بودرجه مشهور و معروف اولابیلدک؟

موسیو — ذکام سایه سنده جیجیم !

مادام — معلوم... ذکا کی انکار ایتیورم، بونک اک بویوک  
نمونه سی، اک ییکی و پارلاق بر دلیلی ایشه یانکده، آدوجلریکک  
ایچنده دورویور [ کندینسی اشارتله ] بن !

موسیو [ مغرور و متبسم ] شپه سز !

مادام — فقط البته سکا شوق قدرت موفقیتی تأمین ایچون بعضی کیمسه لړک ، بعضی وطنداش لړیک ، رفقای سیاسیه کک ده یار دیمی اولمشر ... اک چوق سکا کیم معاونت ایتدی ، اک فضله هانکی آدامه مديون وهانکی فرقه یه متشکر سک ؟

موسیو — [ تردد ايله ] ... شی ، البته بعضی آرقداش لړک ، بعضی کیمسه لړک یار دیمی کوردم ... کورمه دم دیسه م یالان سویله مش اولورم ...

مادام — پکی اما بکا یوره ککک ایچنی آچنی وعدايتشدک ، باق دها برنجی سؤاله قارشی کککلهک باشلادک [ عشوهار ] سویله بکا آسلا نم ! حیاتکی سکا بوتون وارغیله ، آغیرغیله ، باغلامش اولان زوجه کدن اسراریکی ناصل کیزلیه بیلیرسک ؟

موسیو — [ برمدت دوشونور ، صوکر ا قطعی برقرارله ] پکی ، سویله ییم ... بنی آئی دیکله ، بواسراری یالکز سکا تودیع ایدیورم ... اوت ، یالکز سکا !

مادام — [ متدار ] مه رسی ، مه رسی !

موسیو — [ بر بحران سیاسی به طوتوله رق حرارتلی ، و متهیج ] بکا اک چوق کیم می معاونت ایتدی ، اک فضله هانکی آدامه وهانکی فرقه یه می مديونم ؟ پکی سویله ییم ... ظن ایتکه بکا اک چوق معاونت ایدن بردوستمدر ، اک فضله مديون اولدیغم آدام وفرقه بر یونانی ویا یونان فرقه سیدر ... اونلره ، بزم آداملره و بزم فرقه لره قالسه ایدی امین اولکه بوکون دنیا ده نام ونشانه راست کله مزدک ، بن بر هیچ اولوردم و مملکت مه اولدیغی

برده صایار ، تسالیان بر قاریش اوتیه کیده مزدی ... آه ، بکا هرجهتی سویله تمه: بزساده قورو کورولتو ایچون یاشارز ، قورو کورولتودن باشقه بر ایشه یارامایز ، هر یاپدیغمز خطا ، هر ایشله دیکمز قباحدر . بز قوف ، بوش ، صاحجه مخلوقلر !

مادام — [ تلاش واندیشه ایچنده ] فقط ... بوتون بو موفقیات ... اونلره نه دیورسک ؟

موسیو — [ کولر ] موفقیات ... موفقیات ... لکن عزیزم ، او موفقیاتی زیامادق ، بزه یاپدیر دیلر ، جبراً ، کرها یاپدیر دیلر !

مادام — [ مراقله ] کیملر ؟

موسیو — کیملرمی ؟ کیملری ظن ایدرسک باقیم ؟

مادام — نه بیلهیم ؟ آروپا دولتریمی ؟ یوقسه اونلردن بریسیمی ؟ آمریقاده کی زنکین یونانلیلرمی ؟

موسیو — خاییر ! خاییر ! هیچ بری دکل ...

مادام — پکی کیم ؟

موسیو — هر حاله نه آروپالیلر ، نه آمریقاده کی ، اسکند - ریهده کی یونانلیلر ، نه آهرووف ، نه ده ، حتی ، بن ... بزم . ا کمکمز دشمنلریمز یاغ سوردی ، بکا اتحاد وترقی قومیتسی یول آچدی ، بنی اونلر یولتدی ، مملکتی اونلر یوکسله تدی ...

اونلر اولماسه ، اونلر کلمسه ، اونلر الکالینی اودرجه عجمیجه ، شاشغینجه اداره ایتسه ایدی بنم بومرته بی بولمق نه حدیمه ایدی ...

معدوم اولور قالیر ، شیمدی کریده دعوی وکیلکننده پینه کور دوروردم !

مادام — اما يادك ها !

موسیو — [ خطابه دوکولهرك ] اوت ، بن شو موقعی  
اونلره ، اونلرك قورو عظمت ، قویو جهالت وقاتی قافلقلرینه  
مدیونم . بنی یوقدن اونلر وار ایتدیلر ، هر خطاری بنی بر  
مردیوهن داها یوکسهکه چیقاردی و ملکتمه بر ولایتک داها  
یر آجدی ... وقتا که مشروطیتلرینی اعلان ایتدیلر ، بنی بر  
دوشونجه آلدی ؛ کندی کنده :

— کیری و نهزلوس ، یا باتدق ، یا حیدق ؟

دیدم . اذعان ایله ، عرفان ایله ، سلاحه صارینهدن اداره  
اموره قالمارلرسه بزم ایچون ، بنم ایچون چاره توسع یوقدی .  
کوچو جک یونانستانک کوچو منجک بر باش و کیلی اوله رق قاله جقدم .  
یوره کم تلاش ، قورقو ایله طاق طاق آتیوردی . دیرکن ایلک  
علامتله بیردی : روم ایلی ایچون بر کلیسار قانونی پاپلیسوردی ...  
بو کلیسار قانونی دیمک اوکونه قادر بر برینی ییین صرب ، بلغار  
ویونان خلقنی بر امل برغایه اطرافنده طوپلامق دیمکدی . بونی  
خبر آلدیم کون دهرین بر ( اوح ! ) چکدم . بو اوچ ملتی  
بیرلشدیرمک ایچون میلیونلر صرف ایدیلسه پارا ایتزدی ، بن ،  
بندن اول یدی باش وکیل ، هر کس ، هپسی بوکا چالیشمشلر ،  
لکن موفق اولامامشله . اتحاد و ترقی بوکا موفق اولدی . بناء علیه  
ایلک بویوک یاردیمی بن اونلردن ، بوفرقه دن کوردیم . موفقیتیمک  
اساسنی اونلره مدیونم ! بنی . اونلر رجل دولت ایتدی !

موسیو — عجب بدریا .. اوزمان استانبولده کی روم مبعوثلر ،  
بافاردم که ، کلیسار قانوننک علیهنده حکومتله مجادله ایدیورلر ...



نه احمق! حالوکه لهنده بولمق اقتضای دردی، تسهیلنه چالشمه لری  
لازم کلردی ... دیدم آ، عزیزم، بزلره، بزمکیلره قالسه  
ایدی ایشیمز دودوکدی!

بن بلغارلره، صربلره:

— آغالر، اردولری هنوز ناتمامدز!

دیردمده ایناندرمه مازدم، ناصل اثبات ایده بیلیردم، المده  
قوت یوقدی ... دیرکن اتحاد و ترقی بر عسکری مانورالر حاضر لغنه  
باشلاماسینمی؟ اوسته لک بزلری ده سیرینه چاغرماسینمی؟ برایکنجی  
(اوح!) ده اوزمان چکدم. ایسته دیکم اثباتی اللریله آوجه  
قویمشلردی. بر میلیون لیرا جیسدن صرف ایتسهم بو فرصتی  
تأمین ایده مزدم! ایتالیا ایله محاربه یه طوتوشمق ایسه اوچنجی  
خطالری، یعنی، بکا اوچنجی همتلری اولدی! بیر ایشمش، بالقان  
محاربه سنک قرارینی ویرمشدک. او ائشاده بوتون تمنی شوایدی:  
— آمان بر عارضه چیقوبده اتحاد قومیته سی موقع اقتداردن  
چکیلمه سین!

عکسی کبی آرناوودلق عصیانیه دوریلوریرمه سینلرمی؟  
بونو خبر آلدیم دقیقه یوره کدن وورولشه دوندم. کاتم یانمه:  
(مژده! تورکیا قابینه سی دوشدی!) دییه کیرنجه عقم باشمدن  
کیتدی، حد تمدن کاتبک اوزرینه:

— صوص بايقوش!

دییه صالیرمشم وشدت اندیشه دن بایلمشم!

مادام — [متزاید برمراقله] صوکر!!

موسیو — برکت که بوسقوط ظاهری بر سقوط اولدی ..

قوت ینه آلارنده قالدی . بز حربی اعلان ایدنجه قورقو یوردق که مخالف حکومت آروپا ایله مصلحانه بر تسویه یانا شماسین .. قومیته حرب ایسته دی ، نمایش یاپدی وموفق اولدی ... ایشته بکادر دنجی یاردیم لری ده بودر . دردنجی ( اوح ! ) ... بشنجیسنه کلنجه اوئی اثنای حربده اردولر نده یاپدق لری پروپاگاندا لر له تأمین ایتدیلر ، افرادی مغلوبیته ، بناءً علیه بزى غلبه یه سور وکله دیلر ! آل ، بشنجی ( اوح ! ) ...

مادام — چوق تحف .. نه غریب آدم لر مش اونلر !  
موسیو — شبه می وار ... توکلی مهارت بنده دکل دیمیورم .  
بویله دشمنی قارشیسنده کیم بولسه عمرینه دعا ایدر . بناءً علیه دو قور ناظمه سائر قومیته ارکانی مناسترده ، سالنیکده اسیر ایدنجه ایلاک ایشم ، هر کسدن اول ، عزت واکرام ایله مملکتلرینه اعاده اولدی . اونلر سفیر لر مدن زیاده ، بیك قات زیاده لهمه چالیشیورلردی . بعضی قیصه دوشونجه لی همشهر یلرم : « جانم ! هیچ بویله آزیل دی دشمن اله کچرده سر بست قویو یر یلیر می ؟ » دیورلردی .  
« اوسته پاراده ویر یلیر ده او یله قویو یر یلیر ! » دیوردم . سویله ده یا ، بز میکیره ، بزه قالسه ایدی ...

مادام — حقیقهً او یله ... حالکنز دود وکش !  
موسیو — دیرکن افندم حرب عمومی پاطلادی . شو یله دوشوندیم :

— آه ، تورکیا آلمانلر له برلاک اولسه !  
اولمایه جق دیبه چارپننتیدن ئولویوردم ... یاشاسین قومیته !  
بوا یسته دیکمی ده بلغا مابلغ یاپدی ، بنی ، بزى احیا ایتدی .

آلتنجی (اوح!) ی اوکون چکدم. ایشته سوکیلیم، کورو یورسک آ  
موفقیتمی نه ذکامه، نه ملتسه، نه آوروپایه، نه ده آمریقایه مدیونیم:  
اوته کیلره مدیونیم. بناءً علیه طلعت پاشانک وفتنه آک زیاده آسف  
ایدنلردن بری بن اولدم. آه، یاشاسه ایدی بکا داهانه یاردیملر  
ایده بیلیدی!

مادام — او حالده بز بوگونکی سعادت می، شو از دو اجمزی ده  
اونلره مدیونز؛ اونلر سنی بومرته به چیقارماسه ایدیلر نره دن  
طانشه جق، نره دن بولوشه جقدق!

موسیو — البته... بویدنجی همملری اولدی. یدنجی  
(اوح!) ... باری کل، عافیتلرینه ایچلم!  
[ایچرلر. یاط یولنه دوام ایدر.]



## زوالی بوغاز ایچی

چکن کون ، اوزون بر فاصله دن صو کرا ، بوغاز ایچنک  
قارشیلقلی ایکی ساحلی اوزون اوزون دولاشدم و کورور بر  
کوزله هر طرفنی دهرین دهرین سیرایتدم . بوزیارت بوتماشانک  
اوزرمده یاپدینی تأثیر شو اولدی :

— بوغاز ایچی بیتمش !

اودت ، بوغاز ایچی بیتمش ... بوغاز ایچی ویران یالیلری ،  
یامش سرایلری ، کیلمش اورمانلری ، صوسز چشمه لری ،  
چوکوک ریختیملری ، یاراسز اهالیسی و داغلرنده یریر دولاشان  
چته لری ایله تماماً بیتمش ، حزین و خالی بر خراب آباد اولوب  
قالمش . دونوشده کندیمی ، بر مزارستان زیارتندن عودت ایدر  
کبی ، یوردم اخروی ملالرله دولو ، دیلم طوتوق ، کوزلرم  
دالغین بولویوردم و :

— نهک وار ؟ نه اولدک ؟

دیه صوران طانیدقلره :

— هیچ ، دییوردم ، بوغاز ایچندن کلنیوردم ...

اوللری بوغاز ایچندن بویله می دونولور ، بویله می کلنیردی ؟  
بوقادار آز زمانده بودرجه کوزل بر یره نه اولمش ، نه بویوک  
بر درد ، نه دهرین بر سمالت چوکمشدی ؟ هانی کنجلیکنی ،  
شوخلغنی ، کوزدلیکنی بیلدی کمز و سنه لرجه پیشنده قوشدیغمن

وېر آزده طانېشديغمز قادينلر اولور ، زمان ييللرجه سزي  
اوندن آري دوشورور ، نهايت بركون ، قارشيلاشيوررسيكزو:  
— آ !

دييه هايقيرمقدن نفسكزي منع ايده مزسكز ؛ باقارسكزكه  
خيالي سزي پنجه اوكنده صباحلره قادار بكه تن اوايخه انداملي  
شوځ قادين بر ياشلي ودردلي والده اولمش ، يوزنده چكديكي  
چهلرك ، سفالتك ، اولاد آجيلرينك ايزلري ، ياناكلرنده مالال  
آور بر چيزكي ، دوداكلرده كدرلي بر تخلص ... سز « بونمي  
سوردم ؟ سوديكم بوميدى ؟ » دييه كندى كنديكزه صورار ،  
حيرتن حيرته دوشرسيكز ، فقط بردن كوزليكنز كوزلرينه  
ايلىشير :

— او ، تاكنديسى ، عيني شوځ وكنج كوزلر !  
دييه سويله نيرسيكز واسكى محبتك او دهرين تحوللره رغما  
يوره ككزك ايچنده اويانمغه باشلاديغنى دويارسيكز . ايشته  
بوغازايچى ده انسانده بو تاثيرى ياپيور ، اوله :  
— آ !

دييه هايقيرميورسيكز ، كندى كنديكزه قيزيورسيكز ،  
« بوراسيميدى ؟ بويرلميدى ؟ » ديهرك صورويور ، اطرافكزه ،  
او ويران طاملره ، او چوكمش قايقخانلره ، او كوتوك اولمش  
آغاچاره ، او تعمير كورمه مش سرايلره حيرته ، يالسله باقييورسيكز ...  
فقط بردن كوزليكنز دكيزه وكوكه ايليشيور ؟

— او ! دييورسيكز ، عيني اويناق ده كيز وعيني شوځ كوك !  
واسكى محبتكك او دهرين تحوللره رغماً تكرار اويانديغنى

آکلاپورسیکنز ... آکلاپورسیکنز اما بویکی محبتک اساسنی  
مرحت ورت تشکیل ایدیور. اولجہ اونی اوزریکزدہ برحاکمہ  
اولہرق، عجریکزی دویہدویہ سوردیکز، شمدی خاطرہسنہ  
حرمتاً، آجیہ آجیہ ... بناءً علیہ ہر تلاقیدن عودتکزدہ،  
دائماً بر حزن، برندات دویمقدن کندیکزی آلامیورسیکنز!  
شعردن، ادبیاتدن صرف نظر، بوغازیچنی بر آزده مادیجہ  
کورہم: رومایی ساحلندہ اجنبی مبانى خارجدہ تاقاواقرہ قادار،  
ہر جہتی تمام، یعنی بویاسی پارلاق باغچہ سی مطرا، ریختیمی یکی،  
اورمانی صاغلام وکوروونوشی رفاهلی انحق اون یدی بیوک یالی  
قالمشدی ... ہواونیدی یالینک ایسہ انحق یدیسی برنجی درجہدہ  
بر رفاه، بر ثروت تأثیری یاپیوردی، دیگرلری علی العادہ  
کوستریشلیرنی محافظہ ایتمشردی ... ہونلرک خارجدہ کیلر ایسہ  
خراہہ ایلہ ویرانہ آراسی سفلی، خجیع بنالردی. ریختیملری  
چو کمشدی، قایتخانہلری ییقلمش، دہ میر پارماقلقلری دہ وریلمش،  
قابلا مالری دوکولمش، چرچوہلری پارچہ لاشمش، باجا کلاہلری  
قوپمش وصوبا نورولری تلارہ طاقیلوب ہوشلقلردہ قالمشدی.  
یا پردہلرک دہلیک دہشیکلیکی، یا قفسلرک اکری بوکریلکی،  
یاجومبہلرک یانہوریلکی. ہونلر، ہوتون بو آیری آیری قصورلر  
براشہرک اورتہیہ بر سفالتکاک قوروپوردی وانسان اورایہ باقارکن:  
— یازیقی ایچندہ کیلرہ ... کیم بیلیر نہ قادار کدرلی، خستہ،  
غدا سز وپاراسز درلر! دیمک، بویلہ بر رقتہ قاپیلماغہ مجبور  
اولوپوردی. حالبوکہ وقتیلہ بو بنالر باقیمسزلتدن بو درجہ  
چو کمہدن، ہیمزہ ایچندہ یاشامق ایچون غبطہلر ویریر، کوزہمز



اوزرلرنده قاليردى . اورالردن موسيقي سسلرى ، چوجوق  
وقادين قهقهه لرى طاشار ، حرم آغلرينك ، قايتجىلرك ، آشجى  
ياماقلرينك فعاليتى كوزه چارپار ، صندالرك ، قايىقلرك ، كيكلرك  
ياناشوب بگلييشلرى اوثروت وودبدبه منظره سنه آيرى بررچاشنى  
قاتاردى . بو كون نه حرم آغلرى قالمش ، نه موطباقلر اوكنده  
حركت وار ، نه ريختيملره قايىقلر ياناشمش ... جاملر آردنده ،  
صولوق سيمالى كنج قادينلرك آل چكده دوشوندىكلرى ودردى  
دردى ده كيزى سيرايتدىكلرى كورونويور ، متقاعد وزراور جالك  
اويوقلايوب تسبيح چكدىكلرى فرق اولونيور ميني ميني چوجوقلرك  
حزن وام سينمش روحلرنده كولك ، نشئه لرك فرصتى بولاما .  
دقلى اكلاشيلور . اسكيدن واپور ياناشديني زمان اسكله لره ،  
بول يسيوب ، بول كزوب ، بول پارا آلده ايتدىكلرى رنگلى  
ياناقلرنن ، يكي البسه لرنن ، پنجه وورولماش آياق قېلرنن  
اكلاشيلان برخلق كولوشه سويله شه ، مسعود وقايغوسز نه كيفلى  
اينردى ... بن اونلرى سيرايدركن شويله دوشونوردم :

— بو آداملر شيمدى اولرينه كيدنجه جيللرنن عائله لرينى  
سه وينجه دوشوردهك اوفق تئك برخيلى هديه لر چيقاراجقلر ...  
صوكر ايا برلكده صندال ايله كز مكه ، ياخودده بالغه كيده جكلر .  
هر حالده تحبطلرينك سرمايه سنى قيقه تشكيل ايددهك .. يكلرينى  
دوشونجه سز ، اشتمالرى نسبتنده ييه جكلر و صوكر تكرر داغه ،  
ده كيزه ومهتابه چيقه جقلر . بو اكلنجه لى ، كيفلى حياتن صوكر  
راحت براويقو وايرتسى كون ينه شن برصباح ... نه مسعود آدملر !  
شمى ايسه اسكله لره واپور اكثرتى اعتباريله بريغين

قدید ، بر ییغین پالاسپاره ، بر ییغین دیلسز چیتاریور ؛ آیاق  
قابلی پچهلی ، البسهلری چهوریك ، دوداقلری بوكوك ، قدری  
اكيك وكوزلری فرسز بو اهالییه ، بو حربزدكانه باقركن بویله  
دوشونویورم :

— اونلرایچون اجدادبركذارى اولان بویالیرك هر خراب  
جهتی آیری بر آجی اولسه كرك ... « آه ، پازامز اولسه ده  
شور یختیمی شویله تعمیر ایده بیاسهك ، شو طامی شویله  
آقصارسهق ، شوقپلامه لری تعمیرایدوب شور نكده بویاتسهق ...  
بورایه ، اسکیسی کبی طرحرلر یاپسهق ، شو حوضی دولدورسهق ،  
شو قورویان مانولیا ایله ارغوانك یرینه تازهلرینی دیکسهك ،  
بر صندال آلسهق و بالی طاقلرینی دوزسهك ... » دیه دماغلری  
دائی بر اذا وبر تخیله مشغولدر . قاپیلری قاپانوب جاملری  
ئورووجه كنمش اوبویوك موطاقلره اوشاق اودالرینك منظره سی  
نه قدر جان صیقار ویمك ماصه سنده کی یوقسولاق نه جانخراشدر ...  
پو شرائط آلتنده او خراب یوردلرده نشئه ، کیف بکله نیرمی ؟  
قلندر بوم بوش ... یکی کوی ایله بویو کدره آراسی تگ وتنها ...  
غازینولر اویقوده ... روم ایلی قیزی سی اسکی آنادولی یاقسنه  
دومش ! آرتق آنادولی ساحلی قیاس ایدیکمز ... او طرفده  
دست عمران حرب عمومیدن بری وبلکده داها اولندن برچیوی  
قاقامش ، بر طاش قویمامش ، بر فیرچه سورمه مش ! کندینی  
آیاقدہ طوتابیلن یالیر نادراتدن ... واپور دودوکلری ، آقشامك  
حزنی وقسوتی ایچنده داغلری ، هانی سلاخلی ، کلاهللی چته لر  
اوغراغی اولان قورولری و داغلری نه خجیع ایکله تیور وروحه

بو وحشت زاردن نه نفوذلی بریاس، نه کمیر یچی برپاص صاریلیوړ...  
 بوغاز ایچی، او ساحل لره مغروق جسد لر کې وورمش  
 داغ نیق یالیرې، داغلر نده یار اهلر کې آصیلش کوشکلرې  
 ویا یقوشلر کې کاه بو طرفده، کاه قارشیده توتن واپورلری ایله  
 بر حزن آباد اولش... بوغاز ایچی بیتمش، حرب بوغاز ایچی،  
 بیتیرمش!

زوالی بوغاز ایچی!



## محمد چه بکله مخابره

— ۱ —

استانبولده پیام صباح اداره خانه سنده مشاهیر [۱] محرریندن

رفیق خالد بك. افندی یو تقدیم

۲۷ تشرین اول ۱۲۳۷ آنقرمدن [۲]

رفیق خالد بك

دهامی بندن بحث ایده جکسکیز ؟ [ ۳ ] متارکه اثناسنده  
غیا بدمه یازدیغکز یازیلری اونو تدم می فرض ایدیورسیکزده  
بوگونلرده ینه جانلیرده بکزه تیورسیکیز رفیق خالد بك : سزی  
اونو تمق بنم ایچون محالدر ! شخصکزی سومدیکمدن دکل ،  
وطنی هرشیدن مقدس بیلایکمدن سزی اونوته مام ! سزی  
اونو تمق وطنمه بیله رک خیانت ایتمک دیمکدر . وطنم اوغورینه  
سزی دکل سنک بشیکده کی لریکی بیله کوله کوله طاتلی طاتلی  
طوغرامق کنانه میدر . افکار عمومیه یه قارشى عیب میدر ؟ مثلاً

[ ۱ ] کرک آدره سی و کرک مکتوبده کی املا و عبارده یا کاشلری

عینا ایقا اولمشدر .

[ ۲ ] اشبو مکتوبده کی امضا ایله خط دست ( محمدچه ) بکک

امنیت عمومیه ده مأمور ایکن موجود دوسیه لرده کی امضا و یازیسنک  
عینیدر ؛ بناءً علیه مکتوب بالذات کنیدیستکدر .

[ ۳ ] چکنلرده یازدیغیم ( حرمت کوره نلر ) عنوانلی مقاله مده ذکر

جیللری سبقت ایتشدی .

سز كونك برنده خانه كزده اتلاف ايدلسه كز سزك ايچون  
فرقه كزدن فرقه نامنه آغلایان اولورمی ؟ خير ، بلكي اك يقين  
آرقداشلك سوينير وكولرلر . ديمك كه بنی تحقير ايدن رفيق خالد  
بك افكار عموميه جه ثولومه محكومدر . بو ايشده ايستر محمدجه  
واسطه اولسون ايستر حسن حسين هپسى برذر . بن سنك  
تخمين ايتديكك كبي قاتل دكم . بر قتل ايتاق ايتش اولسه م بيله  
ملتك روحندن وسلامتندن قوت آلمه دن برشى ياپام . سزك  
ملوث وجوديكزى اورته دن قالديرمق بكا نصيب اولدينى كون  
ملتسه ، وطنمه بر خدمت مقدسه ايفا ايتش اولديغى كوردرك  
كنيش نفس وراحت اويقو آلمش اولورم !

رفيق خالد بك : ( ۰۰۰۰ ) ه استناداً ياماديغكز رزالت  
قالمدى . بردن بره آرسالان كسيلمديكز . نه دن ؟ فلاكت متاركه دن  
فرصت بولديكز . ديمك كه بونى بكليورديكز . عشق اولسون  
سزك كبي بر عالمه ، بر اديبه ! الله عشقنه بشته سنك النندن  
ثوليه سكر . اومضر حياتكزى ، جانكزى بكا صاقلاييكز .  
بنم حقمدر . اولادليكز ، عائله حلقكز [ ۱ ] سزدن قورتولمش  
اوله جقلدرد . بارى بشقه سنه منتدار قالمه سينلر ! اوزاق دكلدر ،  
مراق ايتيه ييكز ، بنم كبي سزه قاحق نصيب اوله جق ظن ايدرسه كز  
خطا ايدرسيكز بن نه ياپدمسه نفسه اعتداداً ياپدم ( ۰۰۰ ) دن  
حمايه كورمدم . تخصيصات [ ۲ ] آلامدم . وجداناً سزك كبي

- [ ۱ ] اصلنده ( خلق ) كله سى اوله ( خ ) ايله يازلديقى حالده ،  
تصحيح فكريله اولسه كرك ، صوكره نقطه سى قالديرلمشدر .  
[ ۲ ] ( اصلنده تخصيصات ) كه ( خ ) سنده كى نقطه - احتياطاً -  
بللى بايرسز آتيلمشدر .

تترہ میورم مسترحم انشاالله یقینده کوروشورز بن استانبوله  
کلیرسہم دولتخانہ کزہ مسافر اولہ جنم شفاهی چوق حکایہ لرم  
واردر یازی ایله اوغراشمیہ لم بن صبری بر آدم سزده برازدها  
صبر ایدیکز افندم !!

— ۲ —

آقرده حاجی بایرام ولی محله سنده حیتمدان وطندن  
اسکوبلی محمدچہ بک افندی به تقدیم  
۱۱ تشرین اول ۱۳۳۷ استانبولدن

محمد چہ بک ،

بوندن اول [۴] ارسالنه همت بیوریلان تبریکنامه کزہ  
کثرت مشغولیتدن جواب ویرده مه مشدم . بودفعه واصل دست

[۴] ۲۰ مایس ۱۳۳۶ تاریخی بو مکتوبنده مومی الیه شوصورتله

التفات بیورم شلردی :

« امضام سزی حیرتمه براتماز انشاه ! مأموریت جدیدہ کزی تبریک  
ایده رم . بر زمان بر مقاله کزده بنی استانبوله دعوت ایتشدیکز .  
اووقت اجابت ایده مه مشدم . شیمدی دها بردفعه چاغیرسہ کز کله جکمه  
امین اولمکزی تأمین و تمینی ایدرم ! بن قاجہ جق دایک بولدم ، زمان  
کله جک سز سوزونورکن ینہ بزم کیلیر یا بر اوقه ا کمک پازده سی ویا خود  
اسویچرده بورجاندیفکز اوتل پازده کزی ویرم جکدر . زمان کله جک که  
عائلہ کزک قارشوسنده آغلايه آغلايه دلی اولہ جقسیکز . زمان کله جک که  
صاچلریکزی یولاجقسیکز . سزک یازلریکزی ولوکه عامیہده اولسہ دخی  
اوقورده ، سوردم . سز ینہ علی کالدن ، رفیع جواددن ملایمسکز  
وآبداسکز . قاجازسہ کز یقینده استانبولده دها کنیش حسب حال ایدرز  
اولمازی ، الخ ... »



تکریم اولان التفاتنامه کزی مقابلہ سز بر اقق ایسه آرتق  
 حدنا شناسلق وزا کتسزک اولہ جفندن ایشته در حال جوانی  
 تقدیم ایدیورم . فقط اولاً شو جہتی عرض ایدہ کہ بر مکتوب  
 مقدمہ سی اولہرق ( دہامی بندن بحث ایدہ جکسکز ؛ ) جملہ سنی  
 دوغروسی پک دامدن دوشر کبی ، پک یاقیشق سز بولم . . .  
 چنکی التفاتنامہ کز دہا ظریفانہ ، دہا چلیجہ باشلا یوردی .  
 انسان سوکنندہ نہ دیہہ جک اولسہ باشلانغیجده اعتدائی محافظہ  
 ایتلی ، خشونت کو سترمکدن ، رنک ویرمکدن چکینمہ لیدر .  
 ہر نہ ایسہ سزہدہ کاتب ، محرر ، چلی بر ذات دیمورلر آ ،  
 بو کبی قصورلریکز معذور کورولمہ لیدر . فدا ئیلککہ کسب شہرت  
 و ثروت ایدن بر محمد چہ بک البتہ بر خالد ضیا بک ویا آمدجی  
 بک کبی یازی یازمق خصوصندہ ید طولاً صاحب اولاماز ، بو  
 اینجہ نقطہ لری بیلامز . فقط سزک بیلدی ککز اینجہ ، نازک  
 نقطہ لردہ واردر : مکتوب کاغدی اوزرنندہ دکل ، وجود بشر  
 اوزرنندہ . . . یدمہارتکزرہ تودیع ایدیلن بعضی توقیفخانہ  
 ارقداشلرم طیرناقلہ قولتوق آلتندہ کی نازک ، اینجہ ، حساس  
 نقطہ لہ پک ای واقف اولدیغکزی حکایہ ایدرلردی . لہ احمکہ  
 ذات عالی لریلہ تشریف ہنوز مکتوبلا شہمقدن ایلری چکمدی .  
 چکمدی مہمی دہ الطاف سبحانیہ دن مأمولدر . شہمدی یہ قدر  
 اسیر کین اللہم ینہ اسیر کر ! بنی اونو تمانک سزک ایچون محال  
 اولماسی جہتی بر طرفدن عزت نفسمی اوقشادی : ای ویا فنا ،  
 ہانکی مقصدلہ اولورسہ اولسون اونو تو لماق اونو تو لمش اولمقدن  
 شرف لیدر . . . فقط ، دیگر طرفدن برازدہ جانی صیقدی : ترجیح

ايدردم که سزک يريکزه بن دها باشقه برينک ، مثلاً ايله آنقرده دن  
اولاجقه ، مثلاً خالده اونباشينک خياخانه سنده موقع طوتمش  
اولايم . . . هيچ اولمازسه حقمده کی فنا تصورليني او دها  
مناسبجه بر لسانله تفهيم ايدر وساحه فعلياته چمک دخي ايسترسه  
- حربده کی سلاح اندازلغنه رغماً - طابانجه سنی دها عجميجه  
قوللانير ، بکا بلکه بر آغیرجه يارا ايله قورتولمق امکاني بخش  
ايدودی . حالبوکه سزکه بوييله بر امیده قاپيلمق عبث اولور !  
سز ناصل بنم قوه قلميه می تقدیر لطفنده بولونويورسه کز بنده  
سزک نشانخيلاق قدرتکزی من غيرحد تصديق ايدنلردنم . بنم  
هجو ايتديکم وسزک قربان ايتديکمز انسانلرک عددی همان همان مساوی  
اولسه کرکدر . قلمده سلاح کبی ادمان ايستر . شخصی  
سودیککزی تنزلاً درميان ايمه کزه جداً ممنون اولدم .  
عاجزلری کبی چهره دوشکونلرينک اک زياده خوشلانه جني جهت  
بودر ؛ متدار ايتديکمز . وطنی بندن فضله سومه کزی طبیعی  
بولورم ؛ بنم يوزمدن قازانما دیکمز آ . . . رفاهکزی اوکامديونسيکمز  
لکن ، مير محترم ، شو وطنی بر آزده باشقه طرزده سوسهک  
دييورم . . . مثلاً بوييله بر بریمزی بوغازلايه رق اثبات سودا  
ايدة جکمز دها ضررسز بر يولنی بولاسهق . آنقره قصبه سنده  
اوطوروب حقمده مناسبه سزجه تصميملر ياپه رق وقتکزی  
خوليا ايله بوشنه کچيره جکمز بر چيقتلک آلسه کز ، اکسه کز ،  
يچسه کز ، برازده قاما وقارغی يرينه صابان واوراق قوللانسه کز  
عجيا وطنی دها خشنود ايتش اولمازميسکز ؟  
بنی وبنم بشيکده کی ياورولريمی کوله کوله ، سوه سوه

دو غرامق کناھدن وقباھتدن دھا فضله برشیدر ، بو جنایت  
اولسه کرکدر . صنعتکزه تعلق ایدن ایشلرہ نہ خفیف ، نہ  
ضررسز تعبیرلر بولویورسیکز ! [ احتیاطاً شوجهتی عرض  
ایدهیم : بنم یاوروم باشقه ذهنیتده .. ایکی یاشنده اما شیمدین  
« اتحادجیمیسک ، ائتلافجیمیسک ؟ » دییه صوردیغمن زمان :  
« اتحادجیم ! » دییه حایتیریور . بلکه استقبالده جمعیتہ مفید  
بر عنصر اولور ، تحقیقسنز ، تدقیقسنز قیاسا کز دیرم ... ]  
بنم اتلافم حالده فرقه مک آغلا یوب آغلامامسی بحثہ کلنجه :  
فرقه مک درد وطن ودرد مسایقه ایله ییللردن بری آغلامقدن  
کوزنده یاش قالمادی . امام اونده آش ، ٹولو کوزنده یاش آرانماز  
دیرلر . هم بن ٹولیهیم ... آرقہ مدن فرقه م سیلار کبی آغلاسه ،  
مزاریمی صویه بوغسه نبات دکلم کہ تکرار طور اقدن فیشقیروب  
چیقهیم .. نہ یارار ؟ ملوث اولدیغنی تخمین بویوردیغکز وجودیمی  
[ خوش ، بو ائشاده بن ده تمیز لکنی فضله ادعا ایدهیم ، قاضی کوی  
جوارنده اوچ آیدر صولر کسایدی ، نظافت کسب مشکلات  
ایتدی ] قالدیرارق بو صورتله وطنکزه بر خدمت مقدسه ایفا  
ایدنجه یہ قدر کاشکہ حدود بوینده دشمن وجودی قالدیرمقلہ  
اشتغال ایتسه کز ... بن ناصل اولسه الکزدهیم ، چانطہ ده  
کہ کلک بیلکز . فقط نہ یازیق کہ آنادولی غزتہلری حرب  
قهرمانلری میانده اسمکزی ذکر ایتک وسیلہ سنی بولامادی .  
سز روم ایلی تعبیری وجهله قیزان قدر بیله اولامادیکز : قادینلر  
اونباشلیغہ چیقدی ، سز حالا اردودہ صاری چیزمہلی محمد اغا  
قالدیکز ! یازیق ! چرکس ادھمک ، هیچ اولمازسه برزمانلر ،

قهرمان دیبه خالده نینه منی صیقدیدی ، سز بولعسته ده مظهر  
اولامادیکز !

غریب برشی عرض ایده می می ؟ هانی « شوندن فرصت  
بولدیکز ، بوکا استناد ایتدیکز ! » فلان دیورسیکز آ...  
یا کلس ! فرصت دیدیکز دورایله استنادگاه فرض ایتدیکز  
یردن متالکسز حقیقدهم ، هایدی ، هر فضیلتی سزه ویرلم لکن  
براقیکز ، چوق چوق بلاسنی چکدیکم ناموسمه اولسون  
ایلیشلمه سین ! مال اوله رق صاتوب رهنه قویمادیغمز انجق  
صیرتمزده بر بچمسز پالطو ایله درونمزده براسکی ناموس قالدی .  
بریسيله قیش صوئو قلیینه دیکر لر یله ده افترا فرطینا لر یله زور زورینه  
مقاومت ایدیورز . جامی صاقلامق خصوصنده متیقظ اوله جغمه  
اعتماد بویوریکز .

لکن سزه لازم اولوردیبه دکل ها ... بکا لزومی وار ! نهدن  
بن سزك حقهز اولویور ، نهدن سزك حصه كزه دوشویورم ،  
آ کلایامدم . یوقسه اوراده بدنلریمك شیوعی ازاله ایدیلوب  
طاپو سندنلرینی می آلدیکز ؟ او یله ایسه باش محریمز کیمك  
تصرفه کجی ، عجبا بیلدیرر میسکز ؟ بو انسان آلم صاتی ده  
اصلاحات جمله سندن اولسه كرك . . وفاء فراغ خصوصی ده  
مقبول ایسه ، احتیاج بو ، سزه بدن عاجزی بی بیك کاغد لیرایه  
در حال فراغه حاضرم . لکن اوجوز دوشوردم دیبه بر معتاد  
تخریبه قالدیشماییکز ، بالعکس کوکلی تعمیر ایدرسه کز انسانیت  
کوسترمش اولورسیکز . عائله خلقم واولاد لرم سلام ایدر لر :  
شیمدیلک بدن قور تولغه آرزو لری یوقش ، ایجاب ایدرسه  
وساطت مکرمانه لرینی رجا ایده جک لرمش !

تیترومك جهتندن قطعی بر شی سویله میه جكم ، ضعیفك  
 بو ... بنده رعشه کثرتلیحه حاصل اولور اما وجداندنمی کلیر،  
 یوقسه صوئوقدنمی ، سبینی دوشونمدم ! وجدان... وجدان...  
 بو کلمه یی قوللانمق دهنردن خاطر یکنزه کلدی ؟! فقیر خانه یه مسافر  
 اولاجغکنزه منون قالدم. فقط بن سزی او یله ایزمیت جوارنده کی  
 کشت و کذار یکنزه اولدینی کی هندی دوله سی، قوزو چورمه سی  
 ایله آغیرلییه مام . هانی بر تورکی واردر :

ئوردهك مانجه سنه

طارخانه چورباسنه

مسافر اولاجغم ویش !!!

ایشته او یله ، مانجه ایله چوربادن اوته سی یوق ... آه ،  
 کاشکه اورادن بکا بویله آجی سوزلر یازا جغکنزه بر مقدار آنقره  
 بالی کوندرسه ایدیکنزه ملیت واستقلال بزدده طادینه باقسه ایدك ...  
 سز بویله زهر زنبهك یازیلر یازدقچه بر درلو لذتنه اینانه میورز!  
 صبر ایله قوروق حلوا، دوت یپراغی اطلس اولور دیرلر...  
 باقلم سز لرده نه قماش اولاجقسیکز ! بنده صبر ایتکده ایم ،  
 برکت پارا توکهنیمور اما صبر توکنیمیمور . بکله یلم ! فقط بویله  
 قارشیلقلی عداوت بسلیه جکمره بر احبالبق زمینی بولسه ق  
 اولمازمی ، دیرسکنز ؟ انشالله بر کون کلیر ، شومکتوبلری میزی  
 او قویان اخوان بزی قول قوله کوپرودن کچرکن کورورلر ،  
 کورورلرده :

— ایشته ایکی قیمتی وطنداش یان یانه !

دیرلر ، اللھك حکمتنه حیران اولورلر . یوق ، ایلاه  
 خصوصتده دوام ایده جکسه کز بنده شو جهتی علاوه ایدیم :  
 اوفق تفکم ، لیکن قورقاق دکم ... آلد قاهیش باستون ، کیجه ،  
 کوندوز قیرده ، تحراده تک باشمه کزر ، توزارم . حتی ،  
 سزه بیلدیرمک دوغرو دکل اما نه چیقار ، سویلیهیم : خدمتچی  
 قادین ایکی آی اول سوقاق قاپیسنک کلیدینی قیرمشدی ، حالا  
 یاپدیرامادم ، کیجه لری آرقه سنه دستک دییه باستونمی دایایور  
 ومستریخ اویویورم .  
 فقط اوکا دکل ، الله کووه نیورم .





## کندیله دائر ...

— ۱ —

شیمدی یه قادار ، غزتهلرده اسمم چوق کجی ، رسمم ،  
چوق باصیلدی ، له وعلیمده چوق سوز سویله ندی ، فقط ،  
باقیورم که حقیقت بر درلو میدانه چیقامادی ، کنه وماهیم بر درلو  
اورته یه قونامادی ، بر درلو آ کلاتیلامادم ، آ کلاشیلامادم ،  
بر درلو ایچ یوزیم کوروله مه دی ، خاصه لریم کوستریله مه دی ،  
قصورلرم بیلینه مه دی ، خلاصه عنبرکی دیلرده دستان اولدم ،  
لکن ماهیتی کیمسه بیله مدی ، کیمسه تحلیل ایدمه دی ، بنم  
کندی می بیله یکم کبی کیمسه بنی طانیامادی ، طانیامادی ...  
بن که هر نسنه یه ، هر کیفیته دائر اولو اورته یازدم ، اشیایه بیله  
دیل ویردم ، حیواناتی بیله سویله تدم ، اتحادجیلری ئوزدم ،  
ائتاجیلری سه ویندردم ، قارئلیمی آووتدم ، کوکلی اکلندیردم ،  
یاشمه نسبتاً چوق ماجرالر کچیردم ، یاشمه نظراً چوق ایشار کوردم ،  
مدح و ثنایه ده ، ذم و عتابه ده ، تقدیره ده ، تهدیده ده لاقید ،  
دنیا یه اوموز سیلکدم ، آلاینه باقدم ، کیفیه کیتدم ، نیچون ،  
بر دفعه ده کندیله دائر یازماییم ، کندمدن بالذات بحث ایتمه ییم ، کندی  
کندی تمسیر ایتمه ییم ، ایجاب ایدیورسه نهدن بر آزده کندیله  
کوله ییم ، کندیله اکلنسه ییم ، بوجسارتی ، بو استثنای کوسترمه ییم ؟  
اوت ، نیچون بونی یا پماییم ؟ نهدن کندی می یازماییم ؟

ايسته بوفكرله قلمی آله وكنديمی قارشيمه آلوب بروجه آتی  
خطابه باشلادم :

— رجا ايدهرم ، ديدم ، بكا صاقين علمكدن بحث ايتمه ،  
أك هيچدن ايكي سؤال صورسهم جوابی ويره ميه جككي بيليرم ،  
مثلا : روزكار نه دن حاصل اولور ؟ چنقوناصل ياپيلير ؟ ياووز  
سلطان سليم هانكي شهرده وفات ايتدی ؟ ديسه م شاشير قاليرسك ...  
بركت عقلالغی سومزسك ، علامه لك طاسلامازسك ، اويله كودوك  
وچوروك برتحصيله كووه نوبده اسكي ، يكي برچوق محرر آرقدا -  
شريكك ياديني كي اجتماعيات ، فلسفيات بحثلرينه دالماز ، فالصو  
ياپوب ايكيده برقان ترايچنده قالمازسك ... علمسزلكنه اويار  
موافق بريول طومشسك ، ولوكه ياكلش دنخي يازسهك «مزاحدر ،  
عن قصد ياپيلدی ، نه آ كلاماز آداملرسيكز !» دير وعتاب ايدنلری  
محجوب ايدر ، كچرسك ... حالبوكه ديكرلرينه باق ، أمين اولكه  
سكا صورديغم سؤالره اونلرك ايچندهده جف القلم جواب ويره جئ  
اوقومشلر نادردير ، ياووزك وفات ايتديكي شهرى بيلمهين [ شو  
سطارلى يازديغم آنده قارشيلقلى ايكي مزده بيلمسيورز آ ، برحاملی  
شهرده ، شيرنجه دندی اما استانبولمی ديسهم ، ادرنه می ،  
بروسه می ، هر نه ايسه ، بر مقاله يازما ديغمز بر بوش كونده قاموس  
الاعلامه باقار ، رفع شبهه ايلرز ] اوت بونی بيلمهين نجه مشاهير  
محررين واردركه ( ههرودوت ) كي ابوالتاريخ عدانديليلر . [ بر  
فالصو يامتادق آ ، ههرودوت تاريخنويسدی ، هومه رشاعر ،  
اما اوته سنی پك بيلمه ييز . كنديمزی شو حالمزده علمی مقاله يازان

محرر لره بکنه تیورم [ قافاسنی سر سام ایدن روز کارک نه کی اسبابدن  
تحمیل ایتدیکنی فهم وادراک ایدمه مش یچارملر ] سسکله بن ،  
روز کارلرک هوا طبقه لری نك ایصنوب سوغو ماسندن حاصل اولدینی  
حقننده دهرمه چاتمه برشی بیلور سه قدده ، دوغروسى ، پك ده  
آکلایه رق دکل ها ! ] اوت ، بویه اَك ابتدائی تحصیلدن محروم  
نه کزیده کنجلر طانیرز که قلملر نندن علم و فن اولوقدن یا غمور بوشانیر  
کی طاشه طاشه ، کوپوره کوپوره کانغلر ده کوکولور ، یکی یکی فن  
و علم نظاریلری بیا ه وضع ایدرلر ، کرسیلره کچر ، استاد بیا ه  
اولورلر . چنقونك نه دن یاسیلدینی بحثنه کنجه بونی کچلم ، نه سن ،  
نه بن ، بو خصوصده اَك اوفاق معلوماته واقف دکانز ، بوتون  
طانیق لره ده اویله یا ! .. حتی فن و علم چرچیجیسی او معروف  
صاحب امتیاز بیا ه بیا همز ، شاید صولک کونلرده براسویچره غزته سننده  
چینقو جیلغه متعلق بر مقاله او قومادیسه ... بناء علیه ، عزیزم ،  
ذکا کی تبریک ایدرم ، آیاغکی یورغانکه کوره اوزاتیور ، کولونچ  
اولاجنکه کولونچ ایدیورسك ، ایشته مزیتلر نندن اَك مهمی بو !  
مکسیقا اصولی حقننده سیاسی بر باش مقاله یازان محرره بردن :  
— مکسیقانك پاتختی ندر ؟

دیورسهك شاشالار و امین اول که شالی آمریقاده می ، یوقسه  
جنوبیده می پك ده امنیتله جوانی ویره مز ... ویره مز اما اشبو  
مقاله سننده : « بزم نقطه نظریمز جه مکسیقا در حال شو خطرناك  
سیاستی ترك ایدرهك مناسبات همجواریه رعایتی کن دیسنه دستور  
اتخاذ ایتهل و عرق ، جنسیت مسائلنی پیش اعتباره آلهرق  
صلح و صلاح یولندن ذره قادار انخنا کوسترمه مه لیدر ! » دیر ،

دیسویرر ، اما او مناسبات همجواریدن مقصدی نهدر وهانکی  
دولتردر ، اوعرق ، جنسیت مسائل نه نسنه در ، نهی افاده ایدر ،  
بونلری کنیدیسی ده بیلمز ... بوقیل محررلردن اولمادیغکه بر  
ياز ، بيك شكر ايت !

له الحمد شاعرده دكلسك ، زيرا شاعر اولسه يدك چينمك  
ايچون متماديا پاره ، برده اوستهك شعرك ايچون ده متماديا  
قافيه آرامق مجبوريتنده ايدك . دوشوك نه پوسكوللی  
بلا ! كوندوزلری قانی قانی پارا ، كيجهلری سطر سطر قافيه  
آرامقدن پچاره لرده باق بت بكز كول كبی ... صوكر ، باری  
بوسعيه ، بوديديشمكه بدل يازديغكي اوقوته بيلسهك ويادوشونديكي  
آكلاته بيلسهك ... مثلا بريازغروبنی تصوير ايتك نيتنده سك ،  
فقط اوچنجی قافيه حاضرمی ؟ ( افول ) وزننده داها نه وار ؟  
( دخول ) وار اما بوراده اويماز . ( حلول ) فنا دكل ، فقط  
( فصول ) ده موافق ، هاه اك ايسی ( اياول ) ... او حالده  
يازغروبنی تصويردن واز كچلم ، صوك بهار ككنی ترنم ايدلم !  
بومنوال اوزره هايدی باقلم بش دقيقه ده يازدن كوزه وصول ...  
بوسنك يابه جغك عقلليحه برايش دكل ، قافيه يه اسيراول ، همده  
برديلم اكمكه ... درت قطعه ايچون بواذا ، بو عذاب چكيليرمی ؟  
اوزون صاچده جاباسی ... بزم مملكتده شاعرلر ، نه دنسنه  
بين الناس ، مجنون ايله ابله آراسنده برعجائب موقعده دورورلر ،  
عینی زمانده نه پك اركك نه پك قادين ، ايکيسی اورته سی کی ده تالق  
اولونورلر ، خلاصه خوش كوزله كورولمزلر ! بناء عليه شاعر  
اولمادیغکه ده اصابت ايتدك !

كله لم شيمدى چهره مسئله سنه :

بيليرم، هر كس، ناچار، كندى شكل و شائلك برتسليسنى بولور،  
 كيمى « چير كينم اما سويليم ! » ، كيمى « آغزم بويوك اما بقلرم  
 ثورتويور ! » ، كيمى « بوييم پك كوچك اما يورويوشم شانلى ! »  
 كې بر آلداديشله ئوزونتوسنى آزالتمانك چاره سنه باقار ! سن ده  
 كنديك ايچون « برونم بيوك اما سيامه ياقيشيور ! » ، آتده قارن ،  
 ييكته ده برون آرانير ، برون اصلته معياردر ، ايشته آل عثمان ،  
 ايشته بوربونلر ! « دييورسك ... ئوزلمه مكده حتم وار ، فقط  
 بوبولديغك صاحبه سبيلردن دولايي دكل ، وجودده كى بعضى چيقينتى ،  
 قاباريق ، جسامت ويا اوقالغك تسهيل شهرت خصوصنده كى  
 فائده لرندن دولايي ! بر آزده سعيد پاشاني بوينده كى كوچوكلك ،  
 كامل پاشايي چكه سنده كى دوشوكلك ، احمد رضا بكى قامتده كى  
 اوزونلق بين الناس معروف ايتشدر . اما خصوصيت باشقه ،  
 قصور ينه باشقه در ، كور ممطفى پاشا ، طويل احمد بك كوسه  
 اسماعيل افندى و ياقان بور محمد ، كل حسن ، په به على اولمق ايشته نيز ؛  
 صاحبلىر ينه بويله معين بر صفت ولقب ويرميه جك درجه ده اهن  
 اولان خصوصيتلر خوشدر ... زمانه ده قاريقا توره او يغون كله جك  
 چهره يه مالك اولاميان مشهورلر بد بختدرلر ؛ چهره سى چيقينتى  
 برديكر مشهوردن شهرتلى محقق ايكي ، اوچ درجه آشاغى  
 قالير . اهالى آراسنده كى معروفيتلرينى خليل بك قوجه قارننه ،  
 امراه افندى طور به صقالنه ، محمود شوكت پاشا ديك بيقلرينه  
 مديوندر ؛ سن ده برونكه ... انور ( پاشا ) ايله حسين جاهد  
 بكك سپالرينى برى سيفاً ، برى قلماً اوعظيم غزالره ، مجاهدلره

رغمًا بودر جہ سونوڪ براقان نہ در؟ چہرہ لرینك دوزنلڪی دكلی؟  
 مشہور اولمش بعضی متناسب چہرہ ملی شخصیتلرہ باقیك : یاصاح  
 ' اوزاتمشاردر ، جلال ساهربك كبی ، یامانطویہ بورونوب قالپاق  
 کیرلر ، رضا توفیق بك كبی . قوای ملیہ ارکانی دینجہ الكاول  
 خاطریمزہ جلال الدین عارف بك کلیور ، شیشمان قارنندن اوتوری...  
 شہبندر مسفور کلیور ، قیصہ بویندن وعدنان بك کلیور اوزون  
 قامہ تندن اوتوری ! بناءً علیہ معروفیتکی تزیید وتسہیل ایدن  
 عضو کدن دولای ایکی کرہ شکرایت ، زیر خلق اوزون بویلولر  
 ایچون احق ، قیصہ بویلولر ایچون مفسد ، شیشمانلر ایچون اوبور  
 دیر ، ظاہردن باطنہ حکم ایدر ، فقط سنك خصوصیتك ایچون  
 بو واقع دکلدر ، نہ احق دیہہ بیلیرلر ، نہ مفسد ! آیینہہ بر  
 باقوب اللہہ بیك حمدایتسہك یری وار! اولابیلیرکہ اونی بویولتہ جکنہ  
 قولاقلریکی اوپ اوزون ایدردی ، آرتق اوزمان ذہنارده مرکب  
 شکلمدہ کی قاریقا تورلرک فوطوغرافلرندن دہا فضلہ ایز براقیر ،  
 رسملر کدن دہا فضلہ قاریقا تورلرکہ طانیلیردك !  
 خویلریکہ کلنجہ :

بوبرلنمکہ حاجت یوق بربریمزی بیلیرز . نہ اولیالق طاسلا ،  
 نہ دہ نفسکی لوم ایت ... حتی زمان ایجابی ، اطرافکدہ کیلری  
 کوردکجہ اکثریا « بن دہا آئی ایمشم ! » دی ... سنك دستورك :  
 « نہ شاشقین اول باصیل ، نہ طاشقین اول آصیل ! » دكلی ؟ الك  
 اعلاسی دہ بودر . دور پك فضلہ صافیت کوتورمیور ، اخلاق  
 سوتنہ صوفا تمق ضرورتندہ سنك ، فقط سن انصافی داورانیورسك :  
 نہ طادینی قاچیرہ حق قادار فضلہ قاتیوریورسك ، نہ دہ بوصوی بولاشیق



قابندن بوشالتیورسک ... چشمه صویندن بر بار داق دوکوب ،  
صافیتنه ، خالصیتنه یمین ایتهدن خلقه صاتیورسک ! بوقادارینه  
دنیا راضی ... حالبوکه شوو وجداندن ، حیتدن ، اخلاصدن  
ووطندن بحث ایدن ، سوزینه ، توزینه آندلر ، قسملر ایدن  
آدام یوقی ؟ صاقین کوکل کویومنه باقیمدیمه : ایچنه منفعت فارده سی  
دوشمش ، اوکیرلی سوتی صونویور ! بیللیورم که بعضی دفعه لر ،  
بعضی احوال کدن دولایي :

— کاشکه شو ایثی یا عاسه م !

دیورسک ، توزولویورسک ... نه دن ؟ حیثتکه دو قونور  
بر جهتی اولورسه دییه ، دکلې ؟ هاه ، ایشه بوخویکه سن نه پک  
ایلری کیدرسک ، نه پک کری قالیرسک ... حیثیت قورقوسی  
یوقی ؟ باشیکه دیکیلمش الی صوپالی ، کوزی آچیق ، بازوسی  
متین بر اخلاق بکجیسیدر : همان یاقا کدن صاریلیر ، آتکندن  
طوتار ، سکا حدودی آشیرتماز ... بعضاً بو بکجینک پک متعصبانه  
دوشرسک ، انسانه نفس آلدیرماز ، اوخ دیدیرتماز ، یرنده  
صایدیرر . برکت که سنکی بویله دکل ... آراسیرا کوزیومویور ،  
دالغیلغه وورویور ، اوزمان قومشوگک باغچه سنه کیرمزه که ده  
هیچ اولمازسه دیواریکه چیقیورسک ! حال بوکه سنده کی بو  
سربستایکی تنقید ایدن شو آدام ، بکجیمنی یا اتحاد او جاغنه آتوب  
یاقش ، یامنع احتکارویا اعاشه ده لیلر لرنده بو غوب بیراقش ، یا خودده  
بر آیش ویریش اثناسنده درت پوله صا تمشدر ، شیمدی باشی بوش ،  
قوروجیسر ، قورقوسر ، ذوق وصفایچنده فریج فخور کزوب  
توزیور . سن ، اونک یاننده ، لالاسی آلمان طوتمش بر مکتب

چو جو غی کیسک . نہ زیب اور تہدہ اوینا یوب قوشو یورسک ،  
 فقط نہدہ گوشہ باشلر نہدہ دایاق ییوب آرا بہ لر آلتہدہدہ چیکنہ۔  
 نیورسک ... اوزاقدن اطرافی سیر و تماشا ایدوب کیدیورسک !  
 اولسہ اولسہ بوصیرادن اوزریکہ نہایت چامور صیجرار ...  
 « یوکسک یردہ یا تامام یل آلیر ، آلچاق یردہ یا تامام سیل آلیر ! »  
 دیہ فضلہ دوشو نور ، فضلہ ٹوزولور ، بر پارچہ چاموردن چکینیرسک  
 نہیادہ نہ دورورسک ، بویولہ نہ کیردک ؟ فقط بردفعہ کیرمش  
 بولندم دیہدہ یا تاغہ ماندا کبی کومولمکہ ، چامور لاندچہ کیفہ نوب  
 کہویش کتیر مکہ لزوم یوق ! سن ، ایکسی اور تہسی دورو یورسک :  
 بواخلاقہ نہ فضلہ راحت ایدرسک ، نہ فضلہ اذیت چکرسک !  
 نہ ثروت و سامان بکہ ، نہدہ سفات و پریشانلق !  
 چوق ذکیمسک ، قورقاق و یا جسور میسک ، نہ ایش یا بابیلیر ،  
 نہ سودر ، نہ دن حظ ایدر ، نہ دن نفرت دو یارسک ، نہ اولاق  
 ایستر ، حیاتدہ نہ بکرسک ؛ اونلری دہ صراسیلہ سویلیہ حکم ...  
 تا کہ باشقہ سنہ سوز قالماسین !



کننده دأر ...

— ۲ —

شیمدی سکا صورسهم ،

— کندیکی ذکی می عدا یدرسک ؟

بکا در حال ، بوپوک بر امنیتله :

— شبهه سز ، اوت ؟

دیرسک دگلی ؟ اوپله یا ، باق ، بعضاً خیلی یازیور ، تلطیفار ،

تقدیرلر کوروپور ، کچرکن اطرافنده اسمکک سویله ندیکنی

دویوپور ، شونک ، بونک سندن بحثله :

— ذکی چوجوق ، ذکی کنج !

دیدکرینی ده ایشیدییورسک ... او حالده ، آرتق ذکا کدن

شبهیه محل وارمی ؟ او جناسلر ، اوتلمیحلر ، اوفقرملر البته بر

ذکا محمولیدر ، ذکینک کاریدر ، بونی طوتوبده آنقره استخبارات

مدیر عمومیه سی محی الدین بک ویاخود قسطنونی استقلال محکمه سی

رئیس سهپا پردازی توفیق رشدی بک یاباماز آ ! دوغرو ...

فقط بنی دیکله : ادعای ذکا ایتکده حقلیسک ، لکن بوذکا کدن

دولایی بوبورلنمکده معنی یوق ... شیمدی یه قادار سکا قاچ پارا

قازانیدردی ونه قادار راحت ایتدیردی ؟ بوندن یدی سنه اول

( بحر جدید ) واپورنده کی منفیلر قافله سی آراسنده سن ده وارمیدک ؟

سینوبه سن ده سورولدمیدی ؟ آنادولوی ژاندارمه اوکنده دیار

ديار كزن او عنادجی وڅيرچين چو جق سن دكليك ! بوتون  
 بواذرله ، جزالره رغماً ، نه پارا كه ، نه وجوديكه كووښمنه  
 حالاجعته ديل اوز اتوبال آتان او اوصلا نماز آدامينه سن دكليك؟  
 كچ عزيزم ، سن بوذكايي رافه قوي ! بوكاذكادكل عادتابلديرلر ، دادحق  
 اوله رق باشيكه مسلط اولمش ، عمر كده تام برراحت ، ئوزون تنوسز  
 بر دور كورميه سين ديه ... هاني هر كسك شيطاني ايچنده در  
 ديرلر ، سنككي ده قافا كده ! بو ذكايه بن نه ديه هم كه ياديغي  
 خير ئور كوتديكي قور بغه يه ده كيور ، موم دينه ايشيق ويرمن  
 ديمشار ، سنك ذكلكده سكا فائده سي يوق ... حالوكه احق  
 كورونن نيجه كيزلي ذكيلر واردركه ذكاليني اويله ده كيز فزري  
 كبي صاغه ، صوله اوز اتوب كوسترمزلر ، خيرسز فزري كبي ،  
 اوصولجه حق ، منفعت كوردكوري يرده قوللانيرلر ؛ اونلر  
 بيليرلر كه ذكي ديه شهرت قازانق حياتده فائده لي دكل ، بالعكس  
 ضرر لي اولور . انسانلر ذكي ديه شهرت بولمش هم جنسلرندن  
 بحق اوزاق قاچارلر : بزى حاليله ، قاليله ، زده ده بولونويور سهق ،  
 بر جمعيت ويا بر مأموريته ، اوچنچي درجه ده بيراقيرلر ،  
 تقيض وترقيمزه مانع اولورلر ديه ... بر ناظر ك ويا بر آمر ك  
 اطرافنه طوللا ديني رجاله ، مستشارلرينه ، مديرلرينه باق :  
 محقق ذكاهتمندن آشاغي ، كندندن چوق آشاغي آداملر در ...  
 هر نه وسيله ايله آدي بر دفعه ذكيه چيقان آدامه هيچ بر محفل  
 كولر يوز واعتبار كوسترمز . مثلاً اتحاد وترقي مركز عموميسنه  
 باق : ايچنده ذكاسيله معروف آدام وارمي ؟ خاير ! ذكي او كا  
 ده نيركه ذكاسني ئورتمك لزومني آكلامش اولسون ! هم سن ،

ذکا کی ساده کوستر مکه قامیورسک ، آلايه، لطيفه يه دوکش،  
 بوشنه يره توکه توب کیدیورسک ... هائی بعضی زنکینلر  
 پارالینى دالقاووقلره ییدیرلر ، بر آز تبسم اوغورنده ...  
 سنده خزینۀ ذکا کی لطیفه ونکته اوغورنده هیچدن اسراف  
 ایدیورسک ! باری ، سندن اول بونک بر فائده سنی کورن  
 اولسه یدی : ایشه احمد راسم بک ، ایشه فاضل احمد بک ...  
 اوچکز بر آرایه کلسه کز چکلریکزی ییچاق آچییه جق !

بر نکته ، بر فقره بولمق ایچون صرف ایتدیك ذکا کی  
 البته داها فائده لی ایشلره حصر ایده بیلیردک : بر ادامه تصادف  
 ایتسه که قوربغه لی دردنك باشنه کچمش بالقاره دسته دسته کاغد  
 حلواسی آتیور وپاراسنی بویله توکه تیور ، بوکا دیوانه دیمز میسک؟  
 سنده ایشه بونی یاییورسک میرم ! غزته کاغدلرینه ذکانک  
 شکرندن وبلندن قاریش دیروب باب عالی جاده سندن آتیورسک ...  
 ذکی ، ذکاسنک قیمتی ، اهمیتی بیلمله لی ، اونى سنک کبی  
 لهو ولعبده دکل کار و منفعت یولنده قوللانمالی . . . بناءً علیه  
 سن نه دیرسه کدی ، مادامکه بر مقاله یازمقله وظیفهم بیتدی  
 دیورسک وبدائی آلوب کافی کورویورسک و خلقک توجهنه  
 اهمیت ویروب بونکه ممنون اولویورسک و بو اوغورنده ،  
 بودرجه آز کاره مقابل ، باشیکی اورته یه قویورسک ، عزیزم  
 بن سکا ناصل ذکی دییه بیلیرم ! بوتون بو اسباب ، بو شهود  
 ودلائل سنک عادتا حجرینی ایجاب ایدر . سن ذکانک حسابی  
 بیلیمور ، نه یه بدل نه آلدیگی آکلامیورسک !

باق سکا ذکا نمونه لرینی کوستریم : بانقله رده مجلس اداره

اعضالری ، دانشلر وکیللری ، اسویچرده مقیم صاحب امتیازلر ،  
 هلال احمر منسوبینی . . . اسملرینک اویله پک شعلشعه سی  
 یوقدر ، کیمسه :

ذکی آدام !

دیمز اما حقیقی ذکیلر بونلردر ، قارنلری طوق صیرتلری  
 پک ، جانلری آمین اولدینی حالده سنک کبی ذکامسرفلرینی  
 حیرتله اوزاقدن سیر ایدرلر . مثلاً سن جداً ذکی اولسه یدک  
 نه یاپاردک بیلیرمیسک ؟ اولا شوپله بر دوشونوردک :

— یا هو ، آکلاشیدی که بومملکتده اوجاقدن قوتلی ، اوجاقدن  
 دواملی ، اوجاق قادار متین ، ئولمز و آزیلمز هیچ بر تشکیلات  
 یوق ، بوکون ، یارین ، هرزمان ایچون منسوبلرینک درت یانی  
 معمور ایدیور ، رفاه ، اقبال هپ اونلرایچون . . . دوستلرینی  
 اوچوروپور ، دشمنلرینی یرک دینه صوقویور ، او حالده نهن  
 دولایی حالا مخالفتده دورورسک ؟ نه بکلپور ، نه یاپه جغنی امید  
 ایدیورسک ؟

ایشته شونی جدی اوله رق بر دفعه بویله دوشونسه ک و بوچیقماز ،  
 تهله کلی یولدن دونسه ک ، باشلاسه ک اتحادجیلرله دوشوب قالمغه ،  
 اتحادجی غزتله یازمغه ، اشکمه جی قازاندن آطلس حقیقه  
 جغنه اینامغه ، اوزمان او آزعین وخاشاری ذکاکی حیاتکک  
 آرا به سنه قوشوله جق ، ایشیکه یارایه جق بر حاله صوقدیغه اینانیر ،  
 نصرالدین خواجه نک قاطیری کبی آرتق سن اونک ایسته دیکیری  
 دکل ، اوسنک ایسته دیکک یره کیتدیکنی کورمک اوزمان ذکاکه  
 اعتماد ایدردم . یارین ، یاقا کدن طوتیق ایستسلر ومخالفتکک



جزاسنی ویرمکہ قالقیشہلر نہ یاپہ جقسک ؟

— آدام بوسفر اویله شی اولماز ! یغمای وار ؟

یاخود :

— اونی کلد کلری زمان دوشونور ، البتہ برچاره سنی بولورم !

دیورسہک ذکا کہ شاشایم ... سن بو عقل ایله داها چوق

چله چکرسک ! خلاصہ ، عزیزم ، دیدیکم کبی ذکا کدن دولای

بو بولرلمہ ، سکا ضررندن باشقہ نہ سی دوقوندی ؟

بو آغیر بحی بوقدرله قاپاتیورم بیلیرم کہ هیچ برایشده ، ولو کہ

لہکہ بیلہ اولسہ ، فضلہ دهرینلشمک ایستہ مزسک ... شیمدی

بر آزدہ ذوقلریکی تدقیق ایدہلم : ذوق خصوصندہ نہ پک کبار

صایلیرسک ، نددہ پک بایاغی ... هیچ شبہ یوق کہ نہ زوپہ سک ،

نہ توره دی ، نددہ ساخته وقار ... حیاتی کندیکہ « آمان دیک

یورویہیم ، ئوتولو کزہیم ، بویون باغمک قیوریمنی دوزہ لتهیم ! »

کبی دوشونجہلرلہ زہرا تمزسک ، باش کوشہ یہ قورولمق ، آرابہ یہ

یاصلانمق ، خلقہ زنکین کورونمک کبی صاچہ صاپان اعتیاد

ومراقلرک یوقدر . قوجہ مان پاکتلی الیکہ آلیر طاشیرسک ؛

طوزلی بادم بیہرک واپورہ کیررسک ؛ بعضاً کبابجیدہ قارتی

دویورورسک ، بعضاً لوقانطہدہ ؛ عوام ایله عواملاشیر ، خواص

ایله خواصلاشیرسک وکولونج اولماق ایچون نہ لازمہ ، ناصل

یاشامق لازمہ اویله یاشارسک ... ایشتہ سکا برسورومزیت ...

قاربازمیسک ؟ خایر ... فقط الکہ کاغددہ سورمز دکلسک ،

آیدہ ، ییلدہ برشویله برقاق پارتی پوکر یاپیورر ، یا بش ، اون

لیرا ، آلیر ، یابش اون لیرا ویررسک . عمر بالله بویوک قازانج

ويا بويوك ضرر نهدر ، بيله ميه جكسك ! عياشميسك ؟ خاير ...  
 فقط اليكه قدح ده آلامز دكلسك ، آراصيرا اچر ، يانشه له نير ،  
 ياخودده بر كه وشه كلك دويار ، ياتارسك ... عمر بالله بويوك  
 سر خوشلق نهدر آكلايه ميه جقسك ! كوزك ، بعضي كيمسه لرك  
 ظني خلافتده ، هيچ ده بويوك لكده دكلدر . ميلو نلرم اولسون ،  
 كاشانه لر قوردوراييم ، اوتوموبيللرده كزه يم ، آوروپايه ميك  
 دوقويام ، دبده ، دارات ايچنده ياشاييم ديمورسك ، سياسي  
 احتراصلرك ده يوقدر ، ازقضا بر آراق نصلسه بر موقعه كچدك ،  
 بيك پيشمانسك ، حتي داها يوكسكي النده ايكن يانشادك ...  
 باق سنك ايسته ديكك نهدر : اوافق براو ، فقط صاغلام ومنتظم ...  
 ايچنده كوچوك برعائله نك راحت ايمه سي ايچون ده اكسيلمز ،  
 آرتماز ، غايت معين بر ايراد ، يعني شو بولنديغك حالك بر  
 كوملك ايسي ! نه مجلس ملي رياسته نامزدسك ، نه ملي قهرمانلق  
 دعواسنده سك ، نه ده حياتده باشقه بر طاقم بويوك روللراوينامق  
 فكرنده سك ! نافله قورقماسينلر ، هيچ بر سياسي شخصك  
 رقيب دكلسك وهيچ بر شخصدن انتقام آلمق نيتنده بولميورسك .  
 بعضاً باقارمده نه آزشي سني نمون ايدر ونه هيچدن شيلرله  
 سهوينيرسك ؛ كوزل پيشمش بر قوزوقا پاماسي ويا ناركي قيزارمش  
 بر صارمه ، سكا عادتاكسيركي تاثير ايدر ، قارشيسنده ناطقهك  
 آچيلير ، نشئهك طاشار هم حياتي سن بويله اوافق تفك سيدلر  
 ايچون ، كوزل بر يمك ، بر كوشلي بهار كوني ، بر مهتابلي  
 كيجه ايچون سورسك ، صدارته كچمك ، سرايلرده اوطور مق  
 وفرمانكي طانيتمق ايچون دكل .. الله سكا كلنجه لي بر مخيله

ویرمښ ، ایکی الک قیزیل قنده اولسه بیه یوقدن یره کوکلکی  
 آووتابیلیرسک ؛ خوش شیلر دوشونمکدن فنالق و احتراض  
 دوشونمکه وقتک اولمازکه ... صباحلین قالقوب پنجره یه اوطورسه که  
 وشویله سبزدهوات ظرفلرینه بر باقسه که ، اک مهم ، اک حیاتی  
 مسئله لری ، درد لریکی اونودور ، باشلارسک سبزده لک بیه  
 شکل لریله ، اسماریله اکلنمکه ... کیمنی ذکی یوزلی بولورسک ،  
 کیمنی آبدال ؛ کیمی کبار کورونور ، کیمی عادی ؛ کیمی سویملیدر ،  
 کیمی ثقیل ... مثلاً پراصه اوزون بویلو ، احق بر سبزده در ،  
 ساخته بر عظمتی ده وار ؛ حالبوکه لحنه نشئه لی شیشمان  
 قارنلی ، محویتکار آدم لره بکزرده ؛ مرجک ذکی یوزلیدر ،  
 بورولجه احق ؛ - فاصولیه تربیه سز تاثیرینی یاپار ، نخود ایسه  
 غایت جدی ووقارلی کورونور ؛ ایشته بومنوال اوزره بر دفعه  
 تخیلاته دالده کی نه کاریکی ، نه زیانی دوشونور ، وقتی بویله  
 هوا ئیاتده منون کچیرسک ! سکا فضله اهمیت ویرمکه ده کهز اما  
 یونی کیمه آکلاتیرسک ...

معافیه دوشون که الله سکا شو یازی یازمه خاصه سنی ، شو  
 مخیه وشو قدرتی ده ویرمه مش اولسهیدی نه یاپاردک ؟ نه دکرسز ،  
 نه هیچدن ، نه باس بایاغی بر آدم اولوردک ، سکا اوزمان کیم  
 اهمیت ویرردی که ... سوقاقلرده کوس کوس ، شانسیز ، شرفسیز  
 دوزر ، دولاشیردک ، بعضاً برینک مراقفی جلب ایدردک :  
 شو عجائب آدامده کیمدر ؟

دیه یاننده کنه صوراردی ؛ اوده :

— واللهی بنده بیلیمورم ، آرا صیرا کوردم اما ...

دیه جواب ویردی . دیرکن بر باشقه سی :  
 — ها ، طانیرم اما آدی خاطریمه کلیور!  
 دیردی ، خلاصه آدی ، صانی غیر معلوم ، اردوده صاری  
 چیزمه لی محمد آغا کی مجهول ، فقط آزاده سر یاشاردک .  
 یاشاردک اما ، یوره ککک ایچی اویله دیمیور ، سن بونی ترجیح  
 ایدیورسک : بر آز شهرت وبر خیلی تهلکه !



## آیرلیق ، غیرلیق

هرزده ونه ایچون اولور ایسه اولسون بن قادینی ارککندن  
آیرمانک علیهندهیم ؛ علی الخصوص کز مه واکلنجه یرلرنده ...  
بو یاز کونلرنده ایشندن دون بر ارکک اوستنی باشنی  
ده کیشدیردکن ویا یوزینی ییقایوب بر ایجه فیرجه لاندقدن  
صوکر ا عائله سنه :

— هایدی بر آز دولاشالم !

دیملی واونلر یان یانه چوجوقلری اوکلرنده شویله قیرلره ،  
چاییرلره ، ده کیز کنارلرینه دوغرو یورومه لیدرلر ، یورولیدلرمی  
ایلك تصادف ایدن بر قهوه ، بر عمومی باغچه ویا بر موزیقه لی  
سپر یرینه ده کیره بیلمله لی ، برابرجه بر کناره او طوره رق خلقه  
ومنظره یه باقه باقه ، ساز ، سوز دیکلیره ک برابرجه اکلمه لیدرلر .  
یاخود ، کیجه ، یمکدن صوکر ا ، بو عائله افرادی بر سینه ما ،  
بر واریه ته ، بر تیاترو یرینه ده بویله برابرجه کیده بیلمله لی ،  
کوردکری وایشیتدکری احتیاسلرینی تعاطی ایده بیلمله لیدرلر .  
خلاصه قاری قوجه ، بابا قیز برابر اولدجه اونلرک ذوقلرینی  
واکلنجه لرینی تحدید ایده جک هیچ بر سبب وبر مانعه بولنما لیدر .  
بر سنه دن بری بویله یاشایان استانبولده تنقید واعتراضه  
محل ویره جک هیچ بر بویوک حادثه وقوع بولمادی . ضابطه  
بر عائله نک حیثیتی البته بر بابا ویا بر زوج قادر صلاحیت ودقتله

محافظه وحمایه ایدمه من ، زوجی ویا باباسیله برابر بولنان قادین محقق که یالکز باشنه بیراقیلان قادیندن داهای فضله حمایه ونظارت آلتندمه در . اوکا باقان یابانجی کوزلر یاننده کی کوزجیسنی داخل حساب ایتکه مجبوردر . بو وضعیتده کی بر قادینه نه خام خللاط باقی ، نه صاچه صاپان سوز آتمق قابلدیر . ایستر ایسته من نظرلر اولچولور ووضعیتر دوزه لتیلیر . قادینه ارککک برابرجه کزیمه سی واکلنمه سی بر ضابطه مأمورینک نظارتی آلتندمه کزیمه سندن واکلنمه سندن داهای امنیتلیدر . ذاتاً بویله یرلرده قادین قوجه سنک ، زوج زوجه سنک غایت حساس ، غایت مدقق برر مفتشیدر . ارکک یان ماصه ده کی مورژدرسه لی بر مادامه بر آز فضله باقسه قادین درحال آلتنیر :

— جانم ، دیر ، نه وار او طرفده ؟ شویله ده کیزه دوغرو باقسه که ... نه کوزل !

قادین برطرفه کوزلرینی عطف ایتسه ارکک بودفعه متیقظدر . — شو قارشیکی داغلر نه خوش مورلاشدی ، اوتیه برییه دالاجغکه او طرفلری سیر ایتسه که ...

دیر ... خارجدن بر یابانجی کوز بولندقلری یره لزومندن زیاده چه وریلسه ارککک بر نظری او متجاوز کوزلره حدینی طانیمغه کفایت ایدر . آرابه جی ، قایقجی ، غارصون وسائر ارککیله کزن قادینلره قارشی عمومیتله داهای حرمتکار ، داهای تربیه لی معامله ایدرلر ؛ بونلر سوزینی ، کوزینی حسابلامق مجبوریتنده درلر . والحاصل قادینلی ارککلی کزیشلرده کنیدیلکندن حاصل اولان بر نظارت ، بر وقایه ، بر تحفظ واردر .



صوڪرا معناده بونده بن بر چوق فائدهلر كوروپورم : چولوق  
چوچوق برابر كزینن وا كلنن عائلهلر قیمتلی بر منظره تشكيل  
ایدرلر . كوزلر بو سیردن ذوق آلیر وبكارلرده بو طابلو بر  
ازدواج آرزوسی اویانديرر : باقارسیكزكه قاری قوجه یان یانه  
قونوشه رق نه طاتلی كزینیورلر ؛ اوكلرنده قوشان چوچوق  
نه خوشدر ، بو اوچ وجودك تشكيل ایتدیکی لوحه دن اطرافه  
نه جاذبهلر داغیلور . ولوکه بر مدت اول بو چیفت اولرنده  
دیدیشمشار وكوشمشار اولسونلر ، سوقاقده وعمومی یرلرده  
جبهه یی رسانتلی كوسترمك ایستلر ، بر طوزاق کبی كولوشورلر ،  
سویله شیرلر وبوساخته التقاتلر بر آرزوڪرا حقیقی محبت والتفات  
یول آچار .

كز مکه یاری قیرغین وخیلی قیزغین اوله رق چیتان اولیلر  
وعائلهلر اکثریتله اولرینه جاندن دوست وكوکلدن محبتلی اوله رق  
دونرلر . آچیق هوا ، موسیقی ، آقشامك وکیجه نك سكوتی  
نهایت سینیرلری ساکنه شدیرر ، یورمه کاری یموشاتیر وزهنلری  
دورغونلاشدیرر ، صوڪرا قادینه ارکكك عمومی یرلرده بر  
آراده بولمهلرنده شوفائده واردر : اوزاقدن ، کیزی وقورقاق  
كورديكمز چهره ووجودلرده اکثریا اولدیغندن فضا ، مزیتلر  
ولطافتلر توهم ایده رز . ظن ایده رزكه شو اوک خانمی ویا شو  
بكك کریمه ویا زوجه سی ویاخودده شو بك وشو افندی پك  
كوزل ، پك کبار ، پك شیق ویا پك ممتازدر . حالوکه بر کون  
یانمزده کی ماصیه تصادف ایدیوریرلر . آكلارزكه غلط رؤیته  
آلدانیمیشز . او خانم واو بك نه اوپله کبار ، نه ده اوپله ممتاز

ایمښ... اوزمان کندی زوجه وکندی زوجې نظریم زده کسب  
قیمت وکسب اهمیت ایدر؛ بویا قیندن تماشای بزی مضر تخیلر  
ومضر تمیلردن قورتازیر.

حیفت کزینهلرک بر فائده سی ده نفسنه اهتمام ایتک لزومی  
میدانه چیقارمه سنده در. ارکک ایستکه رفیقه سنک یاننده بر  
قاریش تیراشیله دولاشماسین، یاقالغی صارارمش وپانطالونی  
بوروشمش اولماسین... قادین آرزو ایدرکه چورابلی صارقیق  
وباش اورتوسی داغنیق دورماسین... صوکره قارشیلقلی بربرلرینی  
تتبع واصلح ایدرلر. ارکک دیرکه:

— فضله پودرا سورمه!

قادین دیرکه:

— اطرافکه اوپله چی چی باقه!

بیلمه دکلریخه ده بویرلرده اوکرشم اولورلر. مثلاً ارکک  
دورغون، سکوتی بر آدامدر فرض ایدم؛ کورورکه قارشی  
ماصده کی زوج، زوجه سنه نه خوش سوزلر بولوب سویله یور  
واونی ناصل کندیسنه علاقه دار ایدیور، درحال اونده ده بر  
انتباه حاصل اولور؛ عائله رابطه لرینی قوتلشدیرن او هیچدن،  
فقط طاتلی، ذوقلی حسب حاللره اوده رواج ویرر. یاخود قادین  
بر آز داغنیقدر ویا کینمه خصوصنده اهتمامسز... زوجیه  
کزرکن - دیگر قادینلره باقه رق - قصورلرینی کورمکه باشلار  
وهر یکی چی قیشده بر آز دها اهتماملی داورانیر!

اصل مهم، بویوک فائده یه کنهجه: قادینه ارکک بو برابر  
کزیشلر و برابر اکله نیشرلر سایه سنده آیری ذوقلره و آیری

محیطلره دوشمه مش اولورلر . بر آرادہ کز مکہ و اکنمکہ بر دفعه آیشیلدی و بواعتیاد حالنه کلدیمی آرتق ارکک قهوه خانه دن ، قلوبدن و قارادن کنديسنی قورتارمش اولور ؛ قادین ايسه صرف قادینلردن عبارت بر دیدی قودی و معناسزلق محیطندن صییریلدی دیمکدر .

فرض محال اوله رق دیوروز ، ضابطه قادین ارکک کزینتیلرینی واکلنجه لرینی منع ایتسه اوزمان ارککار قول قولہ آری مسیره لرده ، غازیو و قهوه لرده طاقم طاقم دولاشمغه باشلايه جقلمر ، بوکزینتیلر ام الحباثت اوله جق . بری دییه جککه :  
— شوراده ایکی قدح ایچملم !

کیره جکلمر واون ایکی قدح ایچمه جکلمر . حالبوکه قادینله کز رکن بو احتمال خاطر دن کچمز . قدح کزی صایمغه و انصاف کزی آله آلمغه مجبور سیکزدرد . صوکر اسز اویکزه دونمک ایچون آیآغه قالدنجه اصرارلر باشلايه جق :

— داهایرکن ، دییه جکلمر ، یاریم ساعت داهایرکن ...

بر ساعت داهایر قالمش اولاجق سیکز . حالبوکه یانکزه قادین اولسه ایدی نه بویله ایچمه بیلیر ، نه بویله کچیکه بیلیر ، نه ده بویله آرقداشلرله دوشوب قالدیه بیلیر دیکز . هم بوقادار ایچکیدن و کچیکمه دن صوکر داهایر ، داهایر کچیکین اکلنجه لرله قاپلیمیه جگکزه نه معلوم . . . مادامکه باشیکز دومانلیدر ، ینه او آرقداشلرله اویهرق ، شوویه ، یاری قارانلق بر سوقاغه دوغرو دالمیه جگکزی و بعض قاپیلری چالمیه جگکزی کیم تأمین ایدیه بیلیر ؟ معاذالله ...

قادين قسمنه كلنجه : كيم بيلير او زوجه كيملرله ، هانكي  
لياقتسز قومشولر وهانكي مناسبتسز احبابلرله تياترووسينه مالرد ،  
پارقلره وچايرلره كيده جقدر ... ضابطه ، في الواقع ، ار ككلري  
او طرفلره صوقيه جقدر ، فقط ذهنلري ده تحت مراقبه ده  
طوته مينه جقدر آ ... سزه :

— ياساق ! ديهه جكلر ، زوجهكك ياننه كيده مرسك !  
بو ممنوعيت قادينك اكلنجه لرنده سز كي لردن بسبتون  
آري بر عالمك حصوله سبب اوله جق ، سزك محيطة كز دخی  
اونك كندن بسبتون باشقه لاشه جق ...  
ايشته ذوقلرده بر آريلق ، بر غير يلق كه بويله هر سينه ماده  
لايعد معاشقه منظرلري وهر تياتروده لايحيى سودا سخنه لري  
كوسترلديكي بر صيراده قطعي بر آريلغه ، أبدی بر غير يلغه  
قادر وارا بيلير !

هر زرده ونه ايچون اولور ايسه اولسون بن قادينى ار ككندن  
آير مانك ايشته بوس بيلردن دولايي شذتله عليهنده يم ؛ على الخصوص  
كرمه واكلنجه يرلرنده ... ديديكيم كي قادين ار ككناك واراك  
قادينك اك متيقظ واك مدقق بر مراقبي ، بر محافظيدر .  
ضابطه عمومى يرلرده لاعلى التعيين انسانلر قادينى ار ككندن  
آير مقله دكل انسانلر آراسنده مناسبتسز لري مناسبتيليرندن ،  
اويغونسز لري اويغونلرندن آير مقله مكلفدر .



## فهرست

صفحه	
۵	آی پیشنهاد
۱۰	آنادوایده هزار
۱۷	نه ظن ایدردم ...
۲۳	اوج نهر
۲۹	کروانده معاشقه - ۱
۳۶	کروانده معاشقه - ۲
۴۳	اوزوم وایک بلده سی
۴۹	هیچدن سعادتلر
۵۵	هیچدن فلا کتله
۶۰	چای بلاسی
۶۵	اولماسه ایدی ... نه اولوردی ؟
۷۲	حرمت کوره نلر
۷۹	جانلی وثیقه لر
۸۶	مه تانیسیقوز !
۹۴	آقربایی زیارت
۱۰۲	یازیق اولدی !
۱۰۸	اسکی یاز عشقلری
۱۱۶	بال آیی صحبتی ( تکلمی حکایه )
۱۲۳	زواللی بوغازایچی
۱۲۹	محمدچه بکله مخاره ۱ - ۲
۱۳۸	کندیجه دائر ... - ۱
۱۴۶	کندیجه دائر ... - ۲
۱۵۴	آیریلق ، غیریلق











PL

248

K37A8